

බුද්දකනිකායෙ ඉතිවුත්තකපාළි



ධම්මවිචය

පටුන

1. එකකතිපාතො.....	1
1. පයමවග්ගො.....	1
1. ලොහසුත්තං.....	1
2. දොසසුත්තං.....	1
3. මොහසුත්තං.....	1
4. කොධසුත්තං.....	2
5. මක්ඛසුත්තං.....	2
6. මානසුත්තං.....	2
7. සබ්බපරිඤ්ඤාසුත්තං.....	3
8. මානපරිඤ්ඤාසුත්තං.....	3
9. ලොහපරිඤ්ඤාසුත්තං.....	4
10. දොසපරිඤ්ඤාසුත්තං.....	4
2. දුතියවග්ගො.....	4
1. මොහපරිඤ්ඤාසුත්තං.....	4
2. කොධපරිඤ්ඤාසුත්තං.....	5
3. මක්ඛපරිඤ්ඤාසුත්තං.....	5
4. අවිජ්ජානීවරණසුත්තං.....	5
5. තණ්හාසංයොජනසුත්තං.....	6
6. පයමසෙබ්බසුත්තං.....	6
7. දුතියසෙබ්බසුත්තං.....	7
8. සඬ්ඝ්භෙදසුත්තං.....	7
9. සඬ්ඝසාමග්ගීසුත්තං.....	7
10. පදුට්ඨචිත්තසුත්තං.....	8
3. තතියවග්ගො.....	9
1. පසන්නචිත්තසුත්තං.....	9
2. මෙත්තසුත්තං.....	9
3. උභයත්ථසුත්තං.....	10
4. අට්ඨිප්පඤ්ඡසුත්තං.....	10
5. මුසාවාදසුත්තං.....	11
6. දානසුත්තං.....	11
7. මෙත්තාභාවනාසුත්තං.....	12

2. දුකනිපාතො.....	13
1. පයමවග්ගො.....	13
1. දුක්ඛවිහාරසුත්තං.....	13
2. සුඛවිහාරසුත්තං.....	14
3. තපනීයසුත්තං.....	15
4. අතපනීයසුත්තං.....	15
5. පයමසීලසුත්තං.....	15
6. දුතියසීලසුත්තං.....	16
7. ආතාපීසුත්තං.....	16
8. පයමනකුහනසුත්තං.....	17
9. දුතියනකුහනසුත්තං.....	17
10. සොමනස්සසුත්තං.....	17
2. දුතියවග්ගො.....	18
1. විතක්කසුත්තං.....	18
2. දෙසනාසුත්තං.....	19
3. විජ්ජාසුත්තං.....	20
4. පඤ්ඤාපරිභීතසුත්තං.....	20
5. සුක්කධම්මසුත්තං.....	21
6. අජාතසුත්තං.....	21
7. නිබ්බානධාතුසුත්තං.....	22
8. පටිසල්ලානසුත්තං.....	22
9. සික්ඛානිසංසසුත්තං.....	23
10. ජාගරියසුත්තං.....	23
11. ආපායිකසුත්තං.....	24
12. දිට්ඨිගතසුත්තං.....	24
3. තිකනිපාතො.....	25
1. පයමවග්ගො.....	25
1. මූලසුත්තං.....	25
2. ධාතුසුත්තං.....	26
3. පයමවෙදනාසුත්තං.....	26
4. දුතියවෙදනාසුත්තං.....	27
5. පයමඵසනාසුත්තං.....	27

6. දුතියඵසනාසුත්තං	27
7. පයමආසවසුත්තං	28
8. දුතියආසවසුත්තං	28
9. තණ්හාසුත්තං	29
10. මාරධෙය්‍යසුත්තං.....	29
2. දුතියවග්ගො	30
1. පුඤ්ඤකිරියවත්ථුසුත්තං.....	30
2. චක්ඛුසුත්තං.....	30
3. ඉන්ද්‍රියසුත්තං.....	30
4. අද්ධාසුත්තං.....	31
5. දුච්චරිතසුත්තං	31
6. සුචරිතසුත්තං	32
7. සොචෙය්‍යසුත්තං	32
8. මොනෙය්‍යසුත්තං	32
9. පයමරාගසුත්තං	33
10. දුතියරාගසුත්තං.....	33
3. තතියවග්ගො	34
1. මිච්ඡාදිට්ඨිකසුත්තං	34
2. සම්මාදිට්ඨිකසුත්තං.....	34
3. නිස්සරණියසුත්තං.....	35
4. සන්තතරසුත්තං	36
5. පුත්තසුත්තං.....	36
6. අවුට්ඨිකසුත්තං	37
7. සුඛපත්ථනාසුත්තං	38
8. භිදුරසුත්තං.....	39
9. ධාතුසොසංසන්දනසුත්තං.....	40
10. පරිහානසුත්තං	40
4. චතුත්ථවග්ගො.....	41
1. විතක්කසුත්තං	41
2. සක්කාරසුත්තං.....	42
3. දෙවසද්දසුත්තං	43
4. පඤ්චපුබ්බනිමිත්තසුත්තං.....	44

5. බහුජනහිතසුත්තං.....	45
6. අසුභානුපස්සිසුත්තං	46
7. ධම්මානුධම්මපටිපන්නසුත්තං.....	46
8. අන්ධකරණසුත්තං	47
9. අන්තරාමලසුත්තං.....	48
10. දෙවදත්තසුත්තං.....	49
5. පඤ්චමචග්ගො	50
1. අග්ගජ්ජසාදසුත්තං	50
2. ජීවිකසුත්තං	51
3. සඬ්ඝාටිකණ්ණසුත්තං	52
4. අග්ගිසුත්තං	52
5. උපපරික්ඛසුත්තං	53
6. කාමුපපත්තිසුත්තං	53
7. කාමයොගසුත්තං	54
8. කල්‍යාණසීලසුත්තං	54
9. දානසුත්තං	55
10. තෙවිජ්ජසුත්තං.....	56
4. චතුක්කතිපාතො.....	58
1. බ්‍රාහ්මණධම්මයාගසුත්තං.....	58
2. සුලභසුත්තං	58
3. ආසවක්ඛයසුත්තං	59
4. සමණබ්‍රාහ්මණසුත්තං.....	59
5. සීලසම්පන්නසුත්තං	60
6. තණ්හුප්පාදසුත්තං.....	61
7. සබ්‍රහ්මකසුත්තං	62
8. බහුකාරසුත්තං	62
9. කුහසුත්තං	63
10. නදීසොතසුත්තං.....	64
11. චරසුත්තං.....	65
12. සම්පන්නසීලසුත්තං	66
13. ලොකසුත්තං	68

“ධම්මා සුතා ධාතා චට්ඨා පරිචිතා මනසානුපෙක්ඛිතා දිට්ඨියා සුප්පට්ඨිද්ධා.”

(මහා සුඤ්ඤත සූත්තං; මජ්ඣිම නිකායයා, උපරිපණ්ණාසකා, සුඤ්ඤත වග්ගො.)

පටුන සංස්කරණය - භික්ඛු ධම්මවිහාරී

(පට්ඨ සංඝායනා ත්‍රිපිටක වැඩසටහනින් උපුටා සකසන ලදී)

බුද්දකනිකායෙ

ඉතිවුත්තකපාළි

1. එකකනිපාතො

1. පයමවග්ගො

1. ලොහසුත්තං

1. වුත්තඤ්ඤෙතං භගවතා, වුත්තමරහතාති මෙ සුතං -

“එකධම්මං, භික්ඛවෙ, පජහථ; අහං වො පාටිභොගො අනාගාමිකාය. කතමං එකධම්මං? ලොහං, භික්ඛවෙ, එකධම්මං පජහථ; අහං වො පාටිභොගො අනාගාමිකායා”ති. එතමත්ථං භගවා අවොච. තත්ථෙතං ඉති වුච්චති -

“යෙන ලොහෙන ලුද්ධාසෙ, සත්තා ගච්ඡන්ති දුග්ගතිං;
තං ලොහං සම්මදඤ්ඤාය, පජහන්ති විපස්සිනො;
පහාය න පුනායන්ති, ඉමං ලොකං කුදාවන”න්ති.

අයම්පි අත්ථො වුත්තො භගවතා, ඉති මෙ සුතන්ති. පයමං.

2. දොසසුත්තං

2. වුත්තඤ්ඤෙතං භගවතා, වුත්තමරහතාති මෙ සුතං -

“එකධම්මං, භික්ඛවෙ, පජහථ; අහං වො පාටිභොගො අනාගාමිකාය. කතමං එකධම්මං? දොසං, භික්ඛවෙ, එකධම්මං පජහථ; අහං වො පාටිභොගො අනාගාමිකායා”ති. එතමත්ථං භගවා අවොච. තත්ථෙතං ඉති වුච්චති -

“යෙන දොසෙන දුට්ඨාසෙ, සත්තා ගච්ඡන්ති දුග්ගතිං;
තං දොසං සම්මදඤ්ඤාය, පජහන්ති විපස්සිනො;
පහාය න පුනායන්ති, ඉමං ලොකං කුදාවන”න්ති.

අයම්පි අත්ථො වුත්තො භගවතා, ඉති මෙ සුතන්ති. දුතියං.

3. මොහසුත්තං

3. වුත්තඤ්ඤෙතං භගවතා, වුත්තමරහතාති මෙ සුතං -

“එකධම්මං, භික්ඛවෙ, පජහථ; අහං වො පාටිභොගො අනාගාමිකාය. කතමං එකධම්මං? මොහං, භික්ඛවෙ, එකධම්මං පජහථ; අහං වො

පාටිභොගො අනාගාමිකායා”ති. එතමත්ථං භගවා අවොච. තත්ථෙතං ඉති වුච්චති –

“යෙන මොහෙන මුළුභාසෙ, සත්තා ගච්ඡන්ති දුග්ගතිං;
තං මොහං සම්මද්දඤ්ඤාය, පජ්ඣන්ති විපස්සිනො;
පභාය න පුනායන්ති, ඉමං ලොකං කුදාවන”න්ති.

අයම්පි අත්ථො වුත්තො භගවතා, ඉති මෙ සුතන්ති. තතියං.

4. කොධසුත්තං

4. වුත්තඤ්ඤෙනං භගවතා, වුත්තමරහතාති මෙ සුතං –

“එකධම්මං, භික්ඛවෙ, පජ්ඣං; අහං වො පාටිභොගො අනාගාමිකාය. කතමං එකධම්මං? කොධං, භික්ඛවෙ, එකධම්මං පජ්ඣං; අහං වො පාටිභොගො අනාගාමිකායා”ති. එතමත්ථං භගවා අවොච. තත්ථෙතං ඉති වුච්චති –

“යෙන කොධෙන කුද්ධාසෙ, සත්තා ගච්ඡන්ති දුග්ගතිං;
තං කොධං සම්මද්දඤ්ඤාය, පජ්ඣන්ති විපස්සිනො;
පභාය න පුනායන්ති, ඉමං ලොකං කුදාවන”න්ති.

අයම්පි අත්ථො වුත්තො භගවතා, ඉති මෙ සුතන්ති. චතුත්ථං.

5. මක්ඛසුත්තං

5. වුත්තඤ්ඤෙනං භගවතා, වුත්තමරහතාති මෙ සුතං –

“එකධම්මං, භික්ඛවෙ, පජ්ඣං; අහං වො පාටිභොගො අනාගාමිකාය. කතමං එකධම්මං? මක්ඛං, භික්ඛවෙ, එකධම්මං පජ්ඣං; අහං වො පාටිභොගො අනාගාමිකායා”ති. එතමත්ථං භගවා අවොච. තත්ථෙතං ඉති වුච්චති –

“යෙන මක්ඛෙන මක්ඛාසෙ [මක්ඛිකාසෙ (සායා.)], සත්තා ගච්ඡන්ති දුග්ගතිං;
තං මක්ඛං සම්මද්දඤ්ඤාය, පජ්ඣන්ති විපස්සිනො;
පභාය න පුනායන්ති, ඉමං ලොකං කුදාවන”න්ති.

අයම්පි අත්ථො වුත්තො භගවතා, ඉති මෙ සුතන්ති. පඤ්චමං.

6. මානසුත්තං

6. වුත්තඤ්ඤෙනං භගවතා, වුත්තමරහතාති මෙ සුතං –

“එකධම්මං, භික්ඛවෙ, පජහථ; අහං වො පාටිභොගො අනාගාමිකාය. කතමං එකධම්මං? මානං, භික්ඛවෙ, එකධම්මං පජහථ; අහං වො පාටිභොගො අනාගාමිකායා”ති. එතමත්ථං භගවා අවොච. තත්ථෙතං ඉති වුච්චති –

“යෙන මානෙන මත්තාසෙ, සත්තා ගච්ඡන්ති දුග්ගතිං;
තං මානං සම්මද්දඤ්ඤාය, පජහන්ති විපස්සිනො;
පභාය න පුනායන්ති, ඉමං ලොකං කුදාවන”න්ති.

අයම්පි අත්ථො වුත්තො භගවතා, ඉති මෙ සුතන්ති. ඡට්ඨං.

7. සබ්බපරිඤ්ඤාසුත්තං

7. වුත්තඤ්ඤෙනං භගවතා, වුත්තමරහතාති මෙ සුතං –

“සබ්බං, භික්ඛවෙ, අනභිජානං අපරිජානං තත්ථ චිත්තං අවිරාජයං අප්පජහං අභබ්බො දුක්ඛක්ඛයාය. සබ්බඤ්ච ඛො, භික්ඛවෙ, අභිජානං පරිජානං තත්ථ චිත්තං විරාජයං පජහං භබ්බො දුක්ඛක්ඛයායා”ති. එතමත්ථං භගවා අවොච. තත්ථෙතං ඉති වුච්චති –

“යො සබ්බං සබ්බතො ඤත්වා, සබ්බත්ථෙසු න රජ්ජති;
ස වෙ සබ්බපරිඤ්ඤා [සබ්බං පරිඤ්ඤා (සා. පි.)] සො,
සබ්බදුක්ඛමුපව්චගා”ති [සබ්බං දුක්ඛං උපව්චගාති (සා.),
සබ්බදුක්ඛං උපව්චගාති (පි. අට්ඨ.)].

අයම්පි අත්ථො වුත්තො භගවතා, ඉති මෙ සුතන්ති. සත්තමං.

8. මානපරිඤ්ඤාසුත්තං

8. වුත්තඤ්ඤෙනං භගවතා, වුත්තමරහතාති මෙ සුතං –

“මානං, භික්ඛවෙ, අනභිජානං අපරිජානං තත්ථ චිත්තං අවිරාජයං අප්පජහං අභබ්බො දුක්ඛක්ඛයාය. මානඤ්ච ඛො, භික්ඛවෙ, අභිජානං පරිජානං තත්ථ චිත්තං විරාජයං පජහං භබ්බො දුක්ඛක්ඛයායා”ති. එතමත්ථං භගවා අවොච. තත්ථෙතං ඉති වුච්චති –

“මාත්‍රපෙතා අයං පජා, මානගන්ථා භවෙ රතා;
මානං අපරිජානන්තා, ආගන්තාරො පුනබ්භවං.

“යෙ ච මානං පහන්ත්වාන, විමුත්තා මානසඛිකයෙ;
තෙ මානගන්ථාභිභූතො, සබ්බදුක්ඛමුපව්චගු”න්ති [සබ්බදුක්ඛං
උපව්චගුන්ති (පි.), සබ්බං දුක්ඛං උපව්චගුන්ති (අට්ඨකථා)].

අයම්පි අත්ථො වුත්තො භගවතා, ඉති මෙ සුතන්ති. අට්ඨමං.

9. ලොහපරිඤ්ඤාසුත්තං

9. වුත්තඤ්ඤෙතං භගවතා, වුත්තමරහතාති මෙ සුතං -

“ලොහං, භික්ඛවෙ, අනභිජානං අපරිජානං තත්ථ චිත්තං අවිරාජයං අප්පජ්ජං අභබ්බො දුක්ඛක්ඛයාය. ලොහඤ්ච ඛො, භික්ඛවෙ, අභිජානං පරිජානං තත්ථ චිත්තං විරාජයං පජ්ජං භබ්බො දුක්ඛක්ඛයායා”ති. එතමත්ථං භගවා අවොච. තත්ථෙතං ඉති වුච්චති -

“යෙන ලොහෙන ලුද්ධාසෙ, සත්තා ගච්ඡන්ති දුග්ගතිං;
තං ලොහං සම්මදඤ්ඤාය, පජ්ජන්ති විපස්සිනො;
පභාය න පුනායන්ති, ඉමං ලොකං කුදාවන”න්ති.

අයම්පි අත්ථො වුත්තො භගවතා, ඉති මෙ සුතන්ති. නවමං.

10. දොසපරිඤ්ඤාසුත්තං

10. වුත්තඤ්ඤෙතං භගවතා, වුත්තමරහතාති මෙ සුතං -

“දොසං, භික්ඛවෙ, අනභිජානං අපරිජානං තත්ථ චිත්තං අවිරාජයං අප්පජ්ජං අභබ්බො දුක්ඛක්ඛයාය. දොසඤ්ච ඛො, භික්ඛවෙ, අභිජානං පරිජානං තත්ථ චිත්තං විරාජයං පජ්ජං භබ්බො දුක්ඛක්ඛයායා”ති. එතමත්ථං භගවා අවොච. තත්ථෙතං ඉති වුච්චති -

“යෙන දොසෙන දුට්ඨාසෙ, සත්තා ගච්ඡන්ති දුග්ගතිං;
තං දොසං සම්මදඤ්ඤාය, පජ්ජන්ති විපස්සිනො;
පභාය න පුනායන්ති, ඉමං ලොකං කුදාවන”න්ති.

අයම්පි අත්ථො වුත්තො භගවතා, ඉති මෙ සුතන්ති. දසමං.

පයමො වග්ගො නිට්ඨිතො.

තස්සුද්දානං -

රාගදොසා අථ මොහො, කොධමක්ඛා මානං සබ්බං;
මානතො රාගදොසා පුන ද්වෙ, පකාසිතා වග්ගමාහු පයමන්ති.

2. දුතියවග්ගො

1. මොහපරිඤ්ඤාසුත්තං

11. වුත්තඤ්ඤෙතං භගවතා, වුත්තමරහතාති මෙ සුතං -

“මොහං, භික්ඛවෙ, අනභිජානං අපරිජානං තත්ථ චිත්තං අවිරාජයං අප්පජ්ජං අභබ්බො දුක්ඛක්ඛයාය. මොහඤ්ච ඛො, භික්ඛවෙ, අභිජානං පරිජානං තත්ථ චිත්තං විරාජයං පජ්ජං භබ්බො දුක්ඛක්ඛයායා”ති. එතමත්ථං භගවා අවොච. තත්ථෙතං ඉති වුච්චති -

“යෙන මොහෙන මුල්භාසෙ, සත්තා ගච්ඡන්ති දුග්ගතිං;
තං මොහං සම්මදඤ්ඤාය, පජහන්ති විපස්සිනො;
පභාය න පුනායන්ති, ඉමං ලොකං කුදාවන”න්ති.

අයම්පි අත්ථො වුත්තො භගවතා, ඉති මෙ සුතන්ති. පයමං.

2. කොධපරිඤ්ඤාසුත්තං

12. වුත්තඤ්ඤෙතං භගවතා, වුත්තමරහතාති මෙ සුතං –

“කොධං, භික්ඛවෙ, අනභිජානං අපරිජානං තත්ථ චිත්තං අවිරාජයං
අප්පජහං අභබ්බො දුක්ඛක්ඛයාය. කොධඤ්ච ඛො, භික්ඛවෙ, අභිජානං
පරිජානං තත්ථ චිත්තං විරාජයං පජහං භබ්බො දුක්ඛක්ඛයායා”ති.
එතමත්ථං භගවා අවොච. තත්ථෙතං ඉති වුච්චති –

“යෙන කොධෙන කුද්ධාසෙ, සත්තා ගච්ඡන්ති දුග්ගතිං;
තං කොධං සම්මදඤ්ඤාය, පජහන්ති විපස්සිනො;
පභාය න පුනායන්ති, ඉමං ලොකං කුදාවන”න්ති.

අයම්පි අත්ථො වුත්තො භගවතා, ඉති මෙ සුතන්ති. දුතියං.

3. මක්ඛපරිඤ්ඤාසුත්තං

13. වුත්තඤ්ඤෙතං භගවතා, වුත්තමරහතාති මෙ සුතං –

“මක්ඛං, භික්ඛවෙ, අනභිජානං අපරිජානං තත්ථ චිත්තං අවිරාජයං
අප්පජහං අභබ්බො දුක්ඛක්ඛයාය. මක්ඛඤ්ච ඛො, භික්ඛවෙ, අභිජානං
පරිජානං තත්ථ චිත්තං විරාජයං පජහං භබ්බො දුක්ඛක්ඛයායා”ති.
එතමත්ථං භගවා අවොච. තත්ථෙතං ඉති වුච්චති –

“යෙන මක්ඛෙන මක්ඛාසෙ, සත්තා ගච්ඡන්ති දුග්ගතිං;
තං මක්ඛං සම්මදඤ්ඤාය, පජහන්ති විපස්සිනො;
පභාය න පුනායන්ති, ඉමං ලොකං කුදාවන”න්ති.

අයම්පි අත්ථො වුත්තො භගවතා, ඉති මෙ සුතන්ති. තතියං.

4. අවිජ්ජානීවරණසුත්තං

14. වුත්තඤ්ඤෙතං භගවතා, වුත්තමරහතාති මෙ සුතං –

“නාහං, භික්ඛවෙ, අඤ්ඤං එකනීවරණම්පි සමනුපස්සාමි යෙන
[යෙනෙවං (?)] නීවරණෙන නිවුතා පජා දීඝරත්තං සන්ධාවන්ති සංසරන්ති
යථයිදං, භික්ඛවෙ, අවිජ්ජානීවරණං [අවිජ්ජානීවරණෙන (?)].
අවිජ්ජානීවරණෙන හි, භික්ඛවෙ, නිවුතා පජා දීඝරත්තං සන්ධාවන්ති
සංසරන්ති”ති. එතමත්ථං භගවා අවොච. තත්ථෙතං ඉති වුච්චති –

“නත්ථඤ්ඤො එකධම්මොපි, යෙනෙවං [යෙනෙව (සි. පි. ක.)]
නිවුතා පජා;
සංසරන්ති අහොරත්තං, යථා මොහෙන ආවුතා.

“යෙ ව මොහං පහන්ත්වාන, තමොක්ඛන්ධං [තමොක්ඛන්ධං (සි.
සා. පි.)] පදාලයුං;
න තෙ සුත සංසරන්ති, හෙතු තෙසං න විජ්ජති”ති.

අයම්පි අත්ථො වුත්තො භගවතා, ඉති මෙ සුතන්ති. චතුත්ථං.

5. තණ්හාසංයොජනසුත්තං

15. වුත්තඤ්ඤෙතං භගවතා, වුත්තමරහතාති මෙ සුතං –

“නාහං, භික්ඛවෙ, අඤ්ඤං එකසංයොජනම්පි සමනුපස්සාමි යෙන
[යෙනෙවං (සා. පි.)] සංයොජනෙන සංයුත්තා සත්තා දීඝරත්තං සන්ධාවන්ති
සංසරන්ති යථයිදං, භික්ඛවෙ, තණ්හාසංයොජනං [තණ්හාසංයොජනෙ
(?)]. තණ්හාසංයොජනෙන භි, භික්ඛවෙ, සංයුත්තා සත්තා දීඝරත්තං
සන්ධාවන්ති සංසරන්ති”ති. එතමත්ථං භගවා අවොච. තත්ථෙතං ඉති
වුච්චති –

“තණ්හාදුතියො පුරිසො, දීඝමද්ධාන සංසරං;
ඉත්ථභාවඤ්ඤථාභාවං [ඉත්ථම්භාවඤ්ඤථාභාවං (සා. පි.)], සංසාරං
නාතිවත්තති.

“එතමාදීනවං [එවමාදීනවං (සි. පි. ක.)] ඤත්වා, තණ්හං [තණ්හා
(සි. ක.)] දුක්ඛස්ස සම්භවං;
චිත්තණ්හො අනාදානො, සතො භික්ඛු පරිබ්බජෙ”ති.

අයම්පි අත්ථො වුත්තො භගවතා, ඉති මෙ සුතන්ති. පඤ්චමං.

6. පට්ඨසෙබ්බසුත්තං

16. වුත්තඤ්ඤෙතං භගවතා, වුත්තමරහතාති මෙ සුතං –

“සෙබ්බස්ස, භික්ඛවෙ, භික්ඛුනො අප්පත්තමානසස්ස අනුත්තරං
යොගක්ඛෙමං පත්ථයමානස්ස විහරතො අජ්ඣත්තිකං අභිගන්ති කරිත්වා
නාඤ්ඤං එකභිගම්පි සමනුපස්සාමි යං එවං බහුපකාරං යථයිදං, භික්ඛවෙ,
යොනියො මනසිකාරො. යොනියො, භික්ඛවෙ, භික්ඛු මනසි කරොත්තො
අකුසලං පජහති, කුසලං භාවෙති”ති. එතමත්ථං භගවා අවොච. තත්ථෙතං
ඉති වුච්චති –

“යොනියො මනසිකාරො, ධම්මො සෙබ්බස්ස භික්ඛුනො;
නත්ථඤ්ඤො එවං බහුකාරො, උත්තමත්ථස්ස පත්තියා;

යොනිසො පදහං භික්ඛු, ඛයං දුක්ඛස්ස පාපුණෙ’’ති.

අයම්පි අත්ථො වුත්තො භගවතා, ඉති මෙ සුතන්ති. ඡට්ඨං.

7. දුතියසෙට්ඨුත්තං

17. වුත්තඤ්ඤෙතං භගවතා, වුත්තමරහතාති මෙ සුතං -

“සෙට්ඨස, භික්ඛවෙ, භික්ඛුනො අප්පත්තමානස්ස අනුත්තරං යොගක්ඛෙමං පත්ථයමානස්ස විහරතො බාහිරං අභිගන්ති කර්ත්වා නාඤ්ඤං එකඛිගම්පි සමනුපස්සාමි යං එවං බහුපකාරං යථයිදං, භික්ඛවෙ, කල්‍යාණමිත්තතා. කල්‍යාණමිත්තො, භික්ඛවෙ, භික්ඛු අකුසලං පජහති, කුසලං භාවෙති’’ති. එතමත්ථං භගවා අවොච. තත්ථෙතං ඉති වුච්චති -

“කල්‍යාණමිත්තො යො භික්ඛු, සප්පතිස්සො සගාරවො;
කරං මිත්තානං වචනං, සම්පජානො පතිස්සතො;
පාපුණෙ අනුපුබ්බෙන, සබ්බසංයොජනක්ඛය’’න්ති.

අයම්පි අත්ථො වුත්තො භගවතා, ඉති මෙ සුතන්ති. සත්තමං.

8. සඨසහෙදසුත්තං

18. වුත්තඤ්ඤෙතං භගවතා, වුත්තමරහතාති මෙ සුතං -

“එකධම්මො, භික්ඛවෙ, ලොකෙ උප්පජ්ජමානො උප්පජ්ජති බහුජනාභිතාය බහුජනාසුඛාය බහුනො ජනස්ස අනත්ථාය අභිතාය දුක්ඛාය දෙවමනුස්සානං. කතමො එකධම්මො? සඨසහෙදො. සඨසෙ බො පන, භික්ඛවෙ, භින්තො අඤ්ඤමඤ්ඤං භණ්ඩනාති වෙච භොන්ති, අඤ්ඤමඤ්ඤං පරිභාසා ව භොන්ති, අඤ්ඤමඤ්ඤං පරික්ඛෙපා ව භොන්ති, අඤ්ඤමඤ්ඤං පරිච්චජනා ව භොන්ති. තත්ථ අප්පසන්නා වෙච නප්පසීදන්ති, පසන්නානඤ්ච එකච්චානං අඤ්ඤථත්තං භොති’’ති. එතමත්ථං භගවා අවොච. තත්ථෙතං ඉති වුච්චති -

“ආපායිකො නෙරයිකො, කප්පට්ඨො සඨසහෙදකො;
වග්ගාරාමො අධම්මට්ඨො, යොගක්ඛෙමො පධංසති
[යොගක්ඛෙමනො ධංසති (සා. පී.), යොගක්ඛෙමො විමංසති (සී. ක.)];
සඨසං සමග්ගං හෙත්වාන [භින්වාන (සී. ක.), භින්දිත්වා (වුළව. 354; අ. නි. 10.39)], කප්පං නිරයම්භි පච්චති’’ති.

අයම්පි අත්ථො වුත්තො භගවතා, ඉති මෙ සුතන්ති. අට්ඨමං.

9. සඨසසාමග්ගීසුත්තං

19. වුත්තඤ්ඤෙතං භගවතා, වුත්තමරහතාති මෙ සුතං -

“එකධම්මො, භික්ඛවෙ, ලොකෙ උප්පජ්ජමානො උප්පජ්ජති බහුජනහිතාය බහුජනසුඛාය බහුනො ජනස්ස අත්ථාය හිතාය සුඛාය දෙවමනුස්සානං. කතමො එකධම්මො? සඬ්ඝසාමග්ගී. සඬ්ඝෙ බො පන, භික්ඛවෙ, සමග්ගෙ න වෙව අඤ්ඤමඤ්ඤං භණ්ඩනානි භොන්ති, න ච අඤ්ඤමඤ්ඤං පරිභාසා භොන්ති, න ච අඤ්ඤමඤ්ඤං පරික්ඛෙපා භොන්ති, න ච අඤ්ඤමඤ්ඤං පරිච්චජනා භොන්ති. තත්ථ අප්පසන්නා වෙව පසිදන්ති, පසන්නානඤ්ච භියොයාභාවො භොති”ති. එතමත්ථං භගවා අවොච. තත්ථෙතං ඉති වුච්චති –

“සුඛා සඬ්ඝස්ස සාමග්ගී, සමග්ගානඤ්චනුග්ගහො;
සමග්ගරතො ධම්මට්ඨො, යොගක්ඛෙමා න ධංසති;
සඬ්ඝං සමග්ගං කත්වාන, කප්පං සග්ගමිහි මොදති”ති.

අයම්පි අත්ථො වුත්තො භගවතා, ඉති මෙ සුතන්ති. නවමං.

10. පදුට්ඨචිත්තසුත්තං

20. වුත්තඤ්ඤෙතං භගවතා, වුත්තමරහතාති මෙ සුතං –

“ඉධාහං, භික්ඛවෙ, එකච්චං පුග්ගලං පදුට්ඨචිත්තං එවං චෙතසා චෙතො පරිච්ච පජානාමි – ‘ඉමමිහි වායං සමයෙ පුග්ගලො කාලඬ්ඤරෙය්‍ය යථාහතං නික්ඛිත්තො එවං නිරයෙ’. තං කිස්ස හෙතු? චිත්තං භිස්ස, භික්ඛවෙ, පදුට්ඨං. චෙතොපදොසහෙතු බො පන, භික්ඛවෙ, එවමිධෙකච්චෙ සත්තා කායස්ස හෙදා පරං මරණා අපායං දුග්ගතිං විනිපාතං නිරයං උපපජ්ජන්ති”ති. එතමත්ථං භගවා අවොච. තත්ථෙතං ඉති වුච්චති –

“පදුට්ඨචිත්තං ඤත්වාන, එකච්චං ඉධ පුග්ගලං;
එතමත්ථඤ්ච ඛ්‍යාකාසි, බුද්ධො භික්ඛුන සන්තිකෙ.

“ඉමමිහි වායං සමයෙ, කාලං කඨිරාථ පුග්ගලො;
නිරයං උපපජ්ජෙය්‍ය, චිත්තං භිස්ස පදුසිතං.

“යථා හරිත්වා නික්ඛිපෙය්‍ය, එවමෙව තථාවිධො;
චෙතොපදොසහෙතු හි, සත්තා ගච්ඡන්ති දුග්ගති”න්ති.

අයම්පි අත්ථො වුත්තො භගවතා, ඉති මෙ සුතන්ති. දසමං.

දුතියො වග්ගො නිට්ඨිතො.

තස්සුද්දානං –

මොහො කොධො අථ මක්ඛො, විජ්ජා තණ්හා සෙබ්බුවෙ ච;
හෙදො සාමග්ගිපුග්ගලො [මොහකොධ අථ මක්ඛාගතො, මුහා
කාමසෙක්ඛ්‍යාවෙ; හෙදසාමග්ගපුග්ගලො ච (සී. ක.) මොහකොධා

අථ මක්ඛො මොහකාමා සෙක්ඛා දුවෙ; හෙදමොදා පුග්ගලො ච (සා. පි.)], වග්ගමාහු දුතියන්ති වුවවතීති.

3. තතියවග්ගො

1. පසන්නචිත්තසුත්තං

21. වුත්තඤ්ඤෙතං භගවතා, වුත්තමරහතාති මෙ සුතං -

“ඉධාහං, භික්ඛවෙ, එකච්චං පුග්ගලං පසන්නචිත්තං එවං චෙතසා චෙතො පරිච්ච පජානාමි - ‘ඉමම්භි වායං සමයෙ පුග්ගලො කාලං කරෙය්‍ය යථාහතං නික්ඛිත්තො එවං සග්ගෙ’. තං කිස්ස හෙතු? චිත්තං භිස්ස, භික්ඛවෙ, පසන්නං. චෙතොපසාදහෙතු ඛො පන, භික්ඛවෙ, එවම්ධෙකච්චෙ සත්තා කායස්ස හෙදා පරං මරණා සුගතිං සග්ගං ලොකං උපපජ්ජන්ති”ති. එතමත්ථං භගවා අවොච. තත්ථෙතං ඉති වුවවතී -

“පසන්නචිත්තං ඤත්වාන, එකච්චං ඉධ පුග්ගලං;
එතමත්ථඤ්ච ඛ්‍යාකාසි, බුද්ධො භික්ඛුන සන්තිකෙ.

“ඉමම්භි වායං සමයෙ, කාලං කයිරාථ පුග්ගලො;
සුගතිං උපපජ්ජෙය්‍ය, චිත්තං භිස්ස පසාදිතං.

“යථා හරිත්වා නික්ඛිපෙය්‍ය, එවමෙව තථාවිධො;
චෙතොපසාදහෙතු හි, සත්තා ගච්ඡන්ති සුගති”න්ති.

අයම්පි අත්ථො වුත්තො භගවතා, ඉති මෙ සුතන්ති. පඨමං.

2. මෙත්තසුත්තං

22. වුත්තඤ්ඤෙතං භගවතා, වුත්තමරහතාති මෙ සුතං -

“මා, භික්ඛවෙ, පුඤ්ඤානං භාගිත්ථ. සුඛස්සෙතං, භික්ඛවෙ, අධිවචනං ඉට්ඨස්ස කන්තස්ස පියස්ස මනාපස්ස යදිදං පුඤ්ඤාති [පුඤ්ඤානන්ති, (අ. නි. 7.62)]. අභිජානාමි ඛො පනාහං, භික්ඛවෙ, දීඝරත්තං කතානං පුඤ්ඤානං ඉට්ඨං කන්තං පියං මනාපං විපාකං පච්චනුහුතං. සත්ත වස්සාති මෙත්තචිත්තං භාවෙත්වා සත්ත සංවට්ටවිච්චට්ඨකජ්ජෙ නයිමං ලොකං පුනරාගමාසිං. සංවට්ටමානෙ සුදං, භික්ඛවෙ, කජ්ජෙ ආහස්සරූපගො හොමි; විච්චට්ටමානෙ කජ්ජෙ සුඤ්ඤං බ්‍රහ්මවිමානං උපපජ්ජාමි.

“තත්‍ර සුදං, භික්ඛවෙ, බ්‍රහ්මා හොමි මහාබ්‍රහ්මා අභිභූ අනභිභූතො අඤ්ඤදත්ථුදසො වසවත්තී. ඡන්තිංසක්ඛත්තුං ඛො පනාහං, භික්ඛවෙ, සක්කො අහොසිං දෙවානම්ත්ථො; අනෙකසතක්ඛත්තුං රාජා අහොසිං චක්කවත්තී ධම්මිකො ධම්මරාජා වාතුරන්තො විජිතාචී ජනපදත්ථාවරියජ්ජන්තො සත්තරතනසමන්තාගතො. කො පන වාදො පදෙසරජ්ජස්ස!

“තස්ස මය්හං, භික්ඛවෙ, එතදහොසි – ‘කිස්ස නු ඛො මෙ ඉදං කම්මස්ස ඵලං, කිස්ස කම්මස්ස විපාකො, යෙනාහං එතරහි එවංමහිද්ධිකො එවංමහානුභාවො’ති? තස්ස මය්හං, භික්ඛවෙ, එතදහොසි – ‘තිණ්ණං ඛො මෙ ඉදං කම්මානං ඵලං, තිණ්ණං කම්මානං විපාකො, යෙනාහං එතරහි එවංමහිද්ධිකො එවංමහානුභාවොති, සෙය්‍යථිදං [සෙය්‍යථිදං (සී. සා. කං. 8.)] – දානස්ස, දමස්ස, සඤ්ඤමස්සා’”ති. එතමත්ථං භගවා අවොච. තත්ථෙතං ඉති වුච්චති –

“පුඤ්ඤමෙව සො සික්ඛෙය්‍ය, ආයතග්ගං සුබුද්ධයං;
දානඤ්ච සමචරියඤ්ච, මෙත්තචිත්තඤ්ච භාවයෙ.

“එතෙ ධම්මෙ භාවයිත්වා, තයො සුඛසමුද්දයෙ [සුඛසමුද්දයෙ (සී. අට්ඨ.).];
අඛ්‍යාපජ්ඣං [අඛ්‍යාපජ්ජං (සා. ක.), අඛ්‍යාපජ්ඣං (?)] සුඛං ලොකං, පණ්ඩිතො උපපජ්ජති”ති.

අයම්පි අත්ථො වුත්තො භගවතා, ඉති මෙ සුතන්ති. දුතියං.

3. උභයත්ථසුත්තං

23. වුත්තඤ්ඤෙතං භගවතා, වුත්තමරහතාති මෙ සුතං –

“එකධම්මො, භික්ඛවෙ, භාවිතො ඛහුලීකතො උභො අත්ථෙ සමධිගය්හ තිට්ඨති – දිට්ඨධම්මිකඤ්චෙව අත්ථං සම්පරායිකඤ්ච. කතමො එකධම්මො? අප්පමාදො කුසලෙසු ධම්මෙසු. අයං ඛො, භික්ඛවෙ, එකධම්මො භාවිතො ඛහුලීකතො උභො අත්ථෙ සමධිගය්හ තිට්ඨති – දිට්ඨධම්මිකඤ්චෙව අත්ථං සම්පරායිකඤ්චා”ති. එතමත්ථං භගවා අවොච. තත්ථෙතං ඉති වුච්චති –

“අප්පමාදං පසංසන්ති, පුඤ්ඤකිරියාසු පණ්ඩිතා;
අප්පමත්තො උභො අත්ථෙ, අධිගණ්හාති පණ්ඩිතො.

“දිට්ඨෙ ධම්මෙ ච යො අත්ථො, යො චත්ථො සම්පරායිකො;
අත්ථාභිසමයා ධීරො, පණ්ඩිතොති පවුච්චති”ති.

අයම්පි අත්ථො වුත්තො භගවතා, ඉති මෙ සුතන්ති. තතියං.

4. අට්ඨපුඤ්ජසුත්තං

24. වුත්තඤ්ඤෙතං භගවතා, වුත්තමරහතාති මෙ සුතං –

“එකපුග්ගලස්ස, භික්ඛවෙ, කප්පං සන්ධාවතො සංසරතො සියා එවං මහා අට්ඨිකච්ඡිකලො අට්ඨිපුඤ්ජො අට්ඨිරාසි යථායං වෙපුල්ලො

පබ්බතො: සචෙ සංභාරකො අස්ස, සම්භතඤ්ච න විනස්සෙය්‍යා”ති.
එතමත්ථං භගවා අවොච. තත්ථෙතං ඉති වුච්චති –

“එකස්සෙකෙන කප්පෙන, පුග්ගලස්සට්ඨිසඤ්චයො;
සීයා පබ්බතසමො රාසි, ඉති වුත්තං මහෙසිනා.

“සො ඛො පනායං අක්ඛාතො, වෙපුල්ලො පබ්බතො මහා;
උත්තරො ගිජ්ඣකුටස්ස, මගධානං ගිරිබ්බපේ.

“යතො ච අරියසච්චානි, සම්මප්පඤ්ඤාය පස්සති;
දුක්ඛං දුක්ඛසමුප්පාදං, දුක්ඛස්ස ච අතික්කමං;
අරියඤ්චට්ඨධ්විගිකං මග්ගං, දුක්ඛුපසමගාමිනං.

“ස සත්තක්ඛත්තුං පරමං, සන්ධාවිත්ථාන පුග්ගලො;
දුක්ඛස්සන්තකරො හොති, සබ්බසංයොජනක්ඛයා”ති.

අයම්පි අත්ථො වුත්තො භගවතා, ඉති මෙ සුතන්ති. චතුත්ථං.

5. මුසාවාදසුත්තං

25. වුත්තඤ්ඤෙතං භගවතා, වුත්තමරහතාති මෙ සුතං –

“එකධම්මං අතීතස්ස, භික්ඛවෙ, පුරිසපුග්ගලස්ස නාහං තස්ස කිඤ්චි
පාපකම්මං අකරණීයන්ති වදාමි. කතමං එකධම්මං? යදිදං [යථයිදං (සී. සා. ක.),
යථයිදං (පී.)] භික්ඛවෙ, සම්පජානමුසාවාදො”ති. එතමත්ථං භගවා
අවොච. තත්ථෙතං ඉති වුච්චති –

“එකධම්මං අතීතස්ස, මුසාවාදිස්ස ජන්තුනො;
විතිණ්ණපරලොකස්ස, නත්ථි පාපං අකාරිය”න්ති.

අයම්පි අත්ථො වුත්තො භගවතා, ඉති මෙ සුතන්ති. පඤ්චමං.

6. දානසුත්තං

26. වුත්තඤ්ඤෙතං භගවතා, වුත්තමරහතාති මෙ සුතං –

“එවඤ්චෙ, භික්ඛවෙ, සත්තා ජානෙය්‍යුං දානසංවිභාගස්ස විපාකං
යථාහං ජානාමි, න අදත්ථා භුඤ්ජෙය්‍යුං, න ච නෙසං මච්ඡෙරමලං විත්තං
පරියාදාය තිට්ඨෙය්‍යා. යොපි නෙසං අස්ස වරිමො ආලොපො වරිමං කබලං,
තතොපි න අසංවිභජිත්ථා භුඤ්ජෙය්‍යුං, සචෙ නෙසං පටිග්ගාහකා අස්සු.
යස්මා ච ඛො, භික්ඛවෙ, සත්තා න එවං ජානන්ති දානසංවිභාගස්ස විපාකං
යථාහං ජානාමි, තස්මා අදත්ථා භුඤ්ජන්ති, මච්ඡෙරමලඤ්ච නෙසං විත්තං
පරියාදාය තිට්ඨති”ති. එතමත්ථං භගවා අවොච. තත්ථෙතං ඉති වුච්චති –

“එවං චෙ සත්තා ජානෙය්‍යං, යථාචුත්තං මහෙසිනා;
විපාකං සංවිභාගස්ස, යථා හොති මහජ්ඵලං.

“විනෙය්‍ය මච්ඡෙරමලං, විජ්ජසන්නෙන චෙතසා;
දජ්ජුං කාලෙන අරියෙසු, යත්ථ දිත්තං මහජ්ඵලං.

“අත්තඤ්ච දත්වා [දත්වාන (සා.)] ඛහුනො, දක්ඛිණෙය්‍යෙසු
දක්ඛිණං;
ඉතො චුතා මනුස්සත්තා, සග්ගං ගච්ඡන්ති දායකා.

“තෙ ච සග්ගගතා [සග්ගං ගතා (සි. පි. ක.)] තත්ථ, මොදන්ති
කාමකාමිනො;
විපාකං සංවිභාගස්ස, අනුභොන්ති අමච්ඡරා”ති.

අයම්පි අත්ථො චුත්තො භගවතා, ඉති මෙ සුතන්ති. ඡට්ඨං.

7. මෙත්තාභාවනාසුත්තං

27. චුත්තඤ්ඤෙතං භගවතා, චුත්තමරහතාති මෙ සුතං -

“යාති කානිච්චි, භික්ඛවෙ, ඔපධිකානි පුඤ්ඤකිරියවත්ථුනි සබ්බානි තාති
මෙත්තාය චෙතොවිමුත්තියා කලං නාග්ගන්ති සොළසිං. මෙත්තායෙව තාති
චෙතොවිමුත්ති අධිග්ගහෙත්වා භාසතෙ ච තපතෙ ච විරොචති ච.

“සෙය්‍යථාපි, භික්ඛවෙ, යා කාචි තාරකරුපානං පභා සබ්බා තා චන්දියා
පභාය කලං නාග්ගන්ති සොළසිං, චන්දපභායෙව තා අධිග්ගහෙත්වා භාසතෙ
ච තපතෙ ච විරොචති ච; එවමෙව ඛො, භික්ඛවෙ, යාති කානිච්චි ඔපධිකානි
පුඤ්ඤකිරියවත්ථුනි සබ්බානි තාති මෙත්තාය චෙතොවිමුත්තියා කලං
නාග්ගන්ති සොළසිං, මෙත්තායෙව තාති චෙතොවිමුත්ති අධිග්ගහෙත්වා
භාසතෙ ච තපතෙ ච විරොචති ච.

“සෙය්‍යථාපි, භික්ඛවෙ, වස්සානං පච්ඡිමෙ මාසෙ සරදසමයෙ විද්ධෙ
විගතවලාහකෙ දෙවෙ [නභෙ (සි.)] ආදිච්චො නහං අඛිභුස්සක්කමානො
[අඛිභුග්ගමමානො (ක. අට්ඨ.)] සබ්බං ආකාසගතං [ආකාසං (සා.)]
තමගතං අභිච්ඡව්ච [අභිච්ඡව්ච (සා.)] භාසතෙ ච තපතෙ ච විරොචති ච;
එවමෙව ඛො, භික්ඛවෙ, යාති කානිච්චි ඔපධිකානි පුඤ්ඤකිරියවත්ථුනි
සබ්බානි තාති මෙත්තාය චෙතොවිමුත්තියා කලං නාග්ගන්ති සොළසිං,
මෙත්තායෙව තාති චෙතොවිමුත්ති අධිග්ගහෙත්වා භාසතෙ ච තපතෙ ච
විරොචති ච.

“සෙය්‍යථාපි, භික්ඛවෙ, රත්තියා පච්චුසසමයං ඔසධිතාරකා භාසතෙ ච
තපතෙ ච විරොචති ච; එවමෙව ඛො, භික්ඛවෙ, යාති කානිච්චි ඔපධිකානි
පුඤ්ඤකිරියවත්ථුනි සබ්බානි තාති මෙත්තාය චෙතොවිමුත්තියා කලං

නාග්ගන්ති සොළසිං, මෙත්තායෙව තානි වෙනොවිමුත්ති අධිග්ගහෙත්වා
භාසතෙ ව තපතෙ ව විරොවති වා”ති. එතමත්ථං භගවා අවොව. තත්ථෙතං
ඉති වුච්චති –

“යො ව මෙත්තං භාවයති, අප්පමාණං පටිස්සතො;
තනු [තනු (සි.)] සංයොජනා භොන්ති, පස්සතො උපධික්ඛයං.

“එකමිපි වෙ පාණමදුට්ඨවිත්තො, මෙත්තායති කුසලො තෙන
භොති;
සබ්බෙ ව පාණෙ මනසානුකම්පං, පඤ්ඤාමරියො පකරොති පුඤ්ඤං.

“යෙ [යො (සි.)] සත්තසංඝං පථවිං විජිත්වා, රාජීසයො
[රාජීසයො (සි.)] යජමානානුපරියගා;
අස්සමෙධං පුරිසමෙධං, සම්මාපාසං වාජපෙය්‍යං නිරග්ගලං.

“මෙත්තස්ස චිත්තස්ස සුභාවිතස්ස, කලමිපි තෙ නානුභවන්ති
සොළසිං;
චන්දප්පභා තාරගණාව සබ්බෙ.

“යො න භන්ති න සාතෙති, න ජිනාති න ජාපයෙ;
මෙත්තංසො සබ්බභූතෙසු, වෙරං තස්ස න කෙනථි”ති.

අයමිපි අත්ථො වුත්තො භගවතා, ඉති මෙ සුතන්ති. සත්තමං.

තතියො වග්ගො නිට්ඨිතො.

තස්සුද්දානං –

චිත්තං මෙත්තං [කුසල (සි. සා.), කුසල (සි. ක.)] උභො අත්ථෙ,
පුඤ්ජං වෙපුල්ලපබ්බතං;
සම්පජානමුසාවාදො, දානඤ්ච මෙත්තභාවනා [මෙත්තභාවඤ්ච (සි.
සා. පි.), මෙත්තවාචඤ්ච (ක.)].

සත්තිමානි ව [සත්තිමානිධ (සි. ක.)] සුත්තානි, පුරිමානි ව වීසති;
එකධම්මෙසු සුත්තන්තා, සත්තවීසතිසඬ්භාති.

එකකනිපාතො නිට්ඨිතො.

2. දුකනිපාතො

1. පයමවග්ගො

1. දුක්ඛවිහාරසුත්තං

28. (ද්වෙ ධම්මෙ අනුක්කට්ඨි) [() සාමපොත්ථකෙ නත්ථි]
වුත්තඤ්ඤො භගවතා, වුත්තමරහතානි මෙ සුතං –

“ද්වීහි, භික්ඛවෙ, ධම්මෙහි සමන්තාගතො භික්ඛු දිට්ඨෙව ධම්මෙ දුක්ඛං විහරති අවිසානං අනුපායාසං අපරිලාභං; කායස්ස හෙදා පරං මරණා දුග්ගති පාටිකඛ්ඛා. කතමෙහි ද්වීහි? ඉන්ද්‍රියෙසු අගුත්තද්වාරතාය [අගුත්තද්වාරො (අට්ඨ.)] ව, භොජනෙ අමත්තඤ්ඤතාය [අමත්තඤ්ඤ (අට්ඨ.)] ව. ඉමෙහි ඛො, භික්ඛවෙ, ද්වීහි ධම්මෙහි සමන්තාගතො භික්ඛු දිට්ඨෙව ධම්මෙ දුක්ඛං විහරති අවිසානං අනුපායාසං අපරිලාභං; කායස්ස හෙදා පරං මරණා දුග්ගති පාටිකඛ්ඛා”ති. එතමත්ථං භගවා අවොච. තත්ථෙතං ඉති වුච්චති –

“චක්ඛු සොතඤ්ච ඝාතඤ්ච, ජීවිහා කායො තථා මනො;
එතානි යස්ස ද්වාරානි, අගුත්තානිධ [අගුත්තානි ව (සායා.)]
භික්ඛුතො.

“භොජනමිති අමත්තඤ්ඤ, ඉන්ද්‍රියෙසු අසංවුතො;
කායදුක්ඛං චෙතොදුක්ඛං, දුක්ඛං සො අධිගච්ඡති.

“ඛය්හමානෙන කායෙන, ඛය්හමානෙන චෙතසා;
දිවා වා යදි වා රත්තිං, දුක්ඛං විහරති තාදිසො”ති.

අයම්පි අත්ථො වුත්තො භගවතා, ඉති මෙ සුතන්ති. පයමං.

2. සුඛවිහාරසුත්තං

29. වුත්තඤ්ඤෙතං භගවතා, වුත්තමරහතාති මෙ සුතං –

“ද්වීහි, භික්ඛවෙ, ධම්මෙහි සමන්තාගතො භික්ඛු දිට්ඨෙව ධම්මෙ සුඛං විහරති අවිසානං අනුපායාසං අපරිලාභං; කායස්ස හෙදා පරං මරණා සුගති පාටිකඛ්ඛා. කතමෙහි ද්වීහි? ඉන්ද්‍රියෙසු ගුත්තද්වාරතාය ව, භොජනෙ මත්තඤ්ඤතාය ව. ඉමෙහි ඛො, භික්ඛවෙ, ද්වීහි ධම්මෙහි සමන්තාගතො භික්ඛු දිට්ඨෙව ධම්මෙ සුඛං විහරති අවිසානං අනුපායාසං අපරිලාභං; කායස්ස හෙදා පරං මරණා සුගති පාටිකඛ්ඛා”ති. එතමත්ථං භගවා අවොච. තත්ථෙතං ඉති වුච්චති –

“චක්ඛු සොතඤ්ච ඝාතඤ්ච, ජීවිහා කායො තථා [අථො (සී. සායා. ක.)] මනො;
එතානි යස්ස ද්වාරානි, සුගුත්තානිධ භික්ඛුතො.

“භොජනමිති ව මත්තඤ්ඤ, ඉන්ද්‍රියෙසු ව සංවුතො;
කායසුඛං චෙතොසුඛං, සුඛං සො අධිගච්ඡති.

“අඛය්හමානෙන කායෙන, අඛය්හමානෙන චෙතසා;
දිවා වා යදි වා රත්තිං, සුඛං විහරති තාදිසො”ති.

අයම්පි අත්ථො වුත්තො භගවතා, ඉති මෙ සුතන්ති. දුතියං.

3. තපනීයසුත්තං

30. වුත්තඤ්ඤෙතං භගවතා, වුත්තමරහතාති මෙ සුතං –

“ද්වෙමෙ, භික්ඛවෙ, ධම්මා තපනීයා. කතමෙ ද්වෙ? ඉධ, භික්ඛවෙ, එකච්චො අකතකල්යාණො භොති, අකතකුසලො, අකතභීරුත්තාණො, කතපාපො, කතලුද්දො, කතකිබ්බියො. සො ‘අකතං මෙ කල්යාණ’න්තිපි තප්පති, ‘කතං මෙ පාප’න්තිපි තප්පති. ඉමෙ බො, භික්ඛවෙ, ද්වෙ ධම්මා තපනීයා”ති. එතමත්ථං භගවා අවොච. තත්ථෙතං ඉති වුච්චති –

“කායදුච්චරිතං කත්වා, වච්චුච්චරිතාති ච;
මනොදුච්චරිතං කත්වා, යඤ්චඤ්ඤං දොසසඤ්ඤිතං.

“අකත්වා කුසලං කම්මං, කත්වානාකුසලං බහුං;
කායස්ස භෙදා දුප්පඤ්ඤො, නිරයං සොපපජ්ජති”ති [නිරයං සො උපපජ්ජති (සී. සා. කං. පී.)].

අයම්පි අත්ථො වුත්තො භගවතා, ඉති මෙ සුතන්ති. තතියං.

4. අතපනීයසුත්තං

31. වුත්තඤ්ඤෙතං භගවතා, වුත්තමරහතාති මෙ සුතං –

“ද්වෙමෙ, භික්ඛවෙ, ධම්මා අතපනීයා. කතමෙ ද්වෙ? ඉධ, භික්ඛවෙ, එකච්චො කතකල්යාණො භොති, කතකුසලො, කතභීරුත්තාණො, අකතපාපො, අකතලුද්දො, අකතකිබ්බියො. සො ‘කතං මෙ කල්යාණ’න්තිපි න තප්පති, ‘අකතං මෙ පාප’න්තිපි න තප්පති. ඉමෙ බො, භික්ඛවෙ, ද්වෙ ධම්මා අතපනීයා”ති. එතමත්ථං භගවා අවොච. තත්ථෙතං ඉති වුච්චති –

“කායදුච්චරිතං භිත්වා, වච්චුච්චරිතාති ච;
මනොදුච්චරිතං භිත්වා, යඤ්චඤ්ඤං දොසසඤ්ඤිතං.

“අකත්වාකුසලං කම්මං, කත්වාන කුසලං බහුං;
කායස්ස භෙදා සප්පඤ්ඤො, සග්ගං සො උපපජ්ජති”ති.

අයම්පි අත්ථො වුත්තො භගවතා, ඉති මෙ සුතන්ති. චතුත්ථං.

5. පයමසීලසුත්තං

32. වුත්තඤ්ඤෙතං භගවතා, වුත්තමරහතාති මෙ සුතං –

“ද්විහි, භික්ඛවෙ, ධම්මෙහි සමන්තාගතො පුග්ගලො යථාහතං නික්ඛිත්තො එවං නිරයෙ. කතමෙහි ද්විහි? පාපකෙන ච සීලෙන, පාපිකාය

ව දිට්ඨියා. ඉමෙහි බො, භික්ඛවෙ, ද්වීහි ධම්මෙහි සමන්තාගතො පුග්ගලො යථාහතං නික්ඛිත්තො එවං නිරයෙ’’ති. එතමත්ථං භගවා අවොච. තත්ථෙතං ඉති වුච්චති –

“පාපකෙන ව සීලෙන, පාපිකාය ව දිට්ඨියා;
එතෙහි ද්වීහි ධම්මෙහි, යො සමන්තාගතො නරො;
කායස්ස හෙදා දුප්පඤ්ඤා, නිරයං සොපපජ්ජති’’ති.

අයම්පි අත්ථො වුත්තො භගවතා, ඉති මෙ සුතන්ති. පඤ්චමං.

6. දුතියසීලසුත්තං

33. වුත්තඤ්ඤෙනං භගවතා, වුත්තමරහතාති මෙ සුතං –

“ද්වීහි, භික්ඛවෙ, ධම්මෙහි සමන්තාගතො පුග්ගලො යථාහතං නික්ඛිත්තො එවං සග්ගෙ. කතමෙහි ද්වීහි? හද්දකෙන ව සීලෙන, හද්දිකාය ව දිට්ඨියා. ඉමෙහි බො, භික්ඛවෙ, ද්වීහි ධම්මෙහි සමන්තාගතො පුග්ගලො යථාහතං නික්ඛිත්තො එවං සග්ගෙ’’ති. එතමත්ථං භගවා අවොච. තත්ථෙතං ඉති වුච්චති –

“හද්දකෙන ව සීලෙන, හද්දිකාය ව දිට්ඨියා;
එතෙහි ද්වීහි ධම්මෙහි, යො සමන්තාගතො නරො;
කායස්ස හෙදා සප්පඤ්ඤා, සග්ගං සො උපපජ්ජති’’ති.

අයම්පි අත්ථො වුත්තො භගවතා, ඉති මෙ සුතන්ති. ඡට්ඨං.

7. ආනාපීසුත්තං

34. වුත්තඤ්ඤෙනං භගවතා, වුත්තමරහතාති මෙ සුතං –

“අනාතාපී, භික්ඛවෙ, භික්ඛු අනොත්තාපී [අනොත්තජ්ජි (බහුසු) අට්ඨකථා පස්සිතබ්බා] අභබ්බො සම්බොධාය, අභබ්බො නිබ්බානාය, අභබ්බො අනුත්තරස්ස යොගක්ඛෙමස්ස අධිගමාය. ආනාපී ව බො, භික්ඛවෙ, භික්ඛු ඔත්තාපී [ඔත්තජ්ජි (බහුසු)] භබ්බො සම්බොධාය, භබ්බො නිබ්බානාය, භබ්බො අනුත්තරස්ස යොගක්ඛෙමස්ස අධිගමායා’’ති. එතමත්ථං භගවා අවොච. තත්ථෙතං ඉති වුච්චති –

“අනාතාපී අනොත්තාපී, කුසිතො භීතවීරියො;
යො ථීනමිද්ධබහුලො, අභීරීකො අනාදරො;
අභබ්බො තාදිසො භික්ඛු, ථුට්ඨුං සම්බොධිමුත්තමං.

“යො ව සතිමා නිපකො ඤායී, ආනාපී ඔත්තාපී ව අප්පමත්තො;
සංයොජනං ජාතිජරාය ඡෙත්වා, ඉධෙව සම්බොධිමනුත්තරං ථුපෙ’’ති.

අයම්පි අත්ථො වුත්තො භගවතා, ඉති මෙ සුතන්ති. සත්තමං.

8. පට්ඨකුහනසුත්තං

35. වුත්තඤ්ඤෙතං භගවතා, වුත්තමරහතාති මෙ සුතං –

“නයිදං, භික්ඛවෙ, බ්‍රහ්මවරියං වුස්සති ජනකුහනත්ථං, න ජනලපනත්ථං, න ලාභසක්කාරසිලොකානිසංසත්ථං, න ‘ඉති මං ජනො ජානාතු’ති. අථ බො ඉදං, භික්ඛවෙ, බ්‍රහ්මවරියං වුස්සති සංවරත්ථඤ්ඤවෙව පභානත්ථඤ්ඤා’ති. එතමත්ථං භගවා අවොච. තත්ථෙතං ඉති වුච්චති –

“සංවරත්ථං පභානත්ථං, බ්‍රහ්මවරියං අනීතිහං;
අදෙසයි සො භගවා, නිබ්බානොගධගාමිනං.

“එස මග්ගො මහත්තෙහි [මහත්තෙහි (සී. ක.), මහත්ථෙහි (සා.)],
අනුයාතො මහෙසිහි [මහෙසිනො (සී. ක.)];
යෙ යෙ තං පටිපජ්ජන්ති, යථා බුද්ධෙන දෙසිතං;
දුක්ඛස්සන්තං කරස්සන්ති, සත්ථුසාසනකාරිනො’ති.

අයම්පි අත්ථො වුත්තො භගවතා, ඉති මෙ සුතන්ති. අට්ඨමං.

9. දුතියකුහනසුත්තං

36. වුත්තඤ්ඤෙතං භගවතා, වුත්තමරහතාති මෙ සුතං –

“නයිදං, භික්ඛවෙ, බ්‍රහ්මවරියං වුස්සති ජනකුහනත්ථං, න ජනලපනත්ථං, න ලාභසක්කාරසිලොකානිසංසත්ථං, න ‘ඉති මං ජනො ජානාතු’ති. අථ බො ඉදං, භික්ඛවෙ, බ්‍රහ්මවරියං වුස්සති අභිඤ්ඤත්ථඤ්ඤවෙව පරිඤ්ඤත්ථඤ්ඤා’ති. එතමත්ථං භගවා අවොච. තත්ථෙතං ඉති වුච්චති –

“අභිඤ්ඤත්ථං පරිඤ්ඤත්ථං, බ්‍රහ්මවරියං අනීතිහං;
අදෙසයි සො භගවා, නිබ්බානොගධගාමිනං.

“එස මග්ගො මහත්තෙහි, අනුයාතො මහෙසිහි;
යෙ යෙ තං පටිපජ්ජන්ති, යථා බුද්ධෙන දෙසිතං;
දුක්ඛස්සන්තං කරස්සන්ති, සත්ථුසාසනකාරිනො’ති.

අයම්පි අත්ථො වුත්තො භගවතා, ඉති මෙ සුතන්ති. නවමං.

10. සොමනස්සසුත්තං

37. වුත්තඤ්ඤෙතං භගවතා, වුත්තමරහතාති මෙ සුතං –

“ද්විහි, භික්ඛවෙ, ධම්මෙහි සමන්තාගතො භික්ඛු දිට්ඨෙව ධම්මෙ
සුඛසොමනස්සබ්බලො විහරති, යොති වස්ස [යොනිසො (සී. සා. පී.),

යොනිස්ස (ක.)] ආරද්ධා හොති ආසවානං බයාය. කතමෙහි ද්වීහි? සංවෙජනීයෙසු යානෙසු සංවෙජනෙන, සංවිග්ගස්ස ච යොනිසො පධානෙන. ඉමෙහි බො, භික්ඛවෙ, ද්වීහි ධම්මෙහි සමන්තාගතො භික්ඛු දිට්ඨියෙව ධම්මෙ සුඛසොමනස්සඛහුලො විහරති, යොනි චස්ස ආරද්ධා හොති ආසවානං බයායා’ති. එතමත්ථං භගවා අවොච. තත්ථෙතං ඉති වුච්චති –

“සංවෙජනීයට්ඨානෙසු **[සංවෙජනීයෙසු යානෙසු (සා. පී.)]**, සංවිජ්ජෙතො ජනෙතො; ආනාපී නිපකො භික්ඛු, පඤ්ඤාය සමවෙක්ඛිය.

“එවං විහාරී ආනාපී, සන්තවුත්ති අනුද්ධතො; වෙතොසමථමනුයුත්තො, බයං දුක්ඛස්ස පාපුණෙ”ති.

අයම්පි අත්ථො වුත්තො භගවතා, ඉති මෙ සුතන්ති. දසමං.

පඨමො චග්ගො නිට්ඨිතො.

තස්සුද්දානං –

ද්වෙ ච භික්ඛු තපනීයා, තපනීයා පරත්ථෙහි; ආනාපී **[ද්වෙ පාදා (ක.), ද්වෙ ආනාපී (පී.)]** නකුහනා ද්වෙ **[න කුහනා ච (සබ්බත්ථ)]**, සොමනස්සෙන තෙ දසාති.

2. දුතියචග්ගො

1. විතක්කසුත්තං

38. වුත්තඤ්ඤෙනං භගවතා, වුත්තමරහතාති මෙ සුතං –

“තථාගතං, භික්ඛවෙ, අරහන්තං සම්මාසම්බුද්ධං ද්වෙ විතක්කා ඛහුලං සමුදාවරන්ති – ඛෙමො ච විතක්කො, පච්චෙකො ච **[විචෙකො ච (සා.)]**. අඛ්‍යාපජ්ඣාරාමො **[අඛ්‍යාපජ්ජාරාමො (ක.), අඛ්‍යාපජ්ඣාරාමො (?)]**, භික්ඛවෙ, තථාගතො අඛ්‍යාපජ්ඣාරතො. තමෙනං, භික්ඛවෙ, තථාගතං අඛ්‍යාපජ්ඣාරාමං අඛ්‍යාපජ්ඣාරතං එසෙව විතක්කො ඛහුලං සමුදාවරන්ති – ‘ඉමායාහං ඉරියාය න කිඤ්චි ඛ්‍යාඛාධෙම් තසං වා ථාවරං වා’ති.

“පච්චෙකාරාමො, භික්ඛවෙ, තථාගතො පච්චෙකරතො. තමෙනං, භික්ඛවෙ, තථාගතං පච්චෙකාරාමං පච්චෙකරතං එසෙව විතක්කො ඛහුලං සමුදාවරන්ති – ‘යං අකුසලං තං පහීන’න්ති.

“තස්මාතිහ, භික්ඛවෙ, තුම්හෙපි අඛ්‍යාපජ්ඣාරාමා විහරථ අඛ්‍යාපජ්ඣාරතා. තෙසං වො, භික්ඛවෙ, තුම්හාකං අඛ්‍යාපජ්ඣාරාමානං විහරතං අඛ්‍යාපජ්ඣාරතානං එසෙව විතක්කො ඛහුලං සමුදාවරිස්සති – ‘ඉමාය මයං ඉරියාය න කිඤ්චි ඛ්‍යාඛාධෙම් තසං වා ථාවරං වා’ති.

“පට්ඨෙකාරාමා, භික්ඛවෙ, විහරං පට්ඨෙකරතා. තෙසං වො, භික්ඛවෙ, තුම්භාකං පට්ඨෙකාරාමානං විහරතං පට්ඨෙකරතානං එසෙව විතක්කො ඛහුලං සමුදාවරිස්සති – ‘කිං අකුසලං, කිං අප්පභීතං, කිං පජභාමා’”ති. එතමත්ථං භගවා අවොච. තත්ථෙතං ඉති වුච්චති –

“තථාගතං බුද්ධමසය්භසාහිතං, දුට්ඨෙ විතක්කා සමුදාවරන්ති නං; ඛෙමො විතක්කො පයමො උදිරිතො, තතො විචෙකො දුතියො පකාසිතො.

“තමොනුදං පාරගතං මහෙසිං, තං පත්තිපත්තං වසිමං අනාසවං; විසන්තරං [වෙසන්තරං (සි. ක.), විස්සන්තරං (පි.)] තණ්හක්ඛයෙ විමුත්තං, තං වෙ මුනිං අන්තිමදෙහධාරිං; මාරඤ්ජනං [මාරජනං (සාය.), මානජනං (සි. ක.), මානං ජනං (පි.)] බුම් ජරාය පාරගං.

“සෙලෙ යථා පබ්බතමුද්ධනිට්ඨිතො, යථාපි පස්සෙ ජනතං සමන්තතො; තථුපමං ධම්මමයං සුමෙධො, පාසාදමාරුය්භ සමන්තවක්ඛු; සොකාවතිණ්ණං ජනතමපෙතසොකො, අවෙක්ඛති ජාතිජරාභිභූත”න්ති.

අයම්පි අත්ථො වුත්තො භගවතා, ඉති මෙ සුතන්ති. පයමං.

2. දෙසනාසුත්තං

39. වුත්තඤ්ඤෙතං භගවතා, වුත්තමරහතාති මෙ සුතං –

“තථාගතස්ස, භික්ඛවෙ, අරහතො සම්මාසම්බුද්ධස්ස ද්වෙ ධම්මදෙසනා පරියායෙන භවන්ති. කතමා ද්වෙ? ‘පාපං පාපකතො පස්සථා’ති – අයං පයමා ධම්මදෙසනා; ‘පාපං පාපකතො දිස්වා තත්ථ නිබ්බන්දථ විරජ්ජථ විමුච්චථා’ති – අයං දුතියා ධම්මදෙසනා. තථාගතස්ස, භික්ඛවෙ, අරහතො සම්මාසම්බුද්ධස්ස ඉමා ද්වෙ ධම්මදෙසනා පරියායෙන භවන්ති”ති. එතමත්ථං භගවා අවොච. තත්ථෙතං ඉති වුච්චති –

“තථාගතස්ස බුද්ධස්ස, සබ්බභූතානුකම්පිතො; පරියායවචනං පස්ස, ද්වෙ ච ධම්මා පකාසිතා.

“පාපකං පස්සථ වෙතං [වෙකං (සි. පි.), ඡෙකා (සාය.)], තත්ථ වාපි විරජ්ජථ; තතො විරත්තවිත්තාසෙ, දුක්ඛස්සන්තං කරිස්සථා”ති.

අයම්පි අත්ථො වුත්තො භගවතා, ඉති මෙ සුතන්ති. දුතියං.

3. විජ්ජාසුත්තං

40. වුත්තඤ්ඤෙතං භගවතා, වුත්තමරහතාති මෙ සුතං -

“අවිජ්ජා, භික්ඛවෙ, පුබ්බඤ්ඤා අකුසලානං ධම්මානං සමාපත්තියා අන්වදෙව අභිරිකං අනොත්තස්පං; විජ්ජා ච ඛො, භික්ඛවෙ, පුබ්බඤ්ඤා කුසලානං ධම්මානං සමාපත්තියා අන්වදෙව භිරොත්තස්ප”න්ති. එතමත්ථං භගවා අවොච. තත්ථෙතං ඉති වුච්චති -

“යා කාවිමා දුග්ගතියො, අස්මිං ලොකෙ පරමිහි ච;
අවිජ්ජාමුලිකා සබ්බා, ඉච්ඡාලොභසමුස්සයා.

“යතො ච හොති පාපිච්ඡො, අභිරිකො අනාදරො;
තතො පාපං පසවති, අපායං තෙන ගච්ඡති.

“තස්මා ඡන්දඤ්ච ලොභඤ්ච, අවිජ්ජඤ්ච විරාජයං;
විජ්ජං උප්පාදයං භික්ඛු, සබ්බා දුග්ගතියො ජහෙ”ති.

අයම්පි අත්ථො වුත්තො භගවතා, ඉති මෙ සුතන්ති. තතියං.

4. පඤ්ඤාපරිභ්භිතසුත්තං

41. වුත්තඤ්ඤෙතං භගවතා, වුත්තමරහතාති මෙ සුතං -

“තෙ, භික්ඛවෙ, සත්තා සුපරිභ්භිතා යෙ අරියාය පඤ්ඤාය පරිභ්භිතා. තෙ දිට්ඨියෙව ධම්මෙ දුක්ඛං විහරන්ති සවිසානං සඋපායාසං සපරිලාභං; කායස්ස භෙදා පරං මරණා දුග්ගති පාටිකඤ්ඤා. තෙ [තෙ ච ඛො (?)], භික්ඛවෙ, සත්තා අපරිභ්භිතා යෙ අරියාය පඤ්ඤාය අපරිභ්භිතා. තෙ දිට්ඨියෙව ධම්මෙ සුඛං විහරන්ති අවිසානං අනුපායාසං අපරිලාභං; කායස්ස භෙදා පරං මරණා සුගති පාටිකඤ්ඤා”ති. එතමත්ථං භගවා අවොච. තත්ථෙතං ඉති වුච්චති -

“පඤ්ඤාය පරිභානෙන, පස්ස ලොකං සදෙවකං;
නිවිට්ඨං නාමරූපස්මිං, ඉදං සච්චන්ති මඤ්ඤති.

“පඤ්ඤා හි සෙට්ඨා ලොකස්මිං, යායං නිබ්බේධගාමිනී;
යාය සම්මා පජානාති, ජාතිභවපරික්ඛයං.

“තෙසං දෙවා මනුස්සා ච, සම්බුද්ධානං සතීමනං;
පිභයන්ති භාසපඤ්ඤානං [භාසපඤ්ඤානං (සි. අට්ඨ.)],
සරීරන්තිමධාරිත”න්ති.

අයම්පි අත්ථො වුත්තො භගවතා, ඉති මෙ සුතන්ති. චතුත්ථං.

5. සුක්කධම්මසුත්තං

42. වුත්තඤ්ඤෙතං භගවතා, වුත්තමරහතාති මෙ සුතං -

“ද්වෙමෙ, භික්ඛවෙ, සුක්කා ධම්මා ලොකං පාලෙන්නි. කතමෙ ද්වෙ? භිරි [භිරි (සි. සා. කං. පි.)] ව, ඔත්තප්පඤ්ච. ඉමෙ වෙ, භික්ඛවෙ, ද්වෙ සුක්කා ධම්මා ලොකං න පාලෙය්හං, නයිධ පඤ්ඤායෙථ මාතාති වා මාතුව්ඡාති වා මාතූලානීති වා ආවරියහරියාති වා ගරුතං දාරාති වා. සම්භෙදං ලොකො අගමිස්ස යථා අපේළකා කුක්කුටසුකරා සොණසිඬිගාලා [සොණසිඬිගාලා (සි. සා. කං. පි.)]. යස්මා ව බො, භික්ඛවෙ, ඉමෙ ද්වෙ සුක්කා ධම්මා ලොකං පාලෙන්නි තස්මා පඤ්ඤායති මාතාති වා මාතුව්ඡාති වා මාතූලානීති වා ආවරියහරියාති වා ගරුතං දාරාති වා”ති. එතමත්ථං භගවා අවොච. තත්ථෙතං ඉති වුච්චති -

“යෙසං වෙ භිරිඔත්තප්පං, සබ්බදා ව න විජ්ජති;
වොක්කන්තා සුක්කමුලා තෙ, ජාතිමරණගාමිනො.

“යෙසඤ්ච භිරිඔත්තප්පං, සදා සම්මා උපට්ඨිතා;
විරුළ්භබ්බන්තවරියා තෙ, සත්තො ඛිණපුනඛිභවා”ති.

අයම්පි අත්ථො වුත්තො භගවතා, ඉති මෙ සුතන්ති. පඤ්චමං.

6. අජාතසුත්තං

43. වුත්තඤ්ඤෙතං භගවතා, වුත්තමරහතාති මෙ සුතං -

“අත්ථි, භික්ඛවෙ, අජාතං අභූතං අකතං අසඬ්ඛතං. නො චෙතං, භික්ඛවෙ, අභවිස්ස අජාතං අභූතං අකතං අසඬ්ඛතං, නයිධ ජාතස්ස භූතස්ස කතස්ස සඬ්ඛතස්ස නිස්සරණං පඤ්ඤායෙථ. යස්මා ව බො, භික්ඛවෙ, අත්ථි අජාතං අභූතං අකතං අසඬ්ඛතං, තස්මා ජාතස්ස භූතස්ස කතස්ස සඬ්ඛතස්ස නිස්සරණං පඤ්ඤායති”ති. එතමත්ථං භගවා අවොච. තත්ථෙතං ඉති වුච්චති -

“ජාතං භූතං සමුප්පන්නං, කතං සඬ්ඛතමද්ධුවං;
ජරාමරණසඬ්ඝාටං, රොගනිළං [රොගනිඬ්ඝං (සි.)] පහඬ්ගුරං
[පහඬ්ගුතං (ක. සි. ක.), පහඬ්ගුණං (සා.)].

“ආහාරනෙත්තිජ්ජහවං, නාලං තද්ධිනන්දිතුං;
තස්ස නිස්සරණං සත්තං, අතක්කාවචරං ධුවං.

“අජාතං අසමුප්පන්නං, අසොකං විරජං පදං;
නිරොධො දුක්ඛධම්මානං, සඬ්ඛාරූපසමො සුඛො”ති.

අයම්පි අත්ථො වුත්තො භගවතා, ඉති මෙ සුතන්ති. ඡට්ඨං.

7. නිබ්බානධාතුසුත්තං

44. වුත්තඤ්ඤෙතං භගවතා, වුත්තමරහතාති මෙ සුතං –

“ද්වෙමා, භික්ඛවෙ, නිබ්බානධාතුයො. කතමෙ ද්වෙ? සඋපාදිසෙසා ච නිබ්බානධාතු, අනුපාදිසෙසා ච නිබ්බානධාතු.

“කතමා ච, භික්ඛවෙ, සඋපාදිසෙසා නිබ්බානධාතු? ඉධ, භික්ඛවෙ, භික්ඛු අරහං හොති ඛිණ්ණාසවො වුසිතවා කතකරණීයො ඔහිතභාරො අනුප්පත්තසදත්ථො පරික්ඛිණ්ණභවසංයොජනො සම්මදඤ්ඤා විමුත්තො. තස්ස තිට්ඨන්තෙව පඤ්චන්ද්‍රියානි යෙසං අවිසාතත්තා [අවිගතත්තා (සි. අට්ඨ.).] මනාපාමනාපං පච්චනුහොති, සුඛදුක්ඛං පටිසංවෙදෙති. තස්ස යො රාගක්ඛයො, දොසක්ඛයො, මොහක්ඛයො – අයං වුච්චති, භික්ඛවෙ, සඋපාදිසෙසා නිබ්බානධාතු.

“කතමා ච, භික්ඛවෙ, අනුපාදිසෙසා නිබ්බානධාතු? ඉධ, භික්ඛවෙ, භික්ඛු අරහං හොති ඛිණ්ණාසවො වුසිතවා කතකරණීයො ඔහිතභාරො අනුප්පත්තසදත්ථො පරික්ඛිණ්ණභවසංයොජනො සම්මදඤ්ඤා විමුත්තො. තස්ස ඉධෙව, භික්ඛවෙ, සබ්බවෙදයිතානි අනභිනන්දිතානි සිති භවිස්සන්ති [සිතිභවිස්සන්ති (?)]. අයං වුච්චති, භික්ඛවෙ, අනුපාදිසෙසා නිබ්බානධාතු. ඉමා ඛො, භික්ඛවෙ, ද්වෙ නිබ්බානධාතුයො”ති. එතමත්ථං භගවා අවොච. තත්ථෙතං ඉති වුච්චති –

“දුට්ඨෙ ඉමා චක්ඛුමතා පකාසිතා, නිබ්බානධාතු අනිස්සිතෙන තාදිනා;

එකා හි ධාතු ඉධ දිට්ඨධම්මිකා, සඋපාදිසෙසා භවනෙත්තිසඬ්ඛයා;
අනුපාදිසෙසා පන සම්පරායිකා, යම්හි නිරුජ්ඣන්ති භවානි සබ්බසො.

“යෙ එතදඤ්ඤාය පදං අසඬ්ඛනං, විමුත්තචිත්තා භවනෙත්තිසඬ්ඛයා;

තෙ ධම්මසාරාධිගමා ඛයෙ රතා, පහංසු තෙ සබ්බභවානි තාදිනො”ති.

අයම්පි අත්ථො වුත්තො භගවතා, ඉති මෙ සුතන්ති. සත්තමං.

8. පටිසල්ලානසුත්තං

45. වුත්තඤ්ඤෙතං භගවතා, වුත්තමරහතාති මෙ සුතං –

“පටිසල්ලානාරාමා [පටිසල්ලානාරාමා (ක.)], භික්ඛවෙ, විහරථ පටිසල්ලානරතා, අජ්ඣත්තං වෙතොසමථමනුයුත්තා, අනිරාකතජ්ඣානා, විපස්සනාය සමන්තාගතා, බුහෙතා සුඤ්ඤාගාරානං. පටිසල්ලානාරාමානං, භික්ඛවෙ, විහරතං පටිසල්ලානරතානං අජ්ඣත්තං

වෙනොසමථමනුයුත්තානං අනිරාකතමජ්ඣානානං විපස්සනාය
සමන්තාගතානං බුහෙතානං සුඤ්ඤාගාරානං ද්විත්තං ඵලානං අඤ්ඤතරං
ඵලං පාටිකඨං - දිට්ඨෙව ධම්මෙ අඤ්ඤා, සති වා උපාදිසෙසෙ
අනාගාමිකා”ති. එතමත්ථං භගවා අවොච. තත්ථෙතං ඉති වුච්චති -

“යෙ සන්තචිත්තා නිපකා, සතිමන්තො ච [සතිමන්තොච (සී. ක.)]
ඤ්ඤානො;
සම්මා ධම්මං විපස්සන්ති, කාමෙසු අනපෙක්ඛිතො.

“අප්පමාදරතා සන්තා, පමාදෙ භයදස්සිතො;
අභබ්බා පරිභානාය, නිබ්බානස්සෙව සන්තිකෙ”ති.

අයම්පි අත්ථො වුත්තො භගවතා, ඉති මෙ සුතන්ති. අට්ඨමං.

9. සික්ඛානිසංසසුත්තං

46. වුත්තඤ්ඤෙතං භගවතා, වුත්තමරහතාති මෙ සුතං -

“සික්ඛානිසංසා, භික්ඛවෙ, විහරථ පඤ්ඤාත්තරා විමුත්තිසාරා
සතාධිපතෙය්‍යා. සික්ඛානිසංසානං, භික්ඛවෙ, විහරතං පඤ්ඤාත්තරානං
විමුත්තිසාරානං සතාධිපතෙය්‍යානං ද්විත්තං ඵලානං අඤ්ඤතරං ඵලං
පාටිකඨං - දිට්ඨෙව ධම්මෙ අඤ්ඤා, සති වා උපාදිසෙසෙ අනාගාමිකා”ති.
එතමත්ථං භගවා අවොච. තත්ථෙතං ඉති වුච්චති -

“පරිපුණ්ණසික්ඛං [පරිපුණ්ණසෙක්ඛං (සී.), පරිපුණ්ණසෙක්ඛං
(සාය.)] අපභානධම්මං, පඤ්ඤාත්තරං ජාතිබ්‍යන්තදස්සි;
තං වෙ මුනිං අන්තිමදෙහධාරිං, මාරඤ්ජහං බුම් ජරාය පාරගුං.

“තස්මා සදා ඤානරතා සමාහිතා, ආතාපිතො
ජාතිබ්‍යන්තදස්සිතො;
මාරං සසෙනං අභිභුය්‍ය භික්ඛවො, භවථ ජාතිමරණස්ස පාරගා”ති.

අයම්පි අත්ථො වුත්තො භගවතා, ඉති මෙ සුතන්ති. නවමං.

10. ජාගරියසුත්තං

47. වුත්තඤ්ඤෙතං භගවතා, වුත්තමරහතාති මෙ සුතං -

“ජාගරො වස්ස, භික්ඛවෙ, භික්ඛු විහරෙය්‍ය සතො සම්පජානො
සමාහිතො පමුදිතො විප්පසන්තො ච තත්ථ කාලවිපස්සි ච කුසලෙසු
ධම්මෙසු. ජාගරස්ස, භික්ඛවෙ, භික්ඛුනො විහරතො සතස්ස සම්පජානස්ස
සමාහිතස්ස පමුදිතස්ස විප්පසන්තස්ස තත්ථ කාලවිපස්සිතො කුසලෙසු
ධම්මෙසු ද්විත්තං ඵලානං අඤ්ඤතරං ඵලං පාටිකඨං - දිට්ඨෙව ධම්මෙ

අඤ්ඤා, සති වා උපාදිසෙසෙ අනාගාමිකා””ති. එතමත්ථං භගවා අවොච.
තත්ථෙතං ඉති වුච්චති –

“ජාගරන්තා සුඤ්ඤාථෙතං, යෙ සුත්තා තෙ පබුජ්ඣංථ;
සුත්තා ජාගරිතං සෙය්‍යා, නත්ථි ජාගරතො භයං.

“යො ජාගරො ච සතිමා සම්පජානො, සමාහිතො මුදිතො
විජ්ජසන්නො ච;
කාලෙන සො සම්මා ධම්මං පරිචිමංසමානො, එකොදිභූතො විභන
තමං සො.

“තස්මා භවෙ ජාගරියං භජෙථ, ආතාපී භික්ඛු නිපකො ඤානලාභී;
සංයොජනං ජාතිජරාය ඡන්වා, ඉධෙව සම්බොධිමනුත්තරං
ඵුසෙ””ති.

අයම්පි අත්ථො වුත්තො භගවතා, ඉති මෙ සුතන්ති. දසමං.

11. ආපායිකසුත්තං

48. වුත්තඤ්ඤෙතං භගවතා, වුත්තමරහතාති මෙ සුතං –

“ද්වෙමෙ, භික්ඛවෙ, ආපායිකා නෙරයිකා ඉදමජ්ජහාය. කතමෙ ද්වෙ?
යො ච අබ්‍රමමාරී බ්‍රමමාරිපටිඤ්ඤො, යො ච පරිපුණ්ණං පරිසුද්ධං
බ්‍රමමවරියං වරන්තං අමුලකෙන අබ්‍රමමවරියෙන අනුද්ධංසෙති. ඉමෙ බො,
භික්ඛවෙ, ද්වෙ ආපායිකා නෙරයිකා ඉදමජ්ජහායා””ති. එතමත්ථං භගවා
අවොච. තත්ථෙතං ඉති වුච්චති –

“අභූතවාදී නිරයං උපෙති, යො වාපි කත්වා න කරොමි වාහ;
උභොපි තෙ පෙච්ච සමා භවන්ති, නිභීනකම්මා මනුජා පරත්ථං.

“කාසාවකණ්ඨා බහවො, පාපධම්මා අසඤ්ඤා;
පාපා පාපෙහි කම්මෙහි, නිරයං තෙ උපපජ්ජරෙ.

“සෙය්‍යා අයොගුලො භුත්තො, තත්තො අග්ගිසිඛුපමො;
යඤ්චෙ භුඤ්ජෙය්‍යා දුස්සිලො, රට්ඨපිණ්ඩමසඤ්ඤතො””ති.

අයම්පි අත්ථො වුත්තො භගවතා, ඉති මෙ සුතන්ති. එකාදසමං.

12. දිට්ඨිගතසුත්තං

49. වුත්තඤ්ඤෙතං භගවතා, වුත්තමරහතාති මෙ සුතං –

“ද්විහි, භික්ඛවෙ, දිට්ඨිගතෙහි පරිසුට්ඨිකා දෙවමනුස්සා ඔලීයන්ති
එකෙ, අතිධාවන්ති එකෙ; චක්ඛුමන්තො ච පස්සන්ති.

“කථඤ්ච, භික්ඛවෙ, ඔලියන්ති එකෙ? හවාරාමා, භික්ඛවෙ, දෙවමනුස්සා හවරතා හවසම්මුදිතා තෙසං හවනිරොධාය ධම්මෙ දෙසියමානෙ විත්තං න පක්ඛන්දති න පසිදති න සන්තිට්ඨති නාධිමුච්චති. එවං ඛො, භික්ඛවෙ, ඔලියන්ති එකෙ.

“කථඤ්ච, භික්ඛවෙ, අතිධාවන්ති එකෙ? හවෙනෙව ඛො පනෙකෙ අට්ඨියමානා හරායමානා ජිගුච්ඡමානා විභවං අභිනන්දන්ති – යතො කිර, හො, අයං අත්තා [සත්තො (සී. ක.)] කායස්ස හෙදා පරං මරණා උච්ඡිජ්ජති විතස්සති න හොති පරං මරණා; එතං සන්තං එතං පණීතං එතං යාථාවන්ති. එවං ඛො, භික්ඛවෙ, අතිධාවන්ති එකෙ.

“කථඤ්ච, භික්ඛවෙ, චක්ඛුමන්තො පස්සන්ති? ඉධ භික්ඛු භූතං භූතතො පස්සති; භූතං භූතතො දිස්වා භූතස්ස නිබ්බිදාය විරාගාය නිරොධාය පටිපන්නො හොති. එවං ඛො, භික්ඛවෙ, චක්ඛුමන්තො පස්සන්ති”ති. එතමත්ථං හගවා අවොච. තත්ථෙතං ඉති වුච්චති –

“යෙ [යො (සයා. ක.)] භූතං භූතතො දිස්වා, භූතස්ස ච අතික්කමං; යථාභූතෙ විමුච්චන්ති, හවතණ්හා පරික්ඛයා.

“ස වෙ [සවෙ (ක. සී. සයා. පී.)] භූතපරිඤ්ඤො, සො විතතණ්හො හවාහවෙ; භූතස්ස විභවා භික්ඛු, නාගච්ඡති පුනඛිභව”න්ති.

අයම්පි අත්ථො වුත්තො හගවතා, ඉති මෙ සුතන්ති. ද්වාදසමං.

දුතියො වග්ගො නිට්ඨිතො.

තස්සුද්දානං –

ද්වෙ ඉන්ද්‍රියා ද්වෙ තපනියා, සීලෙන අපරෙ දූවෙ;
අනොත්තාපි කුහනා ද්වෙ ච, සංවෙජනියෙන තෙ දස.

විතක්කා දෙසනා විජ්ජා, පඤ්ඤා ධම්මෙන පඤ්චමං;
අජාතං ධාතුසල්ලානං, සික්ඛා ජාගරියෙන ච;
අපායදිට්ඨියා වෙච [යෙව (සී. සයා.)], බාවිසති පකාසිතාති.

දුකනිපාතො නිට්ඨිතො.

3. තිකනිපාතො

1. පඨමවග්ගො

1. මූලසුත්තං

50. වුත්තඤ්ඤෙතං හගවතා, වුත්තමරහතාති මෙ සුතං –

“තීණිමානි, භික්ඛවෙ, අකුසලමූලානි. කතමානි තීණි? ලොභො අකුසලමූලං, දොසො අකුසලමූලං, මොහො අකුසලමූලං – ඉමානි ඛො, භික්ඛවෙ, තීණි අකුසලමූලානි”ති. එතමත්ථං භගවා අවොච. තත්ථෙතං ඉති වුච්චති –

“ලොභො දොසො ච මොහො ච, පුරිසං පාපචෙතසං;
භිංසන්ති අත්තසම්භූතා, තචසාරංච සම්ඵල”න්ති.

අයම්පි අත්ථො වුත්තො භගවතා, ඉති මෙ සුතන්ති. පයමං.

2. ධාතුසුත්තං

51. වුත්තඤ්ඤෙතං භගවතා, වුත්තමරහතාති මෙ සුතං –

“තිස්සො ඉමා, භික්ඛවෙ, ධාතුයො. කතමා තිස්සො? රූපධාතු, අරූපධාතු, නිරොධධාතු – ඉමා ඛො, භික්ඛවෙ, තිස්සො ධාතුයො”ති. එතමත්ථං භගවා අවොච. තත්ථෙතං ඉති වුච්චති –

“රූපධාතුං [රූපධාතු (සබ්බත්ථ)] පරිඤ්ඤාය, අරූපෙසු අසංශ්ඨිතා;
නිරොධෙ යෙ විමුච්චන්ති, තෙ ජනා මච්චුහායිතො.

“කායෙන අමතං ධාතුං, චුසයිත්වා [චුස්සයිත්වා (සාය.), එස්සයිත්වා (භි.)] නිරූපධං;
උපධිප්පටිනිස්සග්ගං, සච්ඡිකත්වා අනාසවො;
දෙසෙති සම්මාසම්බුද්ධො, අසොකං චිරජං පද”න්ති.

අයම්පි අත්ථො වුත්තො භගවතා, ඉති මෙ සුතන්ති. දුතියං.

3. පයමවෙදනාසුත්තං

52. වුත්තඤ්ඤෙතං භගවතා, වුත්තමරහතාති මෙ සුතං –

“තිස්සො ඉමා, භික්ඛවෙ, වෙදනා. කතමා තිස්සො? සුඛා වෙදනා, දුක්ඛා වෙදනා, අදුක්ඛමසුඛා වෙදනා –

ඉමා ඛො, භික්ඛවෙ, තිස්සො වෙදනා”ති. එතමත්ථං භගවා අවොච. තත්ථෙතං ඉති වුච්චති –

“සමාභිතො සම්පජානො, සතො බුද්ධස්ස සාවකො;
වෙදනා ච පජානාති, වෙදනානඤ්ච සම්භවං.

“යත්ථ වෙතා නිරුජ්ඣන්ති, මග්ගඤ්ච ඛයගාමිනං;
වෙදනානං ඛයා භික්ඛු, නිච්ඡාතො පරිනිබ්බුතො”ති.

අයම්පි අත්ථො වුත්තො භගවතා, ඉති මෙ සුතන්ති. තතියං.

4. දුතියවෙදනාසුත්තං

53. වුත්තඤ්ඤානං භගවතා, වුත්තමරහතාති මෙ සුතං —

“තිස්සො ඉමා, භික්ඛවෙ, වෙදනා. කතමා තිස්සො? සුඛා වෙදනා, දුක්ඛා වෙදනා, අදුක්ඛමසුඛා වෙදනා. සුඛා, භික්ඛවෙ, වෙදනා දුක්ඛතො දට්ඨබ්බා; දුක්ඛා වෙදනා සල්ලතො දට්ඨබ්බා; අදුක්ඛමසුඛා වෙදනා අනිච්චතො දට්ඨබ්බා. යතො ඛො, භික්ඛවෙ, භික්ඛුතො සුඛා වෙදනා දුක්ඛතො දිට්ඨා හොති, දුක්ඛා වෙදනා සල්ලතො දිට්ඨා හොති, අදුක්ඛමසුඛා වෙදනා අනිච්චතො දිට්ඨා හොති; අයං වුච්චති, භික්ඛවෙ, ‘භික්ඛු අරියො සම්මද්දසො අවිජ්ජෙති [අවිජ්ජෙති (සි. පි.), අවිජ්ජෙති (ක.)], තණ්හං, විචත්තයි [වාචත්තයි (සි. අට්ඨ.)] සංයොජනං, සම්මා මානාභිසමයා අන්තමකාසි දුක්ඛස්සා””ති. එතමත්ථං භගවා අවොච. තත්ථෙතං ඉති වුච්චති —

“යො සුඛං දුක්ඛතො අද්ද [දක්ඛි (සි. පි. ක.), අදක්ඛි (සා.)], දුක්ඛමද්දක්ඛි සල්ලතො; අදුක්ඛමසුඛං සන්තං, අදක්ඛි නං අනිච්චතො.

“ස වෙ සම්මද්දසො භික්ඛු, යතො තත්ථ විමුච්චති; අභිඤ්ඤාචොසිතො සන්තො, ස වෙ යොගාතිගො මුතී”ති.

අයම්පි අත්ථො වුත්තො භගවතා, ඉති මෙ සුතන්ති. චතුත්ථං.

5. පට්ඨමච්ඡනාසුත්තං

54. වුත්තඤ්ඤානං භගවතා, වුත්තමරහතාති මෙ සුතං —

“තිස්සො ඉමා, භික්ඛවෙ, ච්ඡනා. කතමා තිස්සො? කාමෙසනා, භවෙසනා, බ්‍රහ්මචරියෙසනා — ඉමා ඛො, භික්ඛවෙ, තිස්සො ච්ඡනා””ති. එතමත්ථං භගවා අවොච. තත්ථෙතං ඉති වුච්චති —

“සමාහිතො සම්පජානො, සතො බුද්ධස්ස සාවකො; ච්ඡනා ච පජානාති, ච්ඡනානඤ්ච සම්භවං.

“යත්ථ චෙතා නිරුජ්ඣන්ති, මග්ගඤ්ච ඛයගාමීනං; ච්ඡනානං ඛයා භික්ඛු, නිච්ඡාතො පරිනිබ්බුතො””ති.

අයම්පි අත්ථො වුත්තො භගවතා, ඉති මෙ සුතන්ති. පඤ්චමං.

6. දුතියච්ඡනාසුත්තං

55. වුත්තඤ්ඤානං භගවතා, වුත්තමරහතාති මෙ සුතං —

“තිස්සො ඉමා, භික්ඛවෙ, එසනා. කතමා තිස්සො? කාමෙසනා, භවෙසනා, බ්‍රහ්මවරියෙසනා – ඉමා ඛො, භික්ඛවෙ, තිස්සො එසනා”ති. එතමත්ථං භගවා අවොච. තත්ථෙතං ඉති වුච්චති –

“කාමෙසනා භවෙසනා, බ්‍රහ්මවරියෙසනා සහ;
ඉති සච්චපරාමාසො, දිට්ඨිට්ඨානා සමුස්සයා.

“සබ්බරාගවිරත්තස්ස, තණ්හක්ඛයවිමුත්තිනො;
එසනා පටිනිස්සට්ඨා, දිට්ඨිට්ඨානා සමුහතා;
එසනානං ඛයා භික්ඛු, නිරාසො අකථංකථී”ති.

අයම්පි අත්ථො වුත්තො භගවතා, ඉති මෙ සුතන්ති. ඡට්ඨං.

7. පට්ඨාසවසුත්තං

56. වුත්තඤ්ඤෙතං භගවතා, වුත්තමරහතාති මෙ සුතං –

“තයොමෙ, භික්ඛවෙ, ආසවා. කතමෙ තයො? කාමාසවො, භවාසවො, අවිජ්ජාසවො – ඉමෙ ඛො, භික්ඛවෙ, තයො ආසවා”ති. එතමත්ථං භගවා අවොච. තත්ථෙතං ඉති වුච්චති –

“සමාහිතො සම්පජානො, සතො බුද්ධස්ස සාවකො;
ආසවෙ ච පජානාති, ආසවානඤ්ඤා සම්භවං.

“යත්ථ වෙතා නිරුජ්ඣන්ති, මග්ගඤ්ඤා ඛයගාමීනං;
ආසවානං ඛයා භික්ඛු, නිව්ඡානො පරිනිබ්බුතො”ති.

අයම්පි අත්ථො වුත්තො භගවතා, ඉති මෙ සුතන්ති. සත්තමං.

8. දුතියආසවසුත්තං

57. වුත්තඤ්ඤෙතං භගවතා, වුත්තමරහතාති මෙ සුතං –

“තයොමෙ, භික්ඛවෙ, ආසවා. කතමෙ තයො? කාමාසවො, භවාසවො, අවිජ්ජාසවො – ඉමෙ ඛො, භික්ඛවෙ, තයො ආසවා”ති. එතමත්ථං භගවා අවොච. තත්ථෙතං ඉති වුච්චති –

“යස්ස කාමාසවො ඛිණො, අවිජ්ජා ච විරාජිතා;
භවාසවො පරික්ඛිණො, විජ්ජමුත්තො නිරුපධි;
ධාරෙති අන්තිමං දෙහං, ජෙත්වා මාරං සවාහිති”න්ති [\[සවාහනන්ති \(බහුසු\)\]](#).

අයම්පි අත්ථො වුත්තො භගවතා, ඉති මෙ සුතන්ති. අට්ඨමං.

9. තණ්හාසුත්තං

58. වුත්තඤ්ඤෙතං භගවතා, වුත්තමරහතාති මෙ සුතං -

“තිස්සො ඉමා, භික්ඛවෙ, තණ්හා. කතමා තිස්සො? කාමතණ්හා, භවතණ්හා, විභවතණ්හා - ඉමා ඛො, භික්ඛවෙ, තිස්සො තණ්හා”ති. එතමත්ථං භගවා අවොච. තත්ථෙතං ඉති වුච්චති -

“තණ්හායොගෙන සංයුත්තා, රත්තවිත්තා භවාහවෙ;
තෙ යොගයුත්තා මාරස්ස, අයොගක්ඛෙමිනො ජනා;
සත්තා ගච්ඡන්ති සංසාරං, ජාතීමරණගාමිනො.

“යෙ ච තණ්හං පහන්ත්වාන, විතතණ්හා [තික්කණ්හා ච (සි. ක.)]
භවාහවෙ;
තෙ චෙ [තෙ ච (සි. පි. ක.)] පාරඬගතා [පාරගතා (ක. සි. සාය.)]
ලොකෙ, යෙ පත්තා ආසවක්ඛය”න්ති.

අයම්පි අත්ථො වුත්තො භගවතා, ඉති මෙ සුතන්ති. නවමං.

10. මාරධෙය්‍යසුත්තං

59. වුත්තඤ්ඤෙතං භගවතා, වුත්තමරහතාති මෙ සුතං -

“තීහි, භික්ඛවෙ, ධම්මෙහි සමන්තාගතො භික්ඛු අතික්කම්ම මාරධෙය්‍යං ආදිච්චොච විරොචති. කතමෙහි තීහි? ඉධ, භික්ඛවෙ, භික්ඛු අසෙබ්බෙන සීලක්ඛන්ධෙන සමන්තාගතො භොති, අසෙබ්බෙන සමාධික්ඛන්ධෙන සමන්තාගතො භොති, අසෙබ්බෙන පඤ්ඤාක්ඛන්ධෙන සමන්තාගතො භොති - ඉමෙහි ඛො, භික්ඛවෙ, තීහි ධම්මෙහි සමන්තාගතො භික්ඛු අතික්කම්ම මාරධෙය්‍යං ආදිච්චොච විරොචති”ති. එතමත්ථං භගවා අවොච. තත්ථෙතං ඉති වුච්චති -

“සීලං සමාධි පඤ්ඤා ච, යස්ස එතෙ සුභාවිතා;
අතික්කම්ම මාරධෙය්‍යං, ආදිච්චොච විරොචති”ති.

අයම්පි අත්ථො වුත්තො භගවතා, ඉති මෙ සුතන්ති. දසමං.

පයමො වග්ගො නිට්ඨිතො.

තස්සුද්දානං -

මූලධාතු අථ වෙදනා දුච්ච, එසනා ච දුච්ච ආසවා දුච්ච;
තණ්හාතො ච අථ [තණ්හාතො අථ (සාය.)] මාරධෙය්‍යතො,
වග්ගමාහු පයමන්ති මුත්තමන්ති.

2. දුතියවග්ගො

1. පුඤ්ඤකිරියවත්ථුසුත්තං

60. වුත්තඤ්ඤෙතං භගවතා, වුත්තමරහතාති මෙ සුතං -

“තීණිමානි, භික්ඛවෙ, පුඤ්ඤකිරියවත්ථුනි. කතමානි තීණි? දානමයං පුඤ්ඤකිරියවත්ථු, සීලමයං පුඤ්ඤකිරියවත්ථු, භාවනාමයං පුඤ්ඤකිරියවත්ථු - ඉමානි ඛො, භික්ඛවෙ, තීණි පුඤ්ඤකිරියවත්ථුනී”ති. එතමත්ථං භගවා අවොච. තත්ථෙතං ඉති වුච්චති -

“පුඤ්ඤමෙව සො සික්ඛෙය්‍ය, ආයතග්ගං සුබුද්‍රයං;
දානඤ්ච සමචරියඤ්ච, මෙත්තචිත්තඤ්ච භාවයෙ.

“එතෙ ධම්මෙ භාවයිත්වා, තයො සුඛසමුද්දයෙ;
අඛ්‍යාපජ්ඣං සුඛං ලොකං, පණ්ඩිතො උපපජ්ජති”ති.

අයම්පි අත්ථො වුත්තො භගවතා, ඉති මෙ සුතන්ති. පඨමං.

2. චක්ඛුසුත්තං

61. වුත්තඤ්ඤෙතං භගවතා, වුත්තමරහතාති මෙ සුතං -

“තීණිමානි, භික්ඛවෙ, චක්ඛුනි. කතමානි තීණි? මංසචක්ඛු, දිබ්බචක්ඛු, පඤ්ඤාචක්ඛු - ඉමානි ඛො, භික්ඛවෙ, තීණි චක්ඛුනී”ති. එතමත්ථං භගවා අවොච. තත්ථෙතං ඉති වුච්චති -

“මංසචක්ඛු දිබ්බචක්ඛු, පඤ්ඤාචක්ඛු අනුත්තරං;
එතානි තීණි චක්ඛුනි, අක්ඛාසි පුරිසුත්තමො.

“මංසචක්ඛුස්ස උප්පාදො, මග්ගො දිබ්බස්ස චක්ඛුනො;
යතො ඤාණං උද්පාදි, පඤ්ඤාචක්ඛු අනුත්තරං;
යස්ස චක්ඛුස්ස පටිලාභා, සබ්බදුක්ඛා පමුච්චති”ති.

අයම්පි අත්ථො වුත්තො භගවතා, ඉති මෙ සුතන්ති. දුතියං.

3. ඉන්ද්‍රියසුත්තං

62. වුත්තඤ්ඤෙතං භගවතා, වුත්තමරහතාති මෙ සුතං -

“තීණිමානි, භික්ඛවෙ, ඉන්ද්‍රියානි. කතමානි තීණි? අනඤ්ඤාතඤ්ඤස්සාමිතින්ද්‍රියං, අඤ්ඤින්ද්‍රියං, අඤ්ඤාතාචිත්තන්ද්‍රියං - ඉමානි ඛො, භික්ඛවෙ, තීණි ඉන්ද්‍රියානී”ති. එතමත්ථං භගවා අවොච. තත්ථෙතං ඉති වුච්චති -

“සෙඛස්ස සික්ඛමානස්ස, උජුමග්ගානුසාරිනො;

බයස්මිං පයමං ඤාණං, තතො අඤ්ඤා අනන්තරා.

“තතො අඤ්ඤා විමුත්තස්ස, ඤාණං වෙ භොති තාදිනො;
අකුප්පා මෙ විමුත්තීති, භවසංයොජනක්ඛයා.

“ස වෙ [සවෙ (සී. සා.)] ඉන්ද්‍රියසම්පන්නො, සන්නො සන්නිපදෙ
රතො;
ධාරෙති අන්තිමං දෙහං, ජෙත්වා මාරං සවාහිති”න්ති.

අයම්පි අත්ථො වුත්තො භගවතා, ඉති මෙ සුතන්ති. තතියං.

4. අද්ධාසුත්තං

63. වුත්තඤ්ඤෙතං භගවතා, වුත්තමරහතාති මෙ සුතං –

“තයොමෙ, භික්ඛවෙ, අද්ධා. කතමෙ තයො? අතීතො අද්ධා,
අනාගතො අද්ධා, පච්චුප්පන්නො අද්ධා – ඉමෙ ඛො, භික්ඛවෙ, තයො
අද්ධා”ති. එතමත්ථං භගවා අවොච. තත්ථෙතං ඉති වුච්චති –

“අක්ඛෙය්‍යසඤ්ඤිතො සත්තා, අක්ඛෙය්‍යස්මිං පතිට්ඨිතා;
අක්ඛෙය්‍යං අපරිඤ්ඤාය, යොගමායන්ති මච්චුනො.

“අක්ඛෙය්‍යඤ්ච පරිඤ්ඤාය, අක්ඛාතාරං න මඤ්ඤති;
ඵට්ඨො විමොක්ඛො මනසා, සන්නිපදමනුත්තරං.

“ස වෙ [සවෙ (ක.)] අක්ඛෙය්‍යසම්පන්නො, සන්නො සන්නිපදෙ
රතො;
සඬ්ඛායසෙවී ධම්මට්ඨො, සඬ්ඛායං නොපෙති වෙදගු”ති.

අයම්පි අත්ථො වුත්තො භගවතා, ඉති මෙ සුතන්ති. චතුත්ථං.

5. දුච්චරිතසුත්තං

64. වුත්තඤ්ඤෙතං භගවතා, වුත්තමරහතාති මෙ සුතං –

“තීණිමානි, භික්ඛවෙ, දුච්චරිතානි. කතමානි තීණි? කායදුච්චරිතං,
වච්චුච්චරිතං, මනොදුච්චරිතං – ඉමානි ඛො, භික්ඛවෙ, තීණි දුච්චරිතානි”ති.
එතමත්ථං භගවා අවොච. තත්ථෙතං ඉති වුච්චති –

“කායදුච්චරිතං කත්වා, වච්චුච්චරිතානි ව;
මනොදුච්චරිතං කත්වා, යඤ්චඤ්ඤං දොසසංහිතං.

“අකත්වා කුසලං කම්මං, කත්වානාකුසලං බහුං;
කායස්ස හෙදා දුප්පඤ්ඤා, නිරයං සොපපජ්ජති”ති.

අයම්පි අත්ථො චුත්තො භගවතා, ඉති මෙ සුතන්ති. පඤ්චමං.

6. සුවරිතසුත්තං

65. චුත්තඤ්ඤෙතං භගවතා, චුත්තමරහතාති මෙ සුතං –

“තීණිමානි, භික්ඛවෙ, සුවරිතානි. කතමානි තීණි? කායසුවරිතං, වච්ඡුවරිතං, මනොසුවරිතං – ඉමානි ඛො, භික්ඛවෙ, තීණි සුවරිතානි”ති. එතමත්ථං භගවා අවොච. තත්ථෙතං ඉති වුච්චති –

“කායදුච්චරිතං භිත්වා, වච්ඡුච්චරිතානි ව;
මනොදුච්චරිතං භිත්වා, යඤ්චඤ්ඤං දොසසංහිතං.

“අකත්වාකුසලං කම්මං, කත්වාන කුසලං බහුං;
කායස්ස හෙදා සප්පඤ්ඤො, සග්ගං සො උපපජ්ජති”ති.

අයම්පි අත්ථො චුත්තො භගවතා, ඉති මෙ සුතන්ති. ඡට්ඨං.

7. සොචෙය්‍යසුත්තං

66. චුත්තඤ්ඤෙතං භගවතා, චුත්තමරහතාති මෙ සුතං –

“තීණිමානි, භික්ඛවෙ, සොචෙය්‍යානි. කතමානි තීණි? කායසොචෙය්‍යං, වච්ඡොචෙය්‍යං, මනොසොචෙය්‍යං – ඉමානි ඛො, භික්ඛවෙ, තීණි සොචෙය්‍යානි”ති. එතමත්ථං භගවා අවොච. තත්ථෙතං ඉති වුච්චති –

“කායසුචිං වච්ඡුචිං [\[වාචාසුචිං \(ක.\)\]](#), චෙතොසුචිමනාසවං;
සුචිං සොචෙය්‍යසම්පන්නං, ආහු සබ්බජ්ජහායින”න්ති [\[ආහු නිත්භාතපාපකන්ති \(අ. නි. 3.122\) යුත්තතරං\]](#).

අයම්පි අත්ථො චුත්තො භගවතා, ඉති මෙ සුතන්ති. සත්තමං.

8. මොනෙය්‍යසුත්තං

67. චුත්තඤ්ඤෙතං භගවතා, චුත්තමරහතාති මෙ සුතං –

“තීණිමානි, භික්ඛවෙ, මොනෙය්‍යානි. කතමානි තීණි? කායමොනෙය්‍යං, වච්ඡමොනෙය්‍යං, මනොමොනෙය්‍යං – ඉමානි ඛො, භික්ඛවෙ, තීණි මොනෙය්‍යානි”ති. එතමත්ථං භගවා අවොච. තත්ථෙතං ඉති වුච්චති –

“කායමුනිං වච්ඡුමුනිං, මනොමුනිමනාසවං;
මුනිං මොනෙය්‍යසම්පන්නං, ආහු නිත්භාතපාපක”න්ති [\[ආහු සබ්බජ්ජහායිනන්ති \(අ. නි. 3.123\)\]](#).

අයම්පි අත්ථො චුත්තො භගවතා, ඉති මෙ සුතන්ති. අට්ඨමං.

9. පට්ඨකප්පකප්පක

68. වුත්තකප්පකප්පක හගවතා, වුත්තමරහතාති මෙ සුතං -

“යස්ස කස්සපි, හික්ඛවෙ, රාගො අප්පහීනො, දොසො අප්පහීනො, මොහො අප්පහීනො - අයං වුච්චති, හික්ඛවෙ, ‘බද්ධො [බන්ධො (බහුසු)] මාරස්ස පට්ඨකප්පක මාරපාසො යථාකාමකරණියො [යථා කාමකරණියො ව (සි. ස්වා. පි. ක.)] පාපිමතො’. යස්ස කස්සපි, හික්ඛවෙ, රාගො පහීනො, දොසො පහීනො, මොහො පහීනො - අයං වුච්චති, හික්ඛවෙ, ‘අබද්ධො මාරස්ස ඔමුක්කප්පක මාරපාසො න යථා කාමකරණියො [න යථාකාමකරණියො ව (සා.)] පාපිමතො’”ති. එතමත්ථං හගවා අවොච. තත්ථෙතං ඉති වුච්චති -

“යස්ස රාගො ව දොසො ව, අවිජ්ජා ව විරාජිතා;
තං භාවිතත්තකප්පකප්පක, බ්‍රහ්මභූතං තථාගතං;
බුද්ධං චෙරහයාතිතං, ආහු සබ්බස්සභායින”න්ති.

අයම්පි අත්ථො වුත්තො හගවතා, ඉති මෙ සුතන්ති. නවමං.

10. දුතියකප්පකප්පක

69. වුත්තකප්පකප්පක හගවතා, වුත්තමරහතාති මෙ සුතං -

“යස්ස කස්සපි, හික්ඛවෙ, හික්ඛුස්ස වා හික්ඛුනියා වා රාගො අප්පහීනො, දොසො අප්පහීනො, මොහො අප්පහීනො - අයං වුච්චති, හික්ඛවෙ, න ‘අතරි [අතිණ්ණො (ක. සි. ක.)] සමුද්දං සලාමිං සවිචිං සාවට්ඨං සගහං සරක්ඛසං’. යස්ස කස්සපි, හික්ඛවෙ, හික්ඛුස්ස වා හික්ඛුනියා වා රාගො පහීනො, දොසො පහීනො, මොහො පහීනො - අයං වුච්චති, හික්ඛවෙ, ‘අතරි සමුද්දං සලාමිං සවිචිං සාවට්ඨං සගහං සරක්ඛසං, තිණ්ණො පාරඨගතො [පාරගතො (සි. අට්ඨ. සා.)] ථලෙ තිට්ඨති බ්‍රාහ්මණො’”ති. එතමත්ථං හගවා අවොච. තත්ථෙතං ඉති වුච්චති -

“යස්ස රාගො ව දොසො ව, අවිජ්ජා ව විරාජිතා;
සොමං සමුද්දං සගහං සරක්ඛසං, සලාමිහයං දුත්තරං අච්චතාරි.

“සඬගාතිගො මච්චුජනො නිරුපධි, පහාසි දුක්ඛං අපුනඛිහවාය;
අත්ථඬගතො සො න පමාණමෙති, අමොහයි මච්චුරාජන්ති බුම්”ති.

අයම්පි අත්ථො වුත්තො හගවතා, ඉති මෙ සුතන්ති. දසමං.

දුතියො වග්ගො නිට්ඨිතො.

තස්සද්දානං -

පුඤ්ඤං චක්ඛු අථ ඉන්ද්‍රියානි [\[අත්ථිත්ථියා \(සා.\)\]](#), අද්ධා ච චරිතං දූචෙ සොචි [\[සුචි \(සා.\)\]](#);
මුනො [\[මුනෙ \(සා.\)\]](#) අථ රාගදූචෙ, පුන චග්ගමාහු දුතියමුත්තමන්ති.

3. තතියචග්ගො

1. මිච්ඡාදිට්ඨිකසුත්තං

70. වුත්තඤ්ඤෙතං භගවතා, වුත්තමරහතාති මෙ සුතං -

“දිට්ඨා මයා, භික්ඛවෙ, සත්තා කායදූචචරිතෙන සමන්තාගතා චච්චිදූචචරිතෙන සමන්තාගතා මනොදූචචරිතෙන සමන්තාගතා අරියානං උපවාදකා මිච්ඡාදිට්ඨිකා මිච්ඡාදිට්ඨිකම්මසමාදානා. තෙ කායස්ස භෙදා පරං මරණා අපායං දුග්ගතිං චිනිපාතං නිරයං උපපන්නා.

“තං ඛො පනාහං, භික්ඛවෙ, නාඤ්ඤස්ස සමණස්ස වා බ්‍රාහ්මණස්ස වා සුත්වා වදාමි. දිට්ඨා මයා, භික්ඛවෙ, සත්තා කායදූචචරිතෙන සමන්තාගතා චච්චිදූචචරිතෙන සමන්තාගතා මනොදූචචරිතෙන සමන්තාගතා අරියානං උපවාදකා මිච්ඡාදිට්ඨිකා මිච්ඡාදිට්ඨිකම්මසමාදානා. තෙ කායස්ස භෙදා පරං මරණා අපායං දුග්ගතිං චිනිපාතං නිරයං උපපන්නා. අපි ච, භික්ඛවෙ, යදෙව සාමං ඤාතං සාමං දිට්ඨං සාමං විදිතං තදෙවාහං වදාමි.

“දිට්ඨා මයා, භික්ඛවෙ, සත්තා කායදූචචරිතෙන සමන්තාගතා චච්චිදූචචරිතෙන සමන්තාගතා මනොදූචචරිතෙන සමන්තාගතා අරියානං උපවාදකා මිච්ඡාදිට්ඨිකා මිච්ඡාදිට්ඨිකම්මසමාදානා. තෙ කායස්ස භෙදා පරං මරණා අපායං දුග්ගතිං චිනිපාතං නිරයං උපපන්නා”ති. එතමත්ථං භගවා අවොච. තත්ථෙතං ඉති වුච්චති -

“මිච්ඡා මනං පණ්ඩාය, මිච්ඡා වාචඤ්ච භාසිය [\[මිවා වාචං අභාසිය \(සබ්බත්ථ\)\]](#);

මිච්ඡා කම්මානි කත්වාන, කායෙන ඉධ පුග්ගලො.

“අප්පස්සුතාපුඤ්ඤකරො [\[අප්පස්සුතොපුඤ්ඤකරො \(සී.\)](#), [අප්පස්සුතො අපුඤ්ඤකරො \(සා. පී.\)](#)], අප්පස්මිං ඉධ ජීවිතෙ; කායස්ස භෙදා දුප්පඤ්ඤො, නිරයං සොපපජ්ජති”ති.

අයම්පි අත්ථො වුත්තො භගවතා, ඉති මෙ සුතන්ති. පයමං.

2. සම්මාදිට්ඨිකසුත්තං

71. වුත්තඤ්ඤෙතං භගවතා, වුත්තමරහතාති මෙ සුතං -

“දිට්ඨා මයා, භික්ඛවෙ, සත්තා කායසුචරිතෙන සමන්තාගතා චච්චිසුචරිතෙන සමන්තාගතා මනොසුචරිතෙන සමන්තාගතා අරියානං

අනුපවාදකා සම්මාදිට්ඨිකා සම්මාදිට්ඨිකම්මසමාදානා. තෙ කායස්ස හෙදා පරං මරණා සුගතිං සග්ගං ලොකං උපපන්නා.

“තං බො පනාහං, භික්ඛවෙ, නාඤ්ඤස්ස සමණස්ස වා බ්‍රාහ්මණස්ස වා සුත්වා වදාමි. දිට්ඨා මයා, භික්ඛවෙ, සත්තා කායසුචරිතෙන සමන්තාගතා වච්ඡුචරිතෙන සමන්තාගතා මනොසුචරිතෙන සමන්තාගතා අරියානං අනුපවාදකා සම්මාදිට්ඨිකා සම්මාදිට්ඨිකම්මසමාදානා. තෙ කායස්ස හෙදා පරං මරණා සුගතිං සග්ගං ලොකං උපපන්නා. අපි ච, භික්ඛවෙ, යදෙව සාමං ඤාතං සාමං දිට්ඨං සාමං විදිතං තදෙවාහං වදාමි.

“දිට්ඨා මයා, භික්ඛවෙ, සත්තා කායසුචරිතෙන සමන්තාගතා වච්ඡුචරිතෙන සමන්තාගතා මනොසුචරිතෙන සමන්තාගතා අරියානං අනුපවාදකා සම්මාදිට්ඨිකා සම්මාදිට්ඨිකම්මසමාදානා. තෙ කායස්ස හෙදා පරං මරණා සුගතිං සග්ගං ලොකං උපපන්නා”ති. එතමත්ථං භගවා අවොච. තත්ථෙතං ඉති වුච්චති –

“සම්මා මනං පණ්ඩාය, සම්මා වාචඤ්ච භාසිය [සම්මා වාචං අභාසිය (සබ්බත්ථ)];

සම්මා කම්මානි කත්වාන, කායෙන ඉධ පුග්ගලො.

“බහුස්සුතො පුඤ්ඤකරො, අප්පස්මිං ඉධ ජීවිතෙ;
කායස්ස හෙදා සප්පඤ්ඤො, සග්ගං සො උපපජ්ජති”ති.

අයම්පි අත්ථො වුත්තො භගවතා, ඉති මෙ සුතන්ති. දුතියං.

3. නිස්සරණියසුත්තං

72. වුත්තඤ්ඤෙනං භගවතා, වුත්තමරහතාති මෙ සුතං –

“නිස්සො ඉමා, භික්ඛවෙ, නිස්සරණියා [නිස්සාරණියා (අ. නි. 5.200)] ධාතුයො. කතමා නිස්සො? කාමානමෙතං නිස්සරණං යදිදං නෙක්ඛම්මං, රූපානමෙතං නිස්සරණං යදිදං ආරුප්පං, යං බො පන කිඤ්චි භූතං සඬ්ඛතං පටිච්චසමුප්පන්නං නිරොධො තස්ස නිස්සරණං – ඉමා බො, භික්ඛවෙ, නිස්සො නිස්සරණියා ධාතුයො”ති. එතමත්ථං භගවා අවොච. තත්ථෙතං ඉති වුච්චති –

“කාමනිස්සරණං ඤත්වා, රූපානඤ්ච අතික්කමං;
සබ්බසඬ්ඛාරසමථං, ඵුසං ආතාපි සබ්බදා.

“ස වෙ සම්මද්දසො භික්ඛු, යතො තත්ථ විමුච්චති;
අභිඤ්ඤාචොසිතො සන්තො, ස වෙ යොගාතිගො මුතී”ති.

අයම්පි අත්ථො වුත්තො භගවතා, ඉති මෙ සුතන්ති. තතියං.

4. සන්තතරසුත්තං

73. වුත්තඤ්ඤෙතං භගවතා, වුත්තමරහතාති මෙ සුතං -

“රූපෙහි, භික්ඛවෙ, අරූපා [ආරූප්පා (සි.)] සන්තතරා, අරූපෙහි නිරොධො සන්තතරො”ති. එතමත්ථං භගවා අවොච. තත්ථෙතං ඉති වුච්චති -

“යෙ ච රූපුපගා සත්තා, යෙ ච අරූපට්ඨායිනො [ආරූප්පට්ඨායිනො (සි.)];
නිරොධං අප්පජානන්තා, ආගන්තාරො පුනඛ්භවං.

“යෙ ච රූපෙ පරිඤ්ඤාය, අරූපෙසු අසණ්ඨිතා;
නිරොධෙ යෙ විමුච්චන්ති, තෙ ජනා මච්චුභායිනො.

“කායෙන අමතං ධාතුං, ඵ්ඤ්ඤිත්වා නිරූපධිං;
උපධිප්පට්ඨිත්ථිසග්ගං, සච්ඡිකත්වා අනාසවො;
දෙසෙති සම්මාසම්බුද්ධො, අසොකං චිරජං පද”න්ති.

අයම්පි අත්ථො වුත්තො භගවතා, ඉති මෙ සුතන්ති. චතුත්ථං.

5. පුත්තසුත්තං

74. වුත්තඤ්ඤෙතං භගවතා, වුත්තමරහතාති මෙ සුතං -

“තයොමෙ, භික්ඛවෙ, පුත්තා සත්තො සංවිජ්ජමානා ලොකස්මිං.
කතමෙ තයො? අතිජාතො, අනුජාතො, අවජාතොති.

“කථංඤ්ඤි, භික්ඛවෙ, පුත්තො අතිජාතො භොති? ඉධ, භික්ඛවෙ, පුත්තස්ස මාතාපිතරො භොන්ති න බුද්ධං සරණං ගතා, න ධම්මං සරණං ගතා, න සඬ්ඝං සරණං ගතා; පාණාතිපාතා අප්පට්ඨිරතා, අදින්නාදානා අප්පට්ඨිරතා, කාමෙසුම්චිජාචාරා අප්පට්ඨිරතා, මුසාවාදා අප්පට්ඨිරතා, සුරාමෙරයමජ්ජපමාදට්ඨානා අප්පට්ඨිරතා, දුස්සීලා පාපධම්මා. පුත්තො ච නෙසං භොති බුද්ධං සරණං ගතො, ධම්මං සරණං ගතො, සඬ්ඝං සරණං ගතො; පාණාතිපාතා පට්ඨිරතො, අදින්නාදානා පට්ඨිරතො, කාමෙසුම්චිජාචාරා පට්ඨිරතො, මුසාවාදා පට්ඨිරතො, සුරාමෙරයමජ්ජපමාදට්ඨානා පට්ඨිරතො, සීලවා කල්‍යාණධම්මො. එවං ඛො, භික්ඛවෙ, පුත්තො අතිජාතො භොති.

“කථංඤ්ඤි, භික්ඛවෙ, පුත්තො අනුජාතො භොති? ඉධ, භික්ඛවෙ, පුත්තස්ස මාතාපිතරො භොන්ති බුද්ධං සරණං ගතා, ධම්මං සරණං ගතා, සඬ්ඝං සරණං ගතා; පාණාතිපාතා පට්ඨිරතා, අදින්නාදානා පට්ඨිරතා, කාමෙසුම්චිජාචාරා පට්ඨිරතා, මුසාවාදා පට්ඨිරතා, සුරාමෙරයමජ්ජපමාදට්ඨානා පට්ඨිරතා, සීලවන්තො කල්‍යාණධම්මො.

පුත්තොපි නෙසං හොති බුද්ධං සරණං ගතො, ධම්මං සරණං ගතො, සඬ්ඝං සරණං ගතො; පාණාතිපාතා පටිවිරතො, අදින්නාදානා පටිවිරතො, කාමෙසුමිච්ඡාවාරා පටිවිරතො, මුසාවාදා පටිවිරතො, සුරාමෙරයමජ්ජපමාදට්ඨානා පටිවිරතො, සීලවා කල්‍යාණධම්මො. එවං බො, භික්ඛවෙ, පුත්තො අනුජාතො හොති.

“කථංඤ්ච, භික්ඛවෙ, පුත්තො අවජාතො හොති? ඉධ, භික්ඛවෙ, පුත්තස්ස මාතෘපිතරො හොන්ති බුද්ධං සරණං ගතා, ධම්මං සරණං ගතා, සඬ්ඝං සරණං ගතා; පාණාතිපාතා පටිවිරතා, අදින්නාදානා පටිවිරතා, කාමෙසුමිච්ඡාවාරා පටිවිරතා, මුසාවාදා පටිවිරතා, සුරාමෙරයමජ්ජපමාදට්ඨානා පටිවිරතා, සීලවන්තො කල්‍යාණධම්මො. පුත්තො ච නෙසං හොති න බුද්ධං සරණං ගතො, න ධම්මං සරණං ගතො, න සඬ්ඝං සරණං ගතො; පාණාතිපාතා අජපටිවිරතො, අදින්නාදානා අජපටිවිරතො, කාමෙසුමිච්ඡාවාරා අජපටිවිරතො, මුසාවාදා අජපටිවිරතො, සුරාමෙරයමජ්ජපමාදට්ඨානා අජපටිවිරතො, දුස්සීලො පාපධම්මො. එවං බො, භික්ඛවෙ, පුත්තො අවජාතො හොති. ඉමෙ බො, භික්ඛවෙ, තයො පුත්තා සන්තො සංවිජ්ජමානා ලොකස්මි”න්ති. එතමත්ථං භගවා අවොච. තත්ථෙතං ඉති වුච්චති –

“අතිජාතං අනුජාතං, පුත්තමිච්ඡන්ති පණ්ඩිතා;
අවජාතං න ඉච්ඡන්ති, යො හොති කුලගන්ධනො.

“එතෙ බො පුත්තා ලොකස්මිං, යෙ භවන්ති උපාසකා;
සද්ධා සීලෙන සම්පන්නා, වදඤ්ඤා චිත්තච්ඡරා;
චන්දො අබ්භසනා මුත්තො, පරිසාසු විරොචරෙ”ති.

අයම්පි අත්ථො වුත්තො භගවතා, ඉති මෙ සුතන්ති. පඤ්චමං.

6. අවුට්ඨිකසුත්තං

75. වුත්තඤ්ඤෙතං භගවතා, වුත්තමරහතාති මෙ සුතං –

“තයොමෙ, භික්ඛවෙ, පුග්ගලො සන්තො සංවිජ්ජමානා ලොකස්මිං. කතමෙ තයො? අවුට්ඨිකසමො, පදෙසවස්සි, සබ්බත්ථාභිවස්සි.

“කථංඤ්ච, භික්ඛවෙ, පුග්ගලො අවුට්ඨිකසමො හොති? ඉධ, භික්ඛවෙ, එකච්චො පුග්ගලො සබ්බෙසඤ්ඤෙඤ්ච න දාතා හොති, සමණබ්‍රාහ්මණකපණ්ඩිතවනිබ්බකයාවකානං [... වණ්ඛිබ්බකයාවකානං (සී.)] අන්තං පානං වත්ථං යානං මාලාගන්ධවිලෙපනං සෙය්‍යාවසථපදීපෙය්‍යං. එවං බො, භික්ඛවෙ, පුග්ගලො අවුට්ඨිකසමො හොති.

“කථඤ්ච, භික්ඛවෙ, පුග්ගලො පදෙසවස්සි හොති? ඉධ, භික්ඛවෙ, එකච්චො පුග්ගලො එකච්චානං දාතා (හොති) [() නත්ථි ස්‍යාමපොත්ථකෙ], එකච්චානං න දාතා හොති සමණුබ්‍රාහ්මණකපණද්ධිකවනිබ්බකයාවකානං අන්තං පානං වත්ථං යානං මාලාගන්ධවිලෙපනං සෙය්‍යාවසථපදීපෙය්‍යං. එවං ඛො, භික්ඛවෙ, පුග්ගලො පදෙසවස්සි හොති.

“කථඤ්ච, භික්ඛවෙ, පුග්ගලො සබ්බත්ථාභිවස්සි හොති? ඉධ, භික්ඛවෙ, එකච්චො පුග්ගලො සබ්බෙසංව දෙනි, සමණුබ්‍රාහ්මණකපණද්ධිකවනිබ්බකයාවකානං අන්තං පානං වත්ථං යානං මාලාගන්ධවිලෙපනං සෙය්‍යාවසථපදීපෙය්‍යං. එවං ඛො, භික්ඛවෙ, පුග්ගලො සබ්බත්ථාභිවස්සි හොති. ඉමෙ ඛො, භික්ඛවෙ, තයො පුග්ගලො සන්තො සංවිජ්ජමානා ලොකස්මි”න්ති. එතමත්ථං භගවා අවොච. තත්ථෙතං ඉති වුච්චති –

“න සමණෙ න බ්‍රාහ්මණෙ, න කපණද්ධිකවනිබ්බකෙ;
ලද්ධාන සංවිභාජෙති, අන්තං පානඤ්ච භොජනං;
තං වෙ අවුට්ඨිකසමොති, ආහු නං පුරිසාධමං.

“එකච්චානං න දදාති, එකච්චානං පවෙච්ඡති;
තං වෙ පදෙසවස්සිති, ආහු මෙධාවිනො ජනා.

“සුභික්ඛවාචො පුරිසො, සබ්බභූතානුකම්පකො;
ආමොදමානො පකිරෙති, දෙථ දෙථාති භාසති.

“යථාපි මෙසො ථනයිත්වා, ගජ්ජයිත්වා පවස්සති;
ථලං නින්තඤ්ච පුරෙති, අභිසන්දන්තොව [අභිසන්දෙන්තොව (?)]
වාරිතා.

“එවමෙව ඉධෙකච්චො, පුග්ගලො හොති තාදිසො;
ධම්මෙන සංහරිත්වාන, උට්ඨානාධිගතං ධනං;
තජ්ජෙති අන්තපානෙන, සම්මා පත්තෙ වනිබ්බකෙ”ති.

අයම්පි අත්ථො වුත්තො භගවතා, ඉති මෙ සුතන්ති. ඡට්ඨං.

7. සුඛපත්ථනාසුත්තං

76. වුත්තඤ්ඤෙනං භගවතා, වුත්තමරහතාති මෙ සුතං –

“තීණිමානි, භික්ඛවෙ, සුඛානි පත්ථයමානො සීලං රක්ඛෙය්‍ය පණ්ඩිතො. කතමානි තීණි? පසංසා මෙ ආගච්ඡතුති [ආගච්ඡන්තුති (ස්‍යා.)] සීලං රක්ඛෙය්‍ය පණ්ඩිතො, හොගා මෙ උජ්ජජන්තුති සීලං රක්ඛෙය්‍ය පණ්ඩිතො, කායස්ස හෙදා පරං මරණා සුගතිං සග්ගං ලොකං

උපපජ්ජිස්සාමිති සීලං රක්ඛෙය්‍ය පණ්ඩිතො. ඉමානි බො, භික්ඛවෙ, තිණි සුඛානි පත්ථයමානො සීලං රක්ඛෙය්‍ය පණ්ඩිතො’ති. එතමත්ථං භගවා අවොච. තත්ථෙතං ඉති වුච්චති –

“සීලං රක්ඛෙය්‍ය මෙධාවී, පත්ථයානො තයො සුඛෙ;
පසංසං විත්තලාභඤ්ච, පෙච්ච සග්ගෙ පමොදනං.

“අකරොන්තොපි වෙ පාපං, කරොන්තමුපසෙවති;
සඬ්ඛියො හොති පාපස්මිං, අවණ්ණො චස්ස රුහති.

“යාදිසං කුරුතෙ මිත්තං, යාදිසං වුපසෙවති;
ස වෙ තාදිසකො හොති, සභවාසො හි [සභවාසොපි (සී. ක.)]
තාදිසො.

“සෙවමානො සෙවමානං, සම්චුට්ඨො සම්චුසං පරං;
සරො දිද්ධො කලාපංච, අලිත්තමුපලිම්පති;
උපලෙපහයා [උපලිම්පහයා (ක.)] ධිරො, නෙච පාපසඛා සියා.

“පුනිමච්ඡං කුසග්ගෙන, යො නරො උපනස්හති;
කුසාපි පුනි වායන්ති, එවං බාලුපසෙවනා.

“තගරඤ්ච පලාසෙන, යො නරො උපනස්හති;
පත්තාපි සුරහි වායන්ති, එවං ධිරුපසෙවනා.

“තස්මා පත්තපුට්ඨසෙව [පලාසපුට්ඨසෙව (පී. ක.)], ඤත්වා
සම්පාකමත්තනො;
අසන්තෙ නුපසෙවෙය්‍ය, සන්තෙ සෙවෙය්‍ය පණ්ඩිතො;
අසන්තො නිරයං නෙත්ති, සන්තො පාපෙන්ති සුග්ගති’ති.

අයම්පි අත්ථො වුත්තො භගවතා, ඉති මෙ සුතන්ති. සත්තමං.

8. භිදුරසුත්තං

77. වුත්තඤ්ඤෙනං භගවතා, වුත්තමරහතාති මෙ සුතං –

“භිදුරායං [භින්දන්තායං (සා. පී. ක.)], භික්ඛවෙ, කායො, විඤ්ඤාණං විරාගධම්මං, සබ්බෙ උපධි අනිච්චා දුක්ඛා විපරිණාමධම්මා’ති. එතමත්ථං භගවා අවොච. තත්ථෙතං ඉති වුච්චති –

“කායඤ්ච භිදුරං [භින්දන්තං (සා. පී. ක.)] ඤත්වා, විඤ්ඤාණඤ්ච විරාගුතං [විරාගිකං (ක. සී.), පහඬිගුණං (සා.)];
උපධිසු භයං දිස්වා, ජාතිමරණමච්චගා;
සම්පත්වා පරමං සන්තිං, කාලං කඬ්ඛති භාවිතත්තො’ති.

අයම්පි අත්ථො වුත්තො භගවතා, ඉති මෙ සුතන්ති. අට්ඨමං.

9. ධාතුසොසංසන්දනසුත්තං

78. වුත්තඤ්ඤෙතං භගවතා, වුත්තමරහතාති මෙ සුතං –

“ධාතුසො, භික්ඛවෙ, සත්තා සත්තෙහි සද්ධිං සංසන්දන්ති සමෙන්නි. භීනාධිමුත්තිකා සත්තා භීනාධිමුත්තිකෙහි සත්තෙහි සද්ධිං සංසන්දන්ති සමෙන්නි, කල්‍යාණාධිමුත්තිකා සත්තා කල්‍යාණාධිමුත්තිකෙහි සත්තෙහි සද්ධිං සංසන්දන්ති සමෙන්නි.

“අතීතම්පි, භික්ඛවෙ, අද්ධානං ධාතුසොච සත්තා සත්තෙහි සද්ධිං සංසන්දිංසු සම්මංසු. භීනාධිමුත්තිකා සත්තා භීනාධිමුත්තිකෙහි සත්තෙහි සද්ධිං සංසන්දිංසු සම්මංසු, කල්‍යාණාධිමුත්තිකා සත්තා කල්‍යාණාධිමුත්තිකෙහි සත්තෙහි සද්ධිං සංසන්දිංසු සම්මංසු.

“අනාගතම්පි, භික්ඛවෙ, අද්ධානං ධාතුසොච සත්තා සත්තෙහි සද්ධිං සංසන්දිස්සන්ති සමෙස්සන්ති. භීනාධිමුත්තිකා සත්තා භීනාධිමුත්තිකෙහි සත්තෙහි සද්ධිං සංසන්දිස්සන්ති සමෙස්සන්ති, කල්‍යාණාධිමුත්තිකා සත්තා කල්‍යාණාධිමුත්තිකෙහි සත්තෙහි සද්ධිං සංසන්දිස්සන්ති සමෙස්සන්ති.

“එතරහිපි, භික්ඛවෙ, පච්චුප්පනං අද්ධානං ධාතුසොච සත්තා සත්තෙහි සද්ධිං සංසන්දන්ති සමෙන්නි. භීනාධිමුත්තිකා සත්තා භීනාධිමුත්තිකෙහි සත්තෙහි සද්ධිං සංසන්දන්ති සමෙන්නි, කල්‍යාණාධිමුත්තිකා සත්තා කල්‍යාණාධිමුත්තිකෙහි සත්තෙහි සද්ධිං සංසන්දන්ති සමෙන්නි”ති. එතමත්ථං භගවා අවොච. තත්ථෙතං ඉති වුච්චති –

“සංසග්ගා වනථො ජාතො, අසංසග්ගෙන ජීජ්ජති;
පරිත්තං දාරුමාරුශ්භ, යථා සීදෙ මහණ්ණවෙ.

“එවං කුසීතමාගම්ම, සාධුජීවිපි සීදති;
තස්මා තං පරිචජ්ජෙය්‍ය, කුසීතං භීතවීරියං.

“පච්චිත්තෙහි අරියෙහි, පහිතත්තෙහි ඤායිහි;
නිච්චං ආරද්ධවීරියෙහි, පණ්ඩිතෙහි සභාවසෙ”ති.

අයම්පි අත්ථො වුත්තො භගවතා, ඉති මෙ සුතන්ති. නවමං.

10. පරිභානසුත්තං

79. වුත්තඤ්ඤෙතං භගවතා, වුත්තමරහතාති මෙ සුතං –

“තයොමෙ, භික්ඛවෙ, ධම්මා සෙඛස්ස භික්ඛුනො පරිභානාය සංවත්තන්ති. කතමෙ තයො? ඉධ, භික්ඛවෙ, සෙඛො භික්ඛු කම්මාරාමො

හොති, කම්මරතො, කම්මාරාමතමනුයුත්තො; භස්සාරාමො හොති, භස්සරතො, භස්සාරාමතමනුයුත්තො; නිද්දාරාමො හොති, නිද්දාරතො, නිද්දාරාමතමනුයුත්තො. ඉමෙ බො, භික්ඛවෙ, තයො ධම්මා සෙඛස්ස භික්ඛුනො පරිභානාය සංවත්තන්ති.

“තයොමෙ, භික්ඛවෙ, ධම්මා සෙඛස්ස භික්ඛුනො අපරිභානාය සංවත්තන්ති. කතමෙ තයො? ඉධ, භික්ඛවෙ, සෙබො භික්ඛු න කම්මාරාමො හොති, න කම්මරතො, න කම්මාරාමතමනුයුත්තො; න භස්සාරාමො හොති, න භස්සරතො, න භස්සාරාමතමනුයුත්තො; න නිද්දාරාමො හොති, න නිද්දාරතො, න නිද්දාරාමතමනුයුත්තො. ඉමෙ බො, භික්ඛවෙ, තයො ධම්මා සෙඛස්ස භික්ඛුනො අපරිභානාය සංවත්තන්ති”ති. එතමත්ථං භගවා අවොච. තත්ථෙතං ඉති වුච්චති –

“කම්මාරාමො භස්සාරාමො [භස්සරතො (සබ්බථ)], නිද්දාරාමො ච උද්ධතො;
අභබ්බො තාදිසො භික්ඛු, ඵුට්ඨං සම්බොධිමුත්තමං.

“තස්මා හි අප්පකිච්චස්ස, අප්පමිද්ධො අනුද්ධතො;
භබ්බො සො තාදිසො භික්ඛු, ඵුට්ඨං සම්බොධිමුත්තම”න්ති.

අයම්පි අත්ථො වුත්තො භගවතා, ඉති මෙ සුතන්ති. දසමං.

තතියො වග්ගො නිට්ඨිතො.

තස්සුද්දානං –

ද්වෙ දිට්ඨි නිස්සරණං රූපං, පුත්තො අවුට්ඨිකෙන ච;
සුඛා ච භිදුරො [භින්දනා (සබ්බත්ථ)] ධාතු, පරිභානෙන තෙ දසාති.

4. චතුත්ථවග්ගො

1. විතක්කසුත්තං

80. වුත්තඤ්ඤතං භගවතා, වුත්තමරහතාති මෙ සුතං –

“තයොමෙ, භික්ඛවෙ, අකුසලවිතක්කා. කතමෙ තයො? අනවඤ්ඤත්තිපටිසංයුත්තො විතක්කො, ලාභසක්කාරසිලොකපටිසංයුත්තො විතක්කො, පරානුද්දයනාපටිසංයුත්තො විතක්කො. ඉමෙ බො, භික්ඛවෙ, තයො අකුසලවිතක්කා”ති. එතමත්ථං භගවා අවොච. තත්ථෙතං ඉති වුච්චති –

“අනවඤ්ඤත්තිසංයුත්තො, ලාභසක්කාරගාරවො;
සහනන්දී අමච්චෙහි, ආරා සංයොජනක්ඛයා.

“යො ව පුත්තපසුං භික්ඛා, විවාහෙ සංහරානි [සඬගහානි (ක. සී. සා. ඡී.)] ව;

භබ්බො සො තාදිසො භික්ඛු, ථුට්ඨං සම්බොධිමුත්තම”න්ති.

අයම්පි අත්ථො වුත්තො භගවතා, ඉති මෙ සුත්තන්ති. පඨමං.

2. සක්කාරසුත්තං

81. වුත්තඤ්ඤෙතං භගවතා, වුත්තමරහතාති මෙ සුතං –

“දිට්ඨා මයා, භික්ඛවෙ, සත්තා සක්කාරොන අභිභූතා, පරියාදින්නචිත්තා, කායස්ස හෙදා පරං මරණා අපායං දුග්ගතිං විනිපාතං නිරයං උපපන්නා.

“දිට්ඨා මයා, භික්ඛවෙ, සත්තා අසක්කාරොන අභිභූතා, පරියාදින්නචිත්තා, කායස්ස හෙදා පරං මරණා අපායං දුග්ගතිං විනිපාතං නිරයං උපපන්නා.

“දිට්ඨා මයා, භික්ඛවෙ, සත්තා සක්කාරොන ව අසක්කාරොන ව තදුභයෙන අභිභූතා, පරියාදින්නචිත්තා, කායස්ස හෙදා පරං මරණා අපායං දුග්ගතිං විනිපාතං නිරයං උපපන්නා.

“තං බො පනාහං, භික්ඛවෙ, නාඤ්ඤස්ස සමණස්ස වා බ්‍රාහ්මණස්ස වා සුත්වා වදාමි; () [(දිට්ඨා මයා භික්ඛවෙ සත්තා සක්කාරොන අභිභූතා. ...පෙ.... අසක්කාරොන අභිභූතා ...පෙ.... සක්කාරොන ව අසක්කාරොන ව තදුභයෙන අභිභූතා පරියාදින්නචිත්තා කායස්ස හෙදා පරං මරණා අපායං දුග්ගතිං විනිපාතං නිරයං උපපන්නා.) (සා.) පුරිමවග්ගෙ මිච්ඡාදිට්ඨිකසම්මාදිට්ඨිකසුත්තෙහි පන සමෙති, අන්වයබ්‍යතිරෙකවාක්‍යානං පන අනන්තරිත්තතා පාසංසතරා.)) අපි ව, භික්ඛවෙ, යදෙව මෙ සාමං ඤාතං සාමං දිට්ඨං සාමං විදිතං තමෙවාහං වදාමි.

“දිට්ඨා මයා, භික්ඛවෙ, සත්තා සක්කාරොන අභිභූතා, පරියාදින්නචිත්තා, කායස්ස හෙදා පරං මරණා අපායං දුග්ගතිං විනිපාතං නිරයං උපපන්නා.

“දිට්ඨා මයා, භික්ඛවෙ, සත්තා අසක්කාරොන අභිභූතා, පරියාදින්නචිත්තා, කායස්ස හෙදා පරං මරණා අපායං දුග්ගතිං විනිපාතං නිරයං උපපන්නා.

“දිට්ඨා මයා, භික්ඛවෙ, සත්තා සක්කාරොන ව අසක්කාරොන ව තදුභයෙන අභිභූතා, පරියාදින්නචිත්තා, කායස්ස හෙදා පරං මරණා අපායං දුග්ගතිං විනිපාතං නිරයං උපපන්නා”ති. එතමත්ථං භගවා අවොච. තත්ථෙතං ඉති වුවචති –

“යස්ස සක්කරියමානස්ස, අසක්කාරොන වුභයං;

සමාධි න විකම්පති, අප්පමාදවිහාරිනො [අප්පමාඤ්චිහාරිනො (සි. අට්ඨ.)].

“තං ඤායිතං සාතතිකං, සුබ්බමං දිට්ඨිවිපස්සකං;
උපාදානක්ඛයාරාමං, ආහු සප්පුරිසො ඉති” ති.

අයම්පි අත්ථො වුත්තො භගවතා, ඉති මෙ සුතන්ති. දුතියං.

3. දෙවසද්දසුත්තං

82. වුත්තඤ්ඤෙතං භගවතා, වුත්තමරහතාති මෙ සුතං –

“තයොමෙ, භික්ඛවෙ, දෙවෙසු දෙවසද්දා නිච්ඡරන්ති සමයා සමයං උපාදාය. කතමෙ තයො? යස්මිං, භික්ඛවෙ, සමයෙ අරියසාවකො කෙසමස්සුං ඔහාරෙත්වා කාසායාති වත්ථාති අවිජාදෙත්වා අගාරස්මා අනගාරියං පබ්බජ්ජාය වෙනෙති, තස්මිං සමයෙ [තස්මිං භික්ඛවෙ සමයෙ (පි. ක.)] දෙවෙසු දෙවසද්දො නිච්ඡරති – ‘එසො අරියසාවකො මාරෙන සද්ධිං සඬගාමාය වෙනෙති’ ති. අයං, භික්ඛවෙ, පඨමො දෙවෙසු දෙවසද්දො නිච්ඡරති සමයා සමයං උපාදාය.

“පුන වපරං, භික්ඛවෙ, යස්මිං සමයෙ අරියසාවකො සත්තන්තං බොධිපක්ඛියානං ධම්මානං භාවනානුයොගමනුයුත්තො විහරති, තස්මිං සමයෙ දෙවෙසු දෙවසද්දො නිච්ඡරති – ‘එසො අරියසාවකො මාරෙන සද්ධිං සඬගාමෙති’ ති. අයං, භික්ඛවෙ, දුතියො දෙවෙසු දෙවසද්දො නිච්ඡරති සමයා සමයං උපාදාය.

“පුන වපරං, භික්ඛවෙ, යස්මිං සමයෙ අරියසාවකො ආසවානං ඛයා අනාසවං වෙතොවිමුත්තිං පඤ්ඤාවිමුත්තිං දිට්ඨෙව ධම්මෙ සයං අභිඤ්ඤා සවිජ්ඣාත්වා උපසම්පජ්ජ විහරති, තස්මිං සමයෙ දෙවෙසු දෙවසද්දො නිච්ඡරති – ‘එසො අරියසාවකො විජිතසඬගාමො තමෙව සඬගාමසීසං අභිවිජිය අප්ඤ්ඤාචසති’ ති. අයං, භික්ඛවෙ, තතියො දෙවෙසු දෙවසද්දො නිච්ඡරති සමයා සමයං උපාදාය. ඉමෙ බො, භික්ඛවෙ, තයො දෙවෙසු දෙවසද්දා නිච්ඡරන්ති සමයා සමයං උපාදායා” ති. එතමත්ථං භගවා අවොච. තත්ථෙතං ඉති වුච්චති –

“දිස්වා විජිතසඬගාමං, සම්මාසම්බුද්ධසාවකං;
දෙවතාපි නමස්සන්ති, මහන්තං විතසාරදං.

“නමො තෙ පුරිසාජඤ්ඤ, යො ත්වං දුජ්ජයමජ්ඣකු;
ජෙත්වාන මච්චුනො සෙනං, විමොක්ඛෙන අනාවරං.

“ඉති භෙතං නමස්සන්ති, දෙවතා පත්තමානසං;
තඤ්ඤි තස්ස න පස්සන්ති, යෙන මච්චුවසං වජෙ” ති.

අයම්පි අත්ථො වුත්තො භගවතා, ඉති මෙ සුත්තනි. තතියං.

4. පඤ්චපුබ්බනිමිත්තසුත්තං

83. වුත්තඤ්ඤෙතං භගවතා, වුත්තමරහතාති මෙ සුතං –

“යදා, භික්ඛවෙ, දෙවො දෙවකායා චචනධම්මො හොති, පඤ්චස්ස පුබ්බනිමිත්තාති පාතුභවන්ති – මාලා මිලායන්ති, වත්ථාති කිලිස්සන්ති, කච්ඡෙහි සෙදා මුච්චන්ති, කායෙ දුබ්බණ්ණියං ඔක්කමති, සකෙ දෙවො දෙවාසනෙ නාහිරමතීති. තමෙනං, භික්ඛවෙ, දෙවා ‘චචනධම්මො අයං දෙවපුත්තො’ති ඉති විදිත්වා තිහි වාචාහි අනුමොදෙන්ති [අනුමොදන්ති (සී. සා. පී.)] – ‘ඉතො, හො, සුගතිං ගච්ඡ, සුගතිං ගන්ත්වා සුලද්ධලාභං ලභ, සුලද්ධලාභං ලභිත්වා සුප්පතිට්ඨිතො භවාහි’”ති.

එවං වුත්තෙ, අඤ්ඤතරො භික්ඛු භගවන්තං එතදවොච – “කින්නු ඛො, භන්තෙ, දෙවානං සුගතිගමනසංඛාරං; කිඤ්ච, භන්තෙ, දෙවානං සුලද්ධලාභසංඛාරං; කිං පන, භන්තෙ, දෙවානං සුප්පතිට්ඨිතසංඛාරං”න්ති?

“මනුස්සත්තං ඛො, භික්ඛු [භික්ඛවෙ (සා. පී.)], දෙවානං සුගතිගමනසංඛාරං; යං මනුස්සභූතො සමානො තථාගතප්පවෙදිතෙ ධම්මවිනයෙ සද්ධං පටිලභති. ඉදං ඛො, භික්ඛු [භික්ඛවෙ (සා. පී.)], දෙවානං සුලද්ධලාභසංඛාරං; සා ඛො පනස්ස සද්ධා නිව්ට්ඨා හොති මූලජාතා පතිට්ඨිතා දළ්භා අසංභාරියා සමණෙන වා බ්‍රාහ්මණෙන වා දෙවෙන වා මාරෙන වා බ්‍රහ්මිනා වා කෙනචි වා ලොකස්මිං. ඉදං ඛො, භික්ඛු [භික්ඛවෙ (සා. පී.)], දෙවානං සුප්පතිට්ඨිතසංඛාරං”න්ති. එතමත්ථං භගවා අවොච. තත්ථෙතං ඉති වුච්චති –

“යදා දෙවො දෙවකායා, චචති ආයුසංඛරියා;
තයො සද්දා නිච්ඡරන්ති, දෙවානං අනුමොදනං.

“ඉතො හො සුගතිං ගච්ඡ, මනුස්සානං සහඛාතං;
මනුස්සභූතො සද්ධම්මෙ, ලභ සද්ධං අනුත්තරං.

“සා තෙ සද්ධා නිව්ට්ඨස්ස, මූලජාතා පතිට්ඨිතා;
යාවජීවං අසංහිරා, සද්ධම්මෙ සුප්පවෙදිතෙ.

“කායදුච්චරිතං හිත්වා, වච්චුච්චරිතාති ව;
මනොදුච්චරිතං හිත්වා, යඤ්චඤ්ඤං දොසසඤ්ඤිතං.

“කායෙන කුසලං කත්වා, වාචාය කුසලං බහුං;
මනසා කුසලං කත්වා, අප්පමාණං නිරූපධිං.

“තතො ඔපධිකං පුඤ්ඤං, කත්වා දානෙන තං බහුං;
අඤ්ඤෙපි මච්චෙ සද්ධම්මෙ, බ්‍රහ්මවරියෙ නිවෙසය’ [නිවෙසයෙ
(සී. සා.)].

“ඉමාය අනුකම්පාය, දෙවා දෙවං යදා විදු;
චවත්තං අනුමොදෙන්ති, එහි දෙව පුනථපුන” ත්ති.

අයම්පි අත්ථො වුත්තො භගවතා, ඉති මෙ සුතන්ති. චතුත්ථං.

5. බහුජනහිතසුත්තං

84. වුත්තඤ්ඤෙනං භගවතා, වුත්තමරහතාති මෙ සුතං -

“තයොමෙ පුග්ගලා ලොකෙ උප්පජ්ජමානා උප්පජ්ජන්ති බහුජනහිතාය
බහුජනසුඛාය ලොකානුකම්පාය අත්ථාය හිතාය සුඛාය දෙවමනුස්සානං.
කතමෙ තයො? ඉධ, හික්ඛවෙ, තථාගතො ලොකෙ උප්පජ්ජති අරහං
සම්මාසම්බුද්ධො විජ්ජාවරණසම්පන්නො සුගතො ලොකවිදු අනුත්තරො
පුරිසදම්මසාරථී සත්ථා දෙවමනුස්සානං බුද්ධො භගවා. සො ධම්මං දෙසෙති
ආදිකල්‍යාණං මජ්ඣෙකල්‍යාණං පරියොසානකල්‍යාණං සාත්ථං
සඛ්‍යඤ්ජනං, කෙවලපරිපුණ්ණං පරිසුද්ධං බ්‍රහ්මවරියං පකාසෙති. අයං,
හික්ඛවෙ, පඨමො පුග්ගලො ලොකෙ උප්පජ්ජමානො උප්පජ්ජති
බහුජනහිතාය බහුජනසුඛාය ලොකානුකම්පාය අත්ථාය හිතාය සුඛාය
දෙවමනුස්සානං.

“පුන චපරං, හික්ඛවෙ, තස්සෙව සත්ථු [සත්ථුනො (සා.)] සාවකො
අරහං හොති ඛිණ්ණාසවො වුසිතවා කතකරණියො ඔහිතභාරො
අනුප්පත්තසදත්ථො පරික්ඛිණ්ණභවසංයොජනො සම්මදඤ්ඤා විමුත්තො.
සො ධම්මං දෙසෙති ආදිකල්‍යාණං මජ්ඣෙකල්‍යාණං පරියොසානකල්‍යාණං
සාත්ථං සඛ්‍යඤ්ජනං, කෙවලපරිපුණ්ණං පරිසුද්ධං බ්‍රහ්මවරියං පකාසෙති.
අයං, හික්ඛවෙ, දුතියො පුග්ගලො ලොකෙ උප්පජ්ජමානො උප්පජ්ජති
බහුජනහිතාය බහුජනසුඛාය ලොකානුකම්පාය අත්ථාය හිතාය සුඛාය
දෙවමනුස්සානං.

“පුන චපරං, හික්ඛවෙ, තස්සෙව සත්ථු සාවකො සෙබ්බො හොති
පාටිපදො බහුස්සුතො සීලවතුපපන්නො. සොපි [සො (?)] ධම්මං දෙසෙති
ආදිකල්‍යාණං මජ්ඣෙකල්‍යාණං පරියොසානකල්‍යාණං සාත්ථං
සඛ්‍යඤ්ජනං, කෙවලපරිපුණ්ණං පරිසුද්ධං බ්‍රහ්මවරියං පකාසෙති. අයං,
හික්ඛවෙ, තතියො පුග්ගලො ලොකෙ උප්පජ්ජමානො උප්පජ්ජති
බහුජනහිතාය බහුජනසුඛාය ලොකානුකම්පාය අත්ථාය හිතාය සුඛාය
දෙවමනුස්සානං. ඉමෙ බො, හික්ඛවෙ, තයො පුග්ගලා ලොකෙ
උප්පජ්ජමානා උප්පජ්ජන්ති බහුජනහිතාය බහුජනසුඛාය ලොකානුකම්පාය

අත්ථාය භිතාය සුඛාය දෙවමනුස්සාන’’න්ති. එතමත්ථං භගවා අවොච. තත්ථෙතං ඉති වුච්චති –

“සත්ථා භි ලොකෙ පයමො මහෙසී, තස්සන්ථයො සාවකො භාවිතත්තො;

අථාපරො පාටිපදොපි සෙබ්බො, බහුස්සුතො සීලවතුපපන්තො.

“එතෙ තයො දෙවමනුස්සසෙට්ඨා, පහඬිකරා ධම්මමුදිරයන්තා;

අපාපුරන්ති [අපාපුරන්ති (ක.)] අමතස්ස ද්වාරං, යොගා පමොචෙන්ති [යාගා පමුච්චන්ති (සී.), යොගා මොචන්ති (සායා.)] හුජ්ජනං තෙ.

“යෙ සත්ථවාහෙන අනුත්තරෙන, සුදෙසිතං මග්ගමනුක්කමන්ති [මග්ගමනුග්ගමන්ති (සී. ක.)];

ඉධෙව දුක්ඛස්ස කරොන්ති අන්තං, යෙ අප්පමත්තා සුගතස්ස සාසනෙ’’ති.

අයම්පි අත්ථො වුත්තො භගවතා, ඉති මෙ සුතන්ති. පඤ්චමං.

6. අසුභානුපස්සිසුත්තං

85. වුත්තඤ්ඤෙතං භගවතා, වුත්තමරහතාති මෙ සුතං –

“අසුභානුපස්සි, භික්ඛවෙ, කායස්මිං විහරථ; ආනාපානස්සති ච වො අජ්ඣාත්තං පරිමුඛං සුපට්ඨිතා හොතු; සබ්බසඬ්ඛාරෙසු අනිච්චානුපස්සිතො විහරථ. අසුභානුපස්සිනං, භික්ඛවෙ, කායස්මිං විහරතං යො සුභාය ධාතුයා රාගානුසයො සො පභියති [පභියාති (ක.)]. ආනාපානස්සතියා අජ්ඣාත්තං පරිමුඛං සුපට්ඨිතිතාය යෙ බාහිරා විතක්කාසයා විසාතපක්ඛිකා, තෙ න හොන්ති. සබ්බසඬ්ඛාරෙසු අනිච්චානුපස්සිනං විහරතං යා අවිජ්ජා සා පභියති, යා විජ්ජා සා උප්පජ්ජති’’ති. එතමත්ථං භගවා අවොච. තත්ථෙතං ඉති වුච්චති –

“අසුභානුපස්සි කායස්මිං, ආනාපානෙ පටිස්සතො;

සබ්බසඬ්ඛාරසමථං, පස්සං ආතාපි සබ්බදා.

“ස වෙ සම්මද්දසො භික්ඛු, යතො තත්ථ විමුච්චති;

අභිඤ්ඤාවොසිතො සන්තො, ස වෙ යොගාතිගො මුතී’’ති.

අයම්පි අත්ථො වුත්තො භගවතා, ඉති මෙ සුතන්ති. ඡට්ඨං.

7. ධම්මානුධම්මපටිපන්නසුත්තං

86. වුත්තඤ්ඤෙතං භගවතා, වුත්තමරහතාති මෙ සුතං –

“ධම්මානුධම්මපටිපත්තස්ස භික්ඛුනො අයමනුධම්මො හොති වෙය්‍යාකරණාය — ධම්මානුධම්මපටිපත්තොයන්ති භාසමානො ධම්මඤ්ඤෙව භාසති නො අධම්මං, විතක්කයමානො වා ධම්මවිතක්කඤ්ඤෙව විතක්කෙති නො අධම්මවිතක්කං, තද්දුහයං වා පන අභිනිවෙජ්ජෙත්වා උපෙක්ඛකො විහරති සතො සම්පජානො”ති. එතමත්ථං භගවා අවොච. තත්ථෙතං ඉති වුච්චති —

“ධම්මාරාමො ධම්මරතො, ධම්මං අනුච්චිත්තයං;
ධම්මං අනුස්සරං භික්ඛු, සද්ධම්මා න පරිභායති.

“චරං වා යදි වා තිට්ඨං, නිසිත්තො උද වා සයං;
අප්ඤ්ඤාතං සමයං විත්තං, සන්තිමෙවාධිගච්ඡති”ති.

අයම්පි අත්ථො වුත්තො භගවතා, ඉති මෙ සුතන්ති. සත්තමං.

8. අන්ධකරණසුත්තං

87. වුත්තඤ්ඤෙතං භගවතා, වුත්තමරහතාති මෙ සුතං —

“තයොමෙ, භික්ඛවෙ, අකුසලවිතක්කා අන්ධකරණා අවක්ඛකරණා අඤ්ඤාණකරණා පඤ්ඤානිරොධිකා විසාතපක්ඛිකා අනිබ්බානසංවත්තනිකා. කතමෙ තයො? කාමවිතක්කො, භික්ඛවෙ, අන්ධකරණො අවක්ඛකරණො අඤ්ඤාණකරණො පඤ්ඤානිරොධිකො විසාතපක්ඛිකො අනිබ්බානසංවත්තනිකො. ඛ්‍යාපාදවිතක්කො, භික්ඛවෙ, අන්ධකරණො අවක්ඛකරණො අඤ්ඤාණකරණො පඤ්ඤානිරොධිකො විසාතපක්ඛිකො අනිබ්බානසංවත්තනිකො. විහිංසාවිතක්කො, භික්ඛවෙ, අන්ධකරණො අවක්ඛකරණො අඤ්ඤාණකරණො පඤ්ඤානිරොධිකො විසාතපක්ඛිකො අනිබ්බානසංවත්තනිකො. ඉමෙ ඛො, භික්ඛවෙ, තයො අකුසලවිතක්කා අන්ධකරණා අවක්ඛකරණා අඤ්ඤාණකරණා පඤ්ඤානිරොධිකා විසාතපක්ඛිකා අනිබ්බානසංවත්තනිකා.

“තයොමෙ, භික්ඛවෙ, කුසලවිතක්කා අනන්ධකරණා චක්ඛකරණා ඤාණකරණා පඤ්ඤාචුද්ධිකා අවිසාතපක්ඛිකා නිබ්බානසංවත්තනිකා. කතමෙ තයො? නෙක්ඛම්මවිතක්කො, භික්ඛවෙ, අනන්ධකරණො චක්ඛකරණො ඤාණකරණො පඤ්ඤාචුද්ධිකො අවිසාතපක්ඛිකො නිබ්බානසංවත්තනිකො. අඛ්‍යාපාදවිතක්කො, භික්ඛවෙ, අනන්ධකරණො චක්ඛකරණො ඤාණකරණො පඤ්ඤාචුද්ධිකො අවිසාතපක්ඛිකො නිබ්බානසංවත්තනිකො. අවිහිංසාවිතක්කො, භික්ඛවෙ, අනන්ධකරණො චක්ඛකරණො ඤාණකරණො පඤ්ඤාචුද්ධිකො අවිසාතපක්ඛිකො නිබ්බානසංවත්තනිකො. ඉමෙ ඛො, භික්ඛවෙ, තයො කුසලවිතක්කා අනන්ධකරණා චක්ඛකරණා ඤාණකරණො පඤ්ඤාචුද්ධිකා අවිසාතපක්ඛිකා

නිබ්බානසංවත්තනිකා’’ති. එතමත්ථං භගවා අවොච. තත්ථෙතං ඉති වුච්චති

—

“තයො විතක්කෙ කුසලෙ විතක්කයෙ, තයො පන අකුසලෙ නිරාකරෙ;

ස වෙ විතක්කානි විචාරිතානි, සමෙති වුට්ඨිව රජං සමුහතං;

ස වෙ විතක්කුපසමෙන චෙතසා, ඉධෙව යො සන්තිපදං සමජ්ඣගා’’ති.

අයම්පි අත්ථො වුත්තො භගවතා, ඉති මෙ සුතන්ති. අට්ඨමං.

9. අන්තරාමලසුත්තං

88. වුත්තඤ්ඤෙතං භගවතා, වුත්තමරහතාති මෙ සුතං —

“තයොමෙ, භික්ඛවෙ, අන්තරාමලා අන්තරාඅමිත්තා අන්තරාසපත්තා අන්තරාවධකා අන්තරාපච්චත්ථිකා. කතමෙ තයො? ලොභො, භික්ඛවෙ, අන්තරාමලො අන්තරාඅමිත්තො අන්තරාසපත්තො අන්තරාවධකො අන්තරාපච්චත්ථිකො. දොසො, භික්ඛවෙ, අන්තරාමලො අන්තරාඅමිත්තො අන්තරාසපත්තො අන්තරාවධකො අන්තරාපච්චත්ථිකො. මොහො, භික්ඛවෙ, අන්තරාමලො අන්තරාඅමිත්තො අන්තරාසපත්තො අන්තරාවධකො අන්තරාපච්චත්ථිකො. ඉමෙ ඛො, භික්ඛවෙ, තයො අන්තරාමලා අන්තරාඅමිත්තා අන්තරාසපත්තා අන්තරාවධකා අන්තරාපච්චත්ථිකා’’ති. එතමත්ථං භගවා අවොච. තත්ථෙතං ඉති වුච්චති —

“අනත්ථජනනො ලොභො, ලොභො චිත්තජපකොපනො;
භයමන්තරතො ජාතං, තං ජනො නාවබුජ්ඣති.

“ලුද්ධො අත්ථං න ජානාති, ලුද්ධො ධම්මං න පස්සති;
අන්ධතමං [අන්ධං තමං (සි.)] තදා භොති, යං ලොභො සහතෙ නරං.

“යො ච ලොභං පහන්ත්වාන, ලොභනෙයො න ලුඛිහති;
ලොභො පභීයතෙ තම්හා, උද්ඛිත්ථුව පොක්ඛරා.

“අනත්ථජනනො දොසො, දොසො චිත්තජපකොපනො;
භයමන්තරතො ජාතං, තං ජනො නාවබුජ්ඣති.

“දුට්ඨො අත්ථං න ජානාති, දුට්ඨො ධම්මං න පස්සති;
අන්ධතමං තදා භොති, යං දොසො සහතෙ නරං.

“යො ච දොසං පහන්ත්වාන, දොසනෙයො න දුස්සති;
දොසො පභීයතෙ තම්හා, තාලපක්කංච ඛන්ධනා.

“අනත්ථජනනො මොහො, මොහො චිත්තජපකොපනො;

භයමන්තරතො ජාතං, තං ජනො නාවබුජ්ඣති.

“මුළුභො අත්ථං න ජානාති, මුළුභො ධම්මං න පස්සති;
අන්ධතමං තදා භොති, යං මොභො සහතෙ නරං.

“යො ච මොහං පහන්ත්වාන, මොහනෙයො න මුය්හති;
මොහං විහන්ති සො සබ්බං, ආදිච්චොවුදයං තම”න්ති.

අයම්පි අත්ථො වුත්තො භගවතා, ඉති මෙ සුතන්ති. නවමං.

10. දෙවදත්තසුත්තං

89. වුත්තඤ්ඤෙනං භගවතා, වුත්තමරහතාති මෙ සුතං –

“තීහි, භික්ඛවෙ, අසද්ධම්මෙහි අභිභූතො පරියාදින්නවිත්තො දෙවදත්තො ආපායිකො තෙරයිකො කප්පට්ඨො අතෙකිච්ඡො. කතමෙහි තීහි? පාපිච්ඡතාය, භික්ඛවෙ, අභිභූතො පරියාදින්නවිත්තො දෙවදත්තො ආපායිකො තෙරයිකො කප්පට්ඨො අතෙකිච්ඡො. පාපමිත්තතාය, භික්ඛවෙ, අභිභූතො පරියාදින්නවිත්තො දෙවදත්තො ආපායිකො තෙරයිකො කප්පට්ඨො අතෙකිච්ඡො. සති ඛො පන උත්තරිකරණීයෙ **[උත්තරිකරණීයෙ (සා.)]** ඔරමත්තකෙන විසෙසාධිගමෙන **[විසෙසාධිගමෙන ච (සා. පි.)]** අන්තරා වොසානං ආපාදි. ඉමෙහි ඛො, භික්ඛවෙ, තීහි අසද්ධම්මෙහි අභිභූතො පරියාදින්නවිත්තො දෙවදත්තො ආපායිකො තෙරයිකො කප්පට්ඨො අතෙකිච්ඡො”ති. එතමත්ථං භගවා අවොච. තත්ථෙතං ඉති වුච්චති –

“මා ජාතු කොචි ලොකස්මිං, පාපිච්ඡො උදපජ්ජථ;
තදම්නාපි ජානාථ, පාපිච්ඡානං යථා ගති.

“පණ්ඩිතොති සමඤ්ඤාතො, භාවිතත්තොති සම්මතො;
ජලංච යසසා අට්ඨා, දෙවදත්තොති විස්සුතො **[මෙ සුතං (පාළියං)]**.

“සො පමාණමනුච්ඡිණ්ණො **[පමාදමනුච්ඡිණ්ණො (ක. පි. සා. පි.), සමානමනුච්ඡිණ්ණො (අට්ඨ.)]**, ආසජ්ජ නං තථාගතං;
අවිචිතිරයං පත්තො, චතුර්වාරං භයානකං.

“අදුට්ඨස්ස හි යො දුබ්බෙ, පාපකම්මං අකුබ්බතො;
තමෙව පාපං චුසති **[චුස්සෙති (සා.)]**, දුට්ඨවිත්තං අනාදරං.

“සමුද්දං විසකුම්භෙන, යො මඤ්ඤෙයො පදුසිතුං;
න සො තෙන පදුසෙයො, හෙස්මා හි උදධි මහා.

“එවමෙව **[එවමෙතං (සා.)]** තථාගතං, යො වාදෙන විහිංසති;

සම්මග්ගතං [සමග්ගතං (සී. ක.)] සන්තචිත්තං, වාදො තම්භි න රුහති.

“තාදිසං මිත්තං කුබ්බෙථ, තඤ්ච සෙවෙය්‍ය පණ්ඩිතො;
යස්ස මග්ගානුගො භික්ඛු, ඛයං දුක්ඛස්ස පාපුණො”ති.

අයම්පි අත්ථො වුත්තො භගවතා, ඉති මෙ සුතන්ති. දසමං.

චතුත්ථො වග්ගො නිට්ඨිතො.

තස්සුද්දානං —

විතක්කාසක්කාරසද්ද, චචනලොකෙ අසුභං;
ධම්මඅන්ධකාරමලං, දෙවදත්තෙන තෙ දසාති.

5. පඤ්චමවග්ගො

1. අග්ගප්පසාදසුත්තං

90. වුත්තඤ්ඤෙතං භගවතා, වුත්තමරහතාති මෙ සුතං —

“තයොමෙ, භික්ඛවෙ, අග්ගප්පසාදා. කතමෙ තයො? යාවතා, භික්ඛවෙ, සත්තා අපදා වා ද්විපදා වා චතුප්පදා වා ඛුප්පදා [ඛුප්පදා (ක.)] වා රුපිනො වා අරුපිනො වා සඤ්ඤිතො වා අසඤ්ඤිතො වා නෙවසඤ්ඤිතාසඤ්ඤිතො වා, තථාගතො තෙසං අග්ගමක්ඛායති අරහං සම්මාසම්බුද්ධො. යෙ, භික්ඛවෙ, බුද්ධෙ පසන්නා, අග්ගෙ තෙ පසන්නා. අග්ගෙ ඛො පන පසන්නානං අග්ගො විපාකො හොති.

“යාවතා, භික්ඛවෙ, ධම්මා සඪ්ඛතා වා අසඪ්ඛතා වා, විරාගො තෙසං අග්ගමක්ඛායති, යදිදං මදනිමිදනො පිපාසවිතයො ආලයසමුග්ගිකානො වට්ඨපච්ඡෙදො තණ්හක්ඛයො විරාගො නිරොධො නිබ්බානං. යෙ, භික්ඛවෙ, විරාගෙ ධම්මෙ පසන්නා, අග්ගෙ තෙ පසන්නා. අග්ගෙ ඛො පන පසන්නානං අග්ගො විපාකො හොති.

“යාවතා, භික්ඛවෙ, සඪ්ඝා වා ගණා වා, තථාගතසාවකසඪ්ඝො තෙසං අග්ගමක්ඛායති, යදිදං චත්තාරි පුරිසයුගානි අට්ඨ පුරිසපුග්ගලා එස භගවතො සාවකසඪ්ඝො ආහුනෙය්‍යා පාහුනෙය්‍යා දක්ඛිණෙය්‍යා අඤ්ජලිකරණීයො අනුත්තරං පුඤ්ඤක්ඛෙත්තං ලොකස්ස. යෙ, භික්ඛවෙ, සඪ්ඝෙ පසන්නා, අග්ගෙ තෙ පසන්නා. අග්ගෙ ඛො පන පසන්නානං අග්ගො විපාකො හොති. ඉමෙ ඛො, භික්ඛවෙ, තයො අග්ගප්පසාදා”ති. එතමත්ථං භගවා අවොච. තත්ථෙතං ඉති වුච්චති —

“අග්ගතො වෙ පසන්නානං, අග්ගං ධම්මං විජානනං;
අග්ගෙ බුද්ධෙ පසන්නානං, දක්ඛිණෙය්‍යා අනුත්තරෙ.

“අග්ගෙ ධම්මෙ පසන්නානං, විරාගූපසමෙ සුඛෙ;
අග්ගෙ සඨසෙ පසන්නානං, පුඤ්ඤක්ඛේත්තෙ අනුත්තරෙ.

“අග්ගස්මිං දානං දදන්, අග්ගං පුඤ්ඤං පවඩ්ඪති;
අග්ගං ආයු ව චණ්ණො ව, යසො කිත්ති සුඛං බලං.

“අග්ගස්ස දාතා මෙධාවී, අග්ගධම්මසමාහිතො;
දෙවභූතො මනුස්සො වා, අග්ගජ්ජත්තො පමොදති”ති.

අයම්පි අත්ථො වුත්තො භගවතා, ඉති මෙ සුත්තති. පයමං.

2. ජීවිකසුත්තං

91. වුත්තඤ්ඤෙතං භගවතා, වුත්තමරහතාති මෙ සුත්තං –

“අන්තම්දං, භික්ඛවෙ, ජීවිකානං යදිදං පිණ්ඩොලාං. අභිසාපොයං
[අභිසාපොයං (සී.), අභිලාපොයං (සා. පී.), අභිසපොයං (ක.)], භික්ඛවෙ,
ලොකස්මිං – ‘පිණ්ඩොලො විචරසි පත්තපාණි’ති. තඤ්ච ඛො එතං,
භික්ඛවෙ, කුලපුත්තා උපෙන්නි අත්ථවසිකා, අත්ථවසං පටිච්ච; නෙව
රාජාහිනිතා, න වොරාහිනිතා, න ඉණ්ටා, න භයට්ඨා, න ආජීවිකාපකතා.
අපි ව ඛො ‘ඔතිණ්ණමහා ජාතියා ජරාය මරණෙන සොකෙහි පරිදෙවෙහි
දුක්ඛෙහි දොමනස්සෙහි උපායාසෙහි දුක්ඛොතිණ්ණා දුක්ඛපරෙතා, අජ්ජෙව
නාම ඉමස්ස කෙවලස්ස දුක්ඛක්ඛන්ධස්ස අන්තකිරියා පඤ්ඤායෙථා’ති.
එවං පබ්බජිතො වායං, භික්ඛවෙ, කුලපුත්තො සො ව භොති අභිජ්ඣාලු
කාමෙසු තිබ්බසාරාගො, බ්‍යාපන්නචිත්තො පදුට්ඨමනසධිකජ්ජො,
මුට්ඨස්සති අසම්පජානො අසමාහිතො විබ්භන්තචිත්තො පාකතින්ද්‍රියො.
සෙය්‍යථාපි, භික්ඛවෙ, ඡවාලාතං උභතොපදිත්තං මජ්ඣෙ ගුරුතං නෙව
ගාමෙ කට්ඨත්ථං එරති න අරඤ්ඤො: තපුපමාහං, භික්ඛවෙ, ඉමං පුග්ගලං
වදාමි ගිහිභොගා පරිහිතො සාමඤ්ඤත්ථඤ්ච න පරිපුරෙති”ති. එතමත්ථං
භගවා අවොච. තත්ථෙතං ඉති වුච්චති –

“ගිහිභොගා පරිහිතො, සාමඤ්ඤත්ථඤ්ච දුබ්භගො;
පරිධංසමානො පකිරෙති, ඡවාලාතංව නස්සති.

“කාසාවකණ්ඨා බහවො, පාපධම්මා අසඤ්ඤතා;
පාපා පාපෙහි කම්මෙහි, නිරයං තෙ උපපජ්ජරෙ.

“සෙය්‍යො අයොගුලො භුත්තො, තත්තො අග්ගිසිඛුපමො;
යඤ්චෙ භුඤ්ඤෙය්‍ය දුස්සිලො, රට්ඨපිණ්ඩමසඤ්ඤතො”ති.

අයම්පි අත්ථො වුත්තො භගවතා, ඉති මෙ සුත්තති. දුතියං.

3. සඨසාරිකණ්ණසුත්තං

92. වුත්තඤ්ඤෙතං භගවතා, වුත්තමරහතාති මෙ සුතං —

“සඨසාරිකණ්ණෙ වෙපි, භික්ඛවෙ, භික්ඛු ගහෙත්වා පිට්ඨිතො පිට්ඨිතො අනුබන්ධො අස්ස පාදෙ පාදං නික්ඛිපන්තො, සො ච හොති අභිජ්ඣාලු කාමෙසු තිබ්බසාරාගො ඛ්‍යාපන්නවිත්තො පදුට්ඨමනසඨකජ්ජො මුට්ඨස්සති අසම්පජානො අසමාහිතො විබ්භන්තවිත්තො පාකතින්ද්‍රියො; අථ ඛො සො ආරකාව මය්හං, අහඤ්ච තස්ස. තං කිස්ස හෙතු? ධම්මඤ්ඤි සො, භික්ඛවෙ, භික්ඛු න පස්සති. ධම්මං අපස්සන්තො න මං පස්සති [මං න පස්සති (සායා.)].

“යොජනසතෙ වෙපි සො, භික්ඛවෙ, භික්ඛු විහරෙය්‍යා. සො ච හොති අනභිජ්ඣාලු කාමෙසු න තිබ්බසාරාගො අඛ්‍යාපන්නවිත්තො අපදුට්ඨමනසඨකජ්ජො උපට්ඨිතස්සති සම්පජානො සමාහිතො එකග්ගවිත්තො සංවුත්තින්ද්‍රියො; අථ ඛො සො සන්තිකෙව මය්හං, අහඤ්ච තස්ස. තං කිස්ස හෙතු? ධම්මං හි සො, භික්ඛවෙ, භික්ඛු පස්සති; ධම්මං පස්සන්තො මං පස්සති”ති. එතමත්ථං භගවා අවොච. තත්ථෙතං ඉති වුච්චති

—

“අනුබන්ධොපි වෙ අස්ස, මහිවිජො ච විසාතවා;
එජානුගො අනෙජස්ස, නිබ්බුතස්ස අනිබ්බුතො;
ගිද්ධො සො චිතගෙධස්ස, පස්ස යාවඤ්ච ආරකා.

“යො ච ධම්මමභිඤ්ඤාය, ධම්මමඤ්ඤාය පණ්ඩිතො;
රහදොච නිවාතෙ ච, අනෙජො වුපසම්මති.

“අනෙජො සො අනෙජස්ස, නිබ්බුතස්ස ච නිබ්බුතො;
අගිද්ධො චිතගෙධස්ස, පස්ස යාවඤ්ච සන්තිකෙ”ති.

අයම්පි අත්ථො වුත්තො භගවතා, ඉති මෙ සුතන්ති. තතියං.

4. අග්ගිසුත්තං

93. වුත්තඤ්ඤෙතං භගවතා, වුත්තමරහතාති මෙ සුතං —

“තයොමෙ, භික්ඛවෙ, අග්ගී. කතමෙ තයො? රාගග්ගි, දොසග්ගි, මොහග්ගි — ඉමෙ ඛො, භික්ඛවෙ, තයො අග්ගී”ති. එතමත්ථං භගවා අවොච. තත්ථෙතං ඉති වුච්චති —

“රාගග්ගි දහති මච්චෙ, රත්තෙ කාමෙසු මුච්ඡිතෙ;
දොසග්ගි පන ඛ්‍යාපන්නෙ, නරෙ පාණාතිපාතිතො.

“මොහග්ගි පන සම්මුළ්ලේහෙ, අරියධම්මෙ අකොච්ඤ්ඤා;

එතෙ අග්ගි අජානන්තා, සක්කායාභිරතා පජා.

“තෙ වඩ්ඪයන්ති නිරයං, තිරච්ඡානඤ්ච යොනියො;
අසුරං පෙත්තිවිසයං, අමුත්තා මාරබන්ධනා.

“යෙ ච රත්තින්දිවා යුත්තා, සම්මාසම්බුද්ධසාසනෙ;
තෙ නිබ්බාපෙත්ති රාගග්ගිං, නිච්චං අසුභසඤ්ඤිනො.

“දොසග්ගිං පන මෙත්තාය, නිබ්බාපෙත්ති නරුත්තමා;
මොහග්ගිං පන පඤ්ඤාය, යායං නිබ්බේධගාමිනී.

“තෙ නිබ්බාපෙත්වා නිපකා, රත්තින්දිවමනන්දිනා;
අසෙසං පරිනිබ්බන්ති, අසෙසං දුක්ඛමච්චගුං.

“අරියද්දසා වෙදගුනො, සම්මදඤ්ඤාය පණ්ඩිතා;
ජාතික්ඛයමභිඤ්ඤාය, නාගච්ඡන්ති පුනඛභව”ති.

අයම්පි අත්ථො වුත්තො භගවතා, ඉති මෙ සුතන්ති. චතුත්ථං.

5. උපපරික්ඛසුත්තං

94. වුත්තඤ්ඤෙතං භගවතා, වුත්තමරහතාති මෙ සුතං -

“තථා තථා, භික්ඛවෙ, භික්ඛු උපපරික්ඛෙය්‍ය යථා යථාස්ස [යථා යථා (බහුසු)] උපපරික්ඛතො බහිද්ධා වස්ස විඤ්ඤාණං අවික්ඛිත්තං අවිසංඝං අජ්ඣත්තං අසංඝයිතං අනුපාදාය න පරිතස්සෙය්‍ය. බහිද්ධා, භික්ඛවෙ, විඤ්ඤාණං අවික්ඛිත්තං අවිසංඝං සති අජ්ඣත්තං අසංඝයිතං අනුපාදාය අපරිතස්සතො ආයතිං ජාතිජරාමරණදුක්ඛසමුදයසම්භවො න භොති”ති. එතමත්ථං භගවා අවොච. තත්ථෙතං ඉති වුච්චති -

“සත්තසංඛගජ්ජනස්ස, නෙත්තිවිජිත්තස්ස භික්ඛුනො;
වික්ඛිණො ජාතිසංසාරො, නත්ථි තස්ස පුනඛභවො”ති.

අයම්පි අත්ථො වුත්තො භගවතා, ඉති මෙ සුතන්ති. පඤ්චමං.

6. කාමුපපත්තිසුත්තං

95. වුත්තඤ්ඤෙතං භගවතා, වුත්තමරහතාති මෙ සුතං -

“තිස්සො ඉමා, භික්ඛවෙ, කාමුපපත්තියො [කාමුපපත්තියො (සී.)]. කතමා තිස්සො? පච්චුප්පට්ඨිකකාමා, නිමමානරතිනො, පරනිමිත්තවසවත්තිනො - ඉමා ඛො, භික්ඛවෙ, තිස්සො කාමුපපත්තියො”ති. එතමත්ථං භගවා අවොච. තත්ථෙතං ඉති වුච්චති -

“පච්චුප්පට්ඨිකකාමා ච, යෙ දෙවා වසවත්තිනො;

නිම්මානරතිනො දෙවා, යෙ වඤ්ඤෙ කාමභොගිනො;
ඉත්ථභාවඤ්ඤථාභාවං, සංසාරං නාතිවත්තරෙ.

“එතමාදීනවං ඤත්වා, කාමභොගෙසු පණ්ඩිතො;
සබ්බෙ පරිච්චජෙ කාමෙ, යෙ දිබ්බා යෙ ච මානුසා.

“පියරූපසාතගධිතං, ඡෙත්වා සොතං දුරච්චයං;
අසෙසං පරිනිබ්බන්ති, අසෙසං දුක්ඛමච්චගුං.

“අරියද්දසා වෙදගුනො, සම්මදඤ්ඤාය පණ්ඩිතා;
ජාතික්ඛයමභිඤ්ඤාය, නාගච්ඡන්ති පුනඛිහව”න්ති.

අයම්පි අත්ථො වුත්තො භගවතා, ඉති මෙ සුතන්ති. ඡට්ඨං.

7. කාමයොගයුත්තං

96. වුත්තඤ්ඤෙතං භගවතා, වුත්තමරහතාති මෙ සුතං -

“කාමයොගයුත්තො, භික්ඛවෙ, භවයොගයුත්තො ආගාමී හොති ආගන්තා [ආගන්ත්වා (සා. ක.)] ඉත්ථත්තං. කාමයොගච්ඡයුත්තො, භික්ඛවෙ, භවයොගයුත්තො අනාගාමී හොති අනාගන්තා ඉත්ථත්තං. කාමයොගච්ඡයුත්තො, භික්ඛවෙ, භවයොගච්ඡයුත්තො අරහා හොති, ඛිණ්ණසවො”ති. එතමත්ථං භගවා අවොච. තත්ථෙතං ඉති වුච්චති -

“කාමයොගෙන සංයුත්තා, භවයොගෙන වුභයං;
සත්තා ගච්ඡන්ති සංසාරං, ජාතිමරණගාමිනො.

“යෙ ච කාමෙ පහන්ත්වාන, අප්පත්තා ආසවක්ඛයං;
භවයොගෙන සංයුත්තා, අනාගාමීති වුච්චරෙ.

“යෙ ච බො ඡින්නසංසයා, ඛිණ්ණමානපුනඛිහවා;
තෙ වෙ පාරභිගතා ලොකෙ, යෙ පත්තා ආසවක්ඛය”න්ති.

අයම්පි අත්ථො වුත්තො භගවතා, ඉති මෙ සුතන්ති. සත්තමං.

8. කල්‍යාණසීලයුත්තං

97. වුත්තඤ්ඤෙතං භගවතා, වුත්තමරහතාති මෙ සුතං -

“කල්‍යාණසීලො, භික්ඛවෙ, භික්ඛු කල්‍යාණධම්මො කල්‍යාණපඤ්ඤො ඉමස්මිං ධම්මචිනයෙ ‘කෙවලී වුසිතවා උත්තමපුරිසො’ති වුච්චති -

“කථඤ්ච, භික්ඛවෙ, භික්ඛු කල්‍යාණසීලො හොති? ඉධ, භික්ඛවෙ, භික්ඛු සීලවා හොති, පාතිමොක්ඛසංවරසංවුතො විහරති, ආචාරගොචරසම්පන්නො අණුමත්තෙසු වජ්ජෙසු භයදස්සාවී, සමාදාය

සික්ඛති සික්ඛාපදෙසු. එවං බො, භික්ඛවෙ, භික්ඛු කල්‍යාණසීලො හොති. ඉති කල්‍යාණසීලො.

“කල්‍යාණධම්මො ච කථං හොති? ඉධ, භික්ඛවෙ, භික්ඛු සත්තන්තං බොධිපක්ඛියානං ධම්මානං භාවනානුයොගමනුයුත්තො විහරති. එවං බො, භික්ඛවෙ, භික්ඛු කල්‍යාණධම්මො හොති. ඉති කල්‍යාණසීලො, කල්‍යාණධම්මො.

“කල්‍යාණපඤ්ඤා ච කථං හොති? ඉධ, භික්ඛවෙ, භික්ඛු ආසවානං බයා අනාසවං වෙතොවිමුත්තිං පඤ්ඤාවිමුත්තිං දිට්ඨෙව ධම්මෙ සයං අභිඤ්ඤා සවිජ්ඣන්තවා උපසම්පජ්ජ විහරති. එවං බො, භික්ඛවෙ, භික්ඛු කල්‍යාණපඤ්ඤා හොති.

“ඉති කල්‍යාණසීලො කල්‍යාණධම්මො කල්‍යාණපඤ්ඤා ඉමස්මිං ධම්මවිනයෙ ‘කෙවලී වුසිතවා උත්තමපුරිසො’ති වුවිච්ඡි”ති. එතමත්ථං භගවා අවොච. තත්ථෙතං ඉති වුවිච්ඡි –

“යස්ස කායෙන වාචාය, මනසා නත්ථි දුක්ඛං;
තං වෙ කල්‍යාණසීලොති, ආහු භික්ඛුං භිරිමනං [භිරිමනං (සා. ක.)].

“යස්ස ධම්මා සුභාවිතා, සත්ත [පත්ත (සබ්බත්ථ)]
සම්බොධිගාමිනො;
තං වෙ කල්‍යාණධම්මොති, ආහු භික්ඛුං අනුස්සදං.

“යො දුක්ඛස්ස පජානාති, ඉධෙව බයමත්තනො;
තං වෙ කල්‍යාණපඤ්ඤාති, ආහු භික්ඛුං අනාසවං.

“තෙහි ධම්මෙහි සම්පන්නං, අනිසං ඡින්නසංසයං;
අසිතං සබ්බලොකස්ස, ආහු සබ්බපහායින”න්ති.

අයම්පි අත්ථො වුත්තො භගවතා, ඉති මෙ සුතන්ති. අට්ඨමං.

9. දානසුත්තං

98. වුත්තඤ්ඤෙතං භගවතා, වුත්තමරහතාති මෙ සුතං –

“ද්වෙමානි, භික්ඛවෙ, දානානි – ආමිසදානඤ්ඤං ධම්මදානඤ්ඤං. එතදග්ගං, භික්ඛවෙ, ඉමෙසං ද්විත්තං දානානං යදිදං – ධම්මදානං.

“ද්වෙමෙ, භික්ඛවෙ, සංවිභාගා – ආමිසසංවිභාගො ච ධම්මසංවිභාගො ච. එතදග්ගං, භික්ඛවෙ, ඉමෙසං ද්විත්තං සංවිභාගානං යදිදං – ධම්මසංවිභාගො.

“ද්වෙමෙ, භික්ඛවෙ, අනුග්ගහා – ආමිසානුග්ගහො ව ධම්මානුග්ගහො ව. එතදග්ගං, භික්ඛවෙ, ඉමෙසං ද්විත්තං අනුග්ගහානං යදිදං – ධම්මානුග්ගහො”ති. එතමත්ථං භගවා අවොච. තත්ථෙතං ඉති වුච්චති –

“යමාහු දානං පරමං අනුත්තරං, යං සංවිභාගං භගවා අවණ්ණයි [අවණ්ණයි (සී.)];

අග්ගමිහි බෙත්තමිහි පසන්නචිත්තො, විඤ්ඤා පජානං කො න යජෙථ කාලෙ.

“යෙ වෙච භාසන්ති සුණන්ති වුභයං, පසන්නචිත්තා සුගතස්ස සාසනෙ;

තෙසං සො අත්ථො පරමො විසුජ්ඣති, යෙ අප්පමත්තා සුගතස්ස සාසනෙ”ති.

අයමිපි අත්ථො වුත්තො භගවතා, ඉති මෙ සුතන්ති. නවමං.

10. තෙවිජ්ජසුත්තං

99. වුත්තඤ්ඤෙතං භගවතා, වුත්තමරහතාති මෙ සුතං –

“ධම්මෙනාහං, භික්ඛවෙ, තෙවිජ්ජං බ්‍රාහ්මණං පඤ්ඤාපෙමි, නාඤ්ඤං ලපිතලාපනමත්තෙන.

“කථඤ්ඤාහං, භික්ඛවෙ, ධම්මෙන තෙවිජ්ජං බ්‍රාහ්මණං පඤ්ඤාපෙමි, නාඤ්ඤං ලපිතලාපනමත්තෙන? ඉධ, භික්ඛවෙ, භික්ඛු අනෙකච්ඡිතං පුබ්බෙතිවාසං අනුස්සරති, සෙය්‍යාදිදං – එකමිපි ජාතිං ද්වෙපි ජාතියො තිස්සොපි ජාතියො චතස්සොපි ජාතියො පඤ්චපි ජාතියො දසපි ජාතියො විසමිපි ජාතියො තිංසමිපි ජාතියො චත්තාරිසමිපි ජාතියො පඤ්ඤාසමිපි ජාතියො ජාතිසතමිපි ජාතිසහස්සමිපි ජාතිසතසහස්සමිපි අනෙකෙපි සංවට්ටකජ්ජෙ අනෙකෙපි විවට්ටකජ්ජෙ අනෙකෙපි සංවට්ටවිවට්ටකජ්ජෙ – ‘අමුත්‍රාසිං එවංනාමො එවංගොත්තො එවංචණ්ණො එවමාහාරො එවංසුබ්බුක්ඛජ්ජපට්ඨංවෙදී එවමායුපරියන්තො. සො තතො වුතො අමුත්‍ර උදපාදිං. තත්‍රාපාසිං එවංනාමො එවංගොත්තො එවංචණ්ණො එවමාහාරො එවංසුබ්බුක්ඛජ්ජපට්ඨංවෙදී එවමායුපරියන්තො. සො තතො වුතො ඉධුපපන්නො’ති. ඉති සාකාරං සඋද්දෙසං අනෙකච්ඡිතං පුබ්බෙතිවාසං අනුස්සරති. අයමස්ස පඨමා විජ්ජා අධිගතා හොති, අවිජ්ජා විහතා, විජ්ජා උප්පන්නා, තමො විහතො, ආලොකො උප්පන්නො, යථා තං අප්පමත්තස්ස ආතාපිතො පහිත්තස්ස විහරතො.

“පුත වපරං, භික්ඛවෙ, භික්ඛු දිබ්බෙන චක්ඛුනා විසුද්ධෙන අතික්කන්තමානුසකෙන සත්තෙ පස්සති වචමානෙ උපපජ්ජමානෙ හීනෙ පණීනෙ සුවණ්ණෙ දුබ්බණ්ණෙ, සුගතෙ දුග්ගතෙ යථාකම්මුපගෙ සත්තෙ පජානාති – ‘ඉමෙ චත හොත්තො සත්තා කායදුච්චරිතෙන සමන්නාගතා

වච්ඡවචරිතෙන සමන්තාගතා මනොදුච්චරිතෙන සමන්තාගතා අරියානං උපවාදකා මිච්ඡාදිට්ඨිකා මිච්ඡාදිට්ඨිකම්මසමාදානා. තෙ කායස්ස හෙදා පරං මරණා අපායං දුග්ගතිං විනිපාතං නිරයං උපපන්නා. ඉමෙ වා පන හොත්තො සත්තා කායසුචරිතෙන සමන්තාගතා වච්ඡවචරිතෙන සමන්තාගතා මනොසුචරිතෙන සමන්තාගතා අරියානං අනුපවාදකා සම්මාදිට්ඨිකා සම්මාදිට්ඨිකම්මසමාදානා. තෙ කායස්ස හෙදා පරං මරණා සුගතිං සග්ගං ලොකං උපපන්නා'ති. ඉති දිබ්බෙන චක්ඛුනා විසුද්ධෙන අතික්කන්තමානුසකෙන සත්තෙ පස්සති වචමානෙ උපපජ්ජමානෙ භීතෙ පණීතෙ සුවණ්ණෙ දුබ්බණ්ණෙ, සුගතෙ දුග්ගතෙ යථාකම්මුපගෙ සත්තෙ පජානාති. අයමස්ස දුතියා විජ්ජා අධිගතා හොති, අවිජ්ජා විහතා, විජ්ජා උප්පන්නා, තමො විහතො, ආලොකො උප්පන්නො, යථා තං අප්පමත්තස්ස ආතාපිතො පහිත්තස්ස විහරතො.

“පුන වපරං, භික්ඛවෙ, භික්ඛු ආසවානං ඛයා අනාසවං වෙතොවිමුත්තිං පඤ්ඤාවිමුත්තිං දිට්ඨෙව ධම්මෙ සයං අභිඤ්ඤා සච්ඡිකත්වා උපසම්පජ්ජ විහරති. අයමස්ස තතියා විජ්ජා අධිගතා හොති, අවිජ්ජා විහතා, විජ්ජා උප්පන්නා, තමො විහතො, ආලොකො උප්පන්නො, යථා තං අප්පමත්තස්ස ආතාපිතො පහිත්තස්ස විහරතො. එවං ඛො අහං, භික්ඛවෙ, ධම්මෙන තෙවිජ්ජං බ්‍රාහ්මණං පඤ්ඤාපෙම්, නාඤ්ඤං ලපිතලාපනමත්තෙනා”ති. එතමත්ථං භගවා අවොච. තත්ථෙතං ඉති වුච්චති –

“පුබ්බෙනිවාසං යොවෙදි **[යොවෙදි (සබ්බත්ථ)]**, සග්ගාපායඤ්ච පස්සති;
අථො **[අථ (සා. ක.)]** ජාතික්ඛයං පත්තො, අභිඤ්ඤාවොසිතො මුනි.

“එතාහි තීහි විජ්ජාහි, තෙවිජ්ජො හොති බ්‍රාහ්මණො;
තමහං වදාමි තෙවිජ්ජං, නාඤ්ඤං ලපිතලාපන”න්ති.

අයම්පි අත්ථො වුත්තො භගවතා, ඉති මෙ සුතන්ති. දසමං.

පඤ්චමො වග්ගො නිට්ඨිතො.

තස්සුද්දානං –

පසාද ජීවිත සඬ්ඝාටි, අග්ගි උපපරික්ඛයා;
උපපත්ති **[උප්පත්ති (සි.)]** කාම කල්‍යාණං, දානං ධම්මෙන තෙ දසාති.

තික්කනිපාතො නිට්ඨිතො.

4. චතුක්කනිපාතො

1. බ්‍රාහ්මණධම්මයාගසුත්තං

100. වුත්තඤ්ඤෙතං භගවතා, වුත්තමරහතාති මෙ සුතං -

“අභමස්මි, භික්ඛවෙ, බ්‍රාහ්මණො යාවයොගො සදා පයතපාණි [පයතපාණි (සී. සා.)] අන්තිමදෙහධරො අනුත්තරො භිසක්කො සල්ලකත්තො. තස්ස මෙ තුම්භෙ පුත්තා ධරසා මුඛතො ජාතා ධම්මජා ධම්මනිම්මිතා ධම්මදායාදා, නො ආමිසදායාදා.

“ද්වෙමානි, භික්ඛවෙ, දානානි - ආමිසදානඤ්ච ධම්මදානඤ්ච. එතදග්ගං, භික්ඛවෙ, ඉමෙසං ද්විත්තං දානානං යදිදං - ධම්මදානං.

“ද්වෙමෙ, භික්ඛවෙ, සංවිභාගා - ආමිසසංවිභාගො ච ධම්මසංවිභාගො ච. එතදග්ගං, භික්ඛවෙ, ඉමෙසං ද්විත්තං සංවිභාගානං යදිදං - ධම්මසංවිභාගො.

“ද්වෙමෙ, භික්ඛවෙ, අනුග්ගහා - ආමිසානුග්ගහො ච ධම්මානුග්ගහො ච. එතදග්ගං, භික්ඛවෙ, ඉමෙසං ද්විත්තං අනුග්ගහානං යදිදං - ධම්මානුග්ගහො.

“ද්වෙමෙ, භික්ඛවෙ, යාගා - ආමිසයාගො ච ධම්මයාගො ච. එතදග්ගං, භික්ඛවෙ, ඉමෙසං ද්විත්තං යාගානං යදිදං - ධම්මයාගො”ති. එතමත්ථං භගවා අවොච. තත්ථෙතං ඉති වුච්චති -

“යො ධම්මයාගං අයජී අමච්ඡරී, තථාගතො සබ්බභූතානුකම්පී [සබ්බසත්තානුකම්පී (සා.) අට්ඨකථායම්පි];
තං තාදිසං දෙවමනුස්සසෙට්ඨං, සත්තා නමස්සන්ති භවස්ස පාරගු”ත්ති.

අයම්පි අත්ථො වුත්තො භගවතා, ඉති මෙ සුතන්ති. පයමං.

2. සුලභසුත්තං

101. වුත්තඤ්ඤෙතං භගවතා, වුත්තමරහතාති මෙ සුතං -

“චත්තාරිමානි, භික්ඛවෙ, අප්පානි වෙච සුලභානි ච, තානි ච අනවජ්ජානි. කතමානි චත්තාරි? පංසුකුලං, භික්ඛවෙ, වීචරානං අප්පඤ්ච සුලභඤ්ච, තඤ්ච අනවජ්ජං. පිණ්ඩියාලොපො, භික්ඛවෙ, භොජනානං අප්පඤ්ච සුලභඤ්ච, තඤ්ච අනවජ්ජං. රුක්ඛමූලං, භික්ඛවෙ, සෙනාසනානං අප්පඤ්ච සුලභඤ්ච, තඤ්ච අනවජ්ජං. පුතිමුත්තං, භික්ඛවෙ, භෙසජ්ජානං අප්පඤ්ච සුලභඤ්ච තඤ්ච අනවජ්ජං. ඉමානි ඛො, භික්ඛවෙ, චත්තාරි අප්පානි වෙච සුලභානි ච, තානි ච අනවජ්ජානි. යතො ඛො, භික්ඛවෙ, භික්ඛු

අප්පෙන ච තුට්ඨො හොති සුලභෙන ච (අනවජ්ජෙන ච) [(...) නත්ථි සී. පී. ක. පොත්ථකෙසු ච අභිගුත්තරෙ ච], ඉමස්සාහං අඤ්ඤතරං සාමඤ්ඤධගන්ති වදාමි”ති. එතමත්ථං භගවා අවොච. තත්ථෙතං ඉති වුච්චති –

“අනවජ්ජෙන තුට්ඨස්ස, අප්පෙන සුලභෙන ච;
න සෙනාසනමාරභිහ, වීචරං පානභොජනං;
විසාතො හොති චිත්තස්ස, දිසා නප්පට්ඨඤ්ඤති.

“යෙ වස්ස [යෙපස්ස (සායා.)] ධම්මා අක්ඛාතා,
සාමඤ්ඤස්සානුලොමිකා;
අධිග්ගහිතා තුට්ඨස්ස, අප්පමත්තස්ස භික්ඛුනො”ති [සික්ඛනොති (සී. ක.)].

අයම්පි අත්ථො වුත්තො භගවතා, ඉති මෙ සුතන්ති. දුතියං.

3. ආසවක්ඛයසුත්තං

102. වුත්තඤ්ඤෙනං භගවතා, වුත්තමරහතාති මෙ සුතං –

“ජානතොහං, භික්ඛවෙ, පස්සතො ආසවානං ඛයං වදාමි, නො අජානතො නො අපස්සතො. කිඤ්ච, භික්ඛවෙ, ජානතො, කිං පස්සතො ආසවානං ඛයො හොති? ඉදං දුක්ඛන්ති, භික්ඛවෙ, ජානතො පස්සතො ආසවානං ඛයො හොති. අයං දුක්ඛසමුදයොති, භික්ඛවෙ, ජානතො පස්සතො ආසවානං ඛයො හොති. අයං දුක්ඛනිරොධොති, භික්ඛවෙ, ජානතො පස්සතො ආසවානං ඛයො හොති. අයං දුක්ඛනිරොධගාමිනී පටිපදාති, භික්ඛවෙ, ජානතො පස්සතො ආසවානං ඛයො හොති. එවං ඛො, භික්ඛවෙ, ජානතො එවං පස්සතො ආසවානං ඛයො හොති”ති. එතමත්ථං භගවා අවොච. තත්ථෙතං ඉති වුච්චති –

“සෙඛස්ස සික්ඛමානස්ස, උජුමග්ගානුසාරිනො;
ඛයස්මිං පට්ඨං ඤාණං, තතො අඤ්ඤා අනන්තරා.

“තතො අඤ්ඤා විමුත්තස්ස, විමුත්තිඤ්ඤාණමුත්තමං;
උප්පජ්ජති ඛයෙ ඤාණං, ඛිණා සංයොජනා ඉති.

“න ත්වෙවිදං කුසිතෙන, බාලෙනමවිජානතා;
නිබ්බානං අධිගන්තබ්බං, සබ්බගන්ථප්පමොචන”න්ති.

අයම්පි අත්ථො වුත්තො භගවතා, ඉති මෙ සුතන්ති. තතියං.

4. සමණබ්‍රාහ්මණසුත්තං

103. වුත්තඤ්ඤෙනං භගවතා, වුත්තමරහතාති මෙ සුතං –

“යෙ හි කෙවි, හික්ඛවෙ, සමණා වා බ්‍රාහ්මණා වා ‘ඉදං දුක්ඛ’න්ති යථාභූතං නප්පජානන්ති; ‘අයං දුක්ඛසමුදයො’ති යථාභූතං නප්පජානන්ති; ‘අයං දුක්ඛනිරෝධො’ති යථාභූතං නප්පජානන්ති; ‘අයං දුක්ඛනිරෝධගාමිනී පටිපදා’ති යථාභූතං නප්පජානන්ති – න මෙ තෙ, හික්ඛවෙ, සමණා වා බ්‍රාහ්මණා වා සමණෙසු වා සමණසම්මතා බ්‍රාහ්මණෙසු වා බ්‍රාහ්මණසම්මතා, න ච පනෙනෙ ආයස්මන්තො සාමඤ්ඤත්ථං වා බ්‍රහ්මඤ්ඤත්ථං වා දිට්ඨෙව ධම්මෙ සයං අභිඤ්ඤා සච්ඡිකත්වා උපසම්පජ්ජ විහරන්ති.

“යෙ ච ඛො කෙවි, හික්ඛවෙ, සමණා වා බ්‍රාහ්මණා වා ‘ඉදං දුක්ඛ’න්ති යථාභූතං පජානන්ති; ‘අයං දුක්ඛසමුදයො’ති යථාභූතං පජානන්ති; ‘අයං දුක්ඛනිරෝධො’ති යථාභූතං පජානන්ති; ‘අයං දුක්ඛනිරෝධගාමිනී පටිපදා’ති යථාභූතං පජානන්ති – තෙ ඛො මෙ, හික්ඛවෙ, සමණා වා බ්‍රාහ්මණා වා සමණෙසු වෙව සමණසම්මතා බ්‍රාහ්මණෙසු ච බ්‍රාහ්මණසම්මතා, තෙ ච පනායස්මන්තො සාමඤ්ඤත්ථංඤ්ච බ්‍රහ්මඤ්ඤත්ථංඤ්ච දිට්ඨෙව ධම්මෙ සයං අභිඤ්ඤා සච්ඡිකත්වා උපසම්පජ්ජ විහරන්ති” ති. එතමත්ථං භගවා අවොච. තත්ථෙතං ඉති වුච්චති –

“යෙ දුක්ඛං නප්පජානන්ති, අථො දුක්ඛස්ස සම්භවං;
යත්ථ ච සබ්බසො දුක්ඛං, අසෙසං උපරුජ්ඣති;
තඤ්ච මග්ගං න ජානන්ති, දුක්ඛුපසමගාමිනං.

“වෙතොවිමුත්තිහීනා තෙ, අථො පඤ්ඤාවිමුත්තියා;
අභබ්බා තෙ අන්තකිරියාය, තෙ වෙ ජාතිජරුපගා.

“යෙ ච දුක්ඛං පජානන්ති, අථො දුක්ඛස්ස සම්භවං;
යත්ථ ච සබ්බසො දුක්ඛං, අසෙසං උපරුජ්ඣති;
තඤ්ච මග්ගං පජානන්ති, දුක්ඛුපසමගාමිනං.

“වෙතොවිමුත්තිසම්පන්නා, අථො පඤ්ඤාවිමුත්තියා;
භබ්බා තෙ අන්තකිරියාය, න තෙ ජාතිජරුපගා” ති.

අයම්පි අත්ථො වුත්තො භගවතා, ඉති මෙ සුතන්ති. චතුත්ථං.

5. සීලසම්පන්නසුත්තං

104. වුත්තඤ්ඤෙතං භගවතා, වුත්තමරහතාති මෙ සුතං –

“යෙ තෙ, හික්ඛවෙ, හික්ඛු සීලසම්පන්නා සමාධිසම්පන්නා පඤ්ඤාසම්පන්නා විමුත්තිසම්පන්නා විමුත්තිඤ්ඤාණදස්සනසම්පන්නා ඔවාදකා විඤ්ඤාපකා සන්දස්සකා සමාදපකා සමුත්තෙජකා සම්පහංසකා අලංසමක්ඛානාරො සද්ධම්මස්ස දස්සනම්පහං, හික්ඛවෙ, තෙසං හික්ඛුනං බහුපකාරං වදාමි; සවනම්පහං, හික්ඛවෙ, තෙසං හික්ඛුනං බහුපකාරං වදාමි; උපසංකමනම්පහං, හික්ඛවෙ, තෙසං හික්ඛුනං බහුපකාරං වදාමි;

පයිරුපාසනම්පහං, භික්ඛවෙ, තෙසං භික්ඛුනං බහුපකාරං වදාමි;
අනුස්සරණම්පහං, භික්ඛවෙ, තෙසං භික්ඛුනං බහුපකාරං වදාමි;
අනුපබ්බජ්ජම්පහං [අනුස්සතිම්පහං (සා.)], භික්ඛවෙ, තෙසං භික්ඛුනං
බහුපකාරං වදාමි. තං කිස්ස හෙතු? තථාරූපෙ, භික්ඛවෙ, භික්ඛු සෙවතො
හජතො පයිරුපාසතො අපරිපුරොපි සීලක්ඛන්තො භාවනාපාරිපූරිං ගච්ඡති,
අපරිපුරොපි සමාධික්ඛන්තො භාවනාපාරිපූරිං ගච්ඡති, අපරිපුරොපි
පඤ්ඤාක්ඛන්තො භාවනාපාරිපූරිං ගච්ඡති, අපරිපුරොපි විමුත්තික්ඛන්තො
භාවනාපාරිපූරිං ගච්ඡති, අපරිපුරොපි විමුත්තිඤ්ඤාණදස්සනක්ඛන්තො
භාවනාපාරිපූරිං ගච්ඡති. එවරූපා ව තෙ, භික්ඛවෙ, භික්ඛු සත්ථාරොතිපි
වුච්චන්ති, සත්ථවාහාතිපි වුච්චන්ති, රණඤ්ජහාතිපි වුච්චන්ති, තමොනුදාතිපි
වුච්චන්ති, ආලොකකරාතිපි වුච්චන්ති, ඔහාසකරාතිපි වුච්චන්ති,
පජ්ජොතකරාතිපි වුච්චන්ති, උක්කාධාරාතිපි වුච්චන්ති, පහඬිකරාතිපි
වුච්චන්ති, අරියාතිපි වුච්චන්ති, චක්ඛුමන්තොතිපි වුච්චන්ති”ති. එතමත්ථං
භගවා අවොච. තත්ථෙතං ඉති වුච්චති –

“පාමොජ්ජකරණං යානං [... කරුණයානං (සී. සා.)], එතං භොති
විජානතං;
යද්දිං භාවිතත්තානං, අරියානං ධම්මජීවිනං.

“තෙ ජොතයන්ති සද්ධම්මං, භාසයන්ති පහඬිකරා;
ආලොකකරණා ධීරා, චක්ඛුමන්තො රණඤ්ජහා.

“යෙසං වෙ සාසනං සුත්වා, සම්මදඤ්ඤාය පණ්ඩිතා;
ජාතික්ඛයමභිඤ්ඤාය, නාගච්ඡන්ති පුනඛ්භව”න්ති.

අයම්පි අත්ථො වුත්තො භගවතා, ඉති මෙ සුතන්ති. පඤ්චමං.

6. තණ්හුප්පාදසුත්තං

105. වුත්තඤ්ඤෙතං භගවතා, වුත්තමරහතාති මෙ සුතං –

“චත්තාරොමෙ, භික්ඛවෙ, තණ්හුප්පාදා, යත්ථ භික්ඛුනො තණ්හා
උප්පජ්ජමානා උප්පජ්ජති. කතමෙ චත්තාරො? වීචරහෙතු වා, භික්ඛවෙ,
භික්ඛුනො තණ්හා උප්පජ්ජමානා උප්පජ්ජති; පිණ්ඩපාතහෙතු වා, භික්ඛවෙ,
භික්ඛුනො තණ්හා උප්පජ්ජමානා උප්පජ්ජති; සෙනාසනහෙතු වා, භික්ඛවෙ,
භික්ඛුනො තණ්හා උප්පජ්ජමානා උප්පජ්ජති; ඉතිභවාභවහෙතු වා, භික්ඛවෙ,
භික්ඛුනො තණ්හා උප්පජ්ජමානා උප්පජ්ජති. ඉමෙ ඛො, භික්ඛවෙ,
චත්තාරො තණ්හුප්පාදා යත්ථ භික්ඛුනො තණ්හා උප්පජ්ජමානා
උප්පජ්ජති”ති. එතමත්ථං භගවා අවොච. තත්ථෙතං ඉති වුච්චති –

“තණ්හාදුතියො පුරිසො, දීඝමද්ධාන සංසරං;
ඉත්ථභාවඤ්ඤථාභාවං, සංසාරං නාතිවත්තති.

“එතමාදීනවං ඤාත්වා, තණ්හං දුක්ඛස්ස සම්භවං;
වීතතණ්හො අනාදානො, සතො භික්ඛු පරිබ්බජෙ”ති.

අයම්පි අත්ථො වුත්තො භගවතා, ඉති මෙ සුතන්ති. ඡට්ඨං.

7. සබ්බමකසුත්තං

106. වුත්තඤ්ඤෙතං භගවතා, වුත්තමරහතාති මෙ සුතං –

“සබ්බමකාති, භික්ඛවෙ, තාති කුලාති යෙසං පුත්තානං මාතාපිතරො අජ්ඣාගාරෙ පුජිතා භොන්ති. සපුබ්බදෙවතාති, භික්ඛවෙ, තාති කුලාති යෙසං පුත්තානං මාතාපිතරො අජ්ඣාගාරෙ පුජිතා භොන්ති. සපුබ්බාවරියකාති, භික්ඛවෙ, තාති කුලාති යෙසං පුත්තානං මාතාපිතරො අජ්ඣාගාරෙ පුජිතා භොන්ති. සාහුනෙය්‍යකාති, භික්ඛවෙ, තාති කුලාති යෙසං පුත්තානං මාතාපිතරො අජ්ඣාගාරෙ පුජිතා භොන්ති.

“‘බ්‍රහ්මා’ති, භික්ඛවෙ, මාතාපිතූනං එතං අධිවචනං. ‘පුබ්බදෙවතා’ති, භික්ඛවෙ, මාතාපිතූනං එතං අධිවචනං. ‘පුබ්බාවරියා’ති, භික්ඛවෙ, මාතාපිතූනං එතං අධිවචනං. ‘සාහුනෙය්‍යා’ති, භික්ඛවෙ, මාතාපිතූනං එතං අධිවචනං. තං කිස්ස හෙතු? බහුකාරා, භික්ඛවෙ, මාතාපිතරො පුත්තානං ආපාදකා පොසකා ඉමස්ස ලොකස්ස දස්සෙතාරො”ති. එතමත්ථං භගවා අවොච. තත්ථෙතං ඉති වුච්චති –

“බ්‍රහ්මාති මාතාපිතරො, පුබ්බාවරියාති වුච්චරෙ;
ආහුනෙය්‍යා ච පුත්තානං, පජාය අනුකම්පකා.

“තස්මා හි නෙ නමස්සෙය්‍ය, සක්කරෙය්‍ය ච පණ්ඩිතො;
අන්තෙන අථ පානෙන, චත්ථෙන සයනෙන ච;
උච්ඡාදනෙන න්භාපනෙන [නභාපනෙන (සී.)], පාදානං ධොවනෙන ච.

“තාය නං පාරිවරියාය, මාතාපිතූසු පණ්ඩිතා;
ඉධෙව නං පසංසන්ති, පෙච්ච සග්ගෙ පමොදති”ති.

අයම්පි අත්ථො වුත්තො භගවතා, ඉති මෙ සුතන්ති. සත්තමං.

8. බහුකාරසුත්තං

107. වුත්තඤ්ඤෙතං භගවතා, වුත්තමරහතාති මෙ සුතං –

“බහුකාරා [බහුපකාරා (සී. පී.)], භික්ඛවෙ, බ්‍රාහ්මණගහපතිකා තුම්භාකං යෙ වො [යෙ තෙ (සබ්බත්ථ)] පච්චුපට්ඨිතා වීචරපිණ්ඩපාතසෙනාසනගිලානපච්චයහෙසජ්ජපරික්ඛාරෙහි. තුම්භෙපි, භික්ඛවෙ, බහුකාරා බ්‍රාහ්මණගහපතිකානං යං [යෙ (?)] නෙසං ධම්මං

දෙසෙථ ආදිකල්‍යාණං මජ්ඣකල්‍යාණං පරියොසානකල්‍යාණං සාත්ථං සබ්බාසද්දනං, කෙවලපරිපුණ්ණං පරිසුද්ධං බ්‍රහ්මවරියං පකාසෙථ. එවමිදං, භික්ඛවෙ, අඤ්ඤමඤ්ඤං නිස්සාය බ්‍රහ්මවරියං වුස්සති ඔසස්ස නිත්ථරණත්ථාය සම්මා දුක්ඛස්ස අන්තකිරියායා’’ති. එතමත්ථං භගවා අවොච. තත්ථෙතං ඉති වුච්චති -

“සාගාරා අනගාරා ච, උභො අඤ්ඤොඤ්ඤානිස්සිතා;
ආරාධයන්ති සද්ධම්මං, යොගක්ඛෙමං අනුත්තරං.

“සාගාරෙසු ච චීවරං, පච්චයං සයනාසනං;
අනගාරා පටිච්ඡන්ති, පරිස්සයවිනොදනං.

“සුගතං [පුග්ගලං (සී. ක.)] පන නිස්සාය, ගහට්ඨා සරමෙසිනො;
සද්දහානා අරහතං, අරියපඤ්ඤාය ඤායිනො.

“ඉධ ධම්මං චරිත්වාන, මග්ගං සුගතිගාමිනං;
නන්දිනො දෙවලොකස්මිං, මොදන්ති කාමකාමිනො’’ති.

අයම්පි අත්ථො වුත්තො භගවතා, ඉති මෙ සුතන්ති. අට්ඨමං.

9. කුහසුත්තං

108. වුත්තඤ්ඤෙනං භගවතා, වුත්තමරහතාති මෙ සුතං -

“යෙ කෙච්චි, භික්ඛවෙ, භික්ඛු කුහා ථද්ධා ලපා සිඬ්ඨී උන්තළා අසමාහිතා, න මෙ තෙ, භික්ඛවෙ, භික්ඛු මාමකා. අපගතා ච තෙ, භික්ඛවෙ, භික්ඛු ඉමස්මා ධම්මචිනායා; න ච තෙ [න ච තෙ භික්ඛවෙ භික්ඛු (සී. පී. ක.)] ඉමස්මිං ධම්මචිනයෙ වුද්ධිං විරුළ්භිං වෙපුල්ලං ආපජ්ජන්ති. යෙ ච ඛො, භික්ඛවෙ, භික්ඛු නික්කුහා නිල්ලපා ධීරා අත්ථද්ධා සුසමාහිතා, තෙ ඛො මෙ, භික්ඛවෙ, භික්ඛු මාමකා. අනපගතා ච තෙ, භික්ඛවෙ, භික්ඛු ඉමස්මා ධම්මචිනායා; තෙ ච ඉමස්මිං ධම්මචිනයෙ [ඉමස්මිං ච තෙ ධම්මචිනයෙ (සාය.), තෙ භික්ඛවෙ භික්ඛු ඉමස්මිං ධම්මචිනයෙ (ක.)] වුද්ධිං විරුළ්භිං වෙපුල්ලං ආපජ්ජන්ති’’ති. එතමත්ථං භගවා අවොච. තත්ථෙතං ඉති වුච්චති -

“කුහා ථද්ධා ලපා සිඬ්ඨී, උන්තළා අසමාහිතා;
න තෙ ධම්මෙ විරුහන්ති, සම්මාසම්බුද්ධදෙසිතෙ.

“නික්කුහා නිල්ලපා ධීරා, අත්ථද්ධා සුසමාහිතා;
තෙ වෙ ධම්මෙ විරුහන්ති, සම්මාසම්බුද්ධදෙසිතෙ’’ති.

අයම්පි අත්ථො වුත්තො භගවතා, ඉති මෙ සුතන්ති. නවමං.

10. නදියොනසුත්තං

109. වුත්තඤ්ඤෙතං භගවතා, වුත්තමරහතාති මෙ සුතං –

“සෙය්‍යාථාපි, භික්ඛවෙ, පුරිසො නදියා සොතෙන ඔවුස්භෙය්‍ය පියරූපසාතරූපෙන. තමෙනං චක්ඛුමා පුරිසො තීරෙ ධීතො දිස්වා එවං වදෙය්‍ය – ‘ක්ඤ්ඤාපි ඛො ත්වං, අම්හො පුරිස, නදියා සොතෙන ඔවුස්භසි පියරූපසාතරූපෙන, අත්ථි චෙත්ථ හෙට්ඨා රහදො සඤ්ඤාමි සාවට්ඨො සගහො සරක්ඛසො යං ත්වං, අම්හො පුරිස, රහදං පාපුණ්ණිත්වා මරණං වා නිගච්ඡසි මරණමත්තං වා දුක්ඛ’න්ති. අථ ඛො සො, භික්ඛවෙ, පුරිසො තස්ස පුරිසස්ස සද්දං සුත්වා හත්ථෙහි ව පාදෙහි ව පටිසොතං වායමෙය්‍ය.

“උපමා ඛො මෙ අයං, භික්ඛවෙ, කතා අත්ථස්ස විඤ්ඤාපනාය. අයං චෙත්ථ [අයං චෙචෙත්ථ (සාය.)] අත්ථො – ‘නදියා සොතො’ති ඛො, භික්ඛවෙ, තණ්හායෙනං අධිවචනං.

“‘පියරූපං සාතරූප’න්ති ඛො, භික්ඛවෙ, ඡන්තෙනං අජ්ඣත්තිකානං ආයතනානං අධිවචනං.

“‘හෙට්ඨා රහදො’ති ඛො, භික්ඛවෙ, පඤ්චන්තං ඔරම්භාගියානං සංයොජනානං අධිවචනං;

“‘ඤ්ඤාමි’න්ති ඛො [සඤ්ඤාමි ඛො (බහුසු)], භික්ඛවෙ, කොට්ඨපායාසස්සෙනං අධිවචනං;

“‘සාවට්ඨ’න්ති ඛො [සාවට්ඨොති ඛො (බහුසු)], භික්ඛවෙ, පඤ්චන්තෙනං කාමගුණානං අධිවචනං;

“‘ගහරක්ඛසො’ති ඛො [සගහො සරක්ඛසොති ඛො (බහුසු)], භික්ඛවෙ, මාතුගාමස්සෙනං අධිවචනං;

“‘පටිසොතො’ති ඛො, භික්ඛවෙ, නෙක්ඛම්මස්සෙනං අධිවචනං;

“‘හත්ථෙහි ව පාදෙහි ව වායාමො’ති ඛො, භික්ඛවෙ, වීරියාරම්භස්සෙනං අධිවචනං;

“‘චක්ඛුමා පුරිසො තීරෙ ධීතොති ඛො, භික්ඛවෙ, තථාගතස්සෙනං අධිවචනං අරහතො සම්මාසම්බුද්ධස්සා”ති. එතමත්ථං භගවා අවොච. තත්ථෙතං ඉති වුච්චති –

“සභාපි දුක්ඛෙන ජහෙය්‍ය කාමෙ, යොගක්ඛෙමං ආයතීං පත්ථයානො;

සම්මප්පජානො සුචිත්තචිත්තො, විමුත්තියා එස්සයෙ තත්ථ තත්ථ; ස වෙදගු වුසිතබ්බමචරියො, ලොකන්තගු පාරගතොති වුච්චති”ති.

අයම්පි අත්ථො වුත්තො භගවතා, ඉති මෙ සුතන්ති. දසමං.

11. වරසුත්තං

110. වුත්තඤ්ඤෙතං භගවතා, වුත්තමරහතාති මෙ සුතං -

“වරතො වෙපි, භික්ඛවෙ, භික්ඛුනො උප්පජ්ජති කාමචිතක්කො වා බ්‍යාපාදචිතක්කො වා විහිංසාචිතක්කො වා. තඤ්ඤෙ, භික්ඛවෙ, භික්ඛු අධිවාසෙති නප්පජ්ජහති න විනොදෙති න බ්‍යන්තිකරොති [බ්‍යන්තිකරොති (සී. පී.), බ්‍යන්තං කරොති (ක.)] අනභාවං ගමෙති. වරමපි, භික්ඛවෙ, භික්ඛු එවංභූතො අනාතාපි අනොත්තාපි [අනොත්තප්පි (සබ්බත්ථ) දුකනිපාතෙ, අඛගුත්තරෙ 1.4.11 පස්සිතබ්බං] සතතං සමිතං කුසිතො භීතචිරියොති වුච්චති.

“ධීතස්ස වෙපි, භික්ඛවෙ, භික්ඛුනො උප්පජ්ජති කාමචිතක්කො වා බ්‍යාපාදචිතක්කො වා විහිංසාචිතක්කො වා. තඤ්ඤෙ, භික්ඛවෙ, භික්ඛු අධිවාසෙති නප්පජ්ජහති න විනොදෙති න බ්‍යන්තිකරොති න අනභාවං ගමෙති. ධීතොපි, භික්ඛවෙ, භික්ඛු එවංභූතො අනාතාපි අනොත්තාපි සතතං සමිතං කුසිතො භීතචිරියොති වුච්චති.

“නිසිත්තස්ස වෙපි, භික්ඛවෙ, භික්ඛුනො උප්පජ්ජති කාමචිතක්කො වා බ්‍යාපාදචිතක්කො වා විහිංසාචිතක්කො වා. තඤ්ඤෙ, භික්ඛවෙ, භික්ඛු අධිවාසෙති නප්පජ්ජහති න විනොදෙති න බ්‍යන්තිකරොති න අනභාවං ගමෙති. නිසිත්තොපි, භික්ඛවෙ, භික්ඛු එවංභූතො අනාතාපි අනොත්තාපි සතතං සමිතං කුසිතො භීතචිරියොති වුච්චති.

“සයානස්ස වෙපි, භික්ඛවෙ, භික්ඛුනො ජාගරස්ස උප්පජ්ජති කාමචිතක්කො වා බ්‍යාපාදචිතක්කො වා විහිංසාචිතක්කො වා. තඤ්ඤෙ, භික්ඛවෙ, භික්ඛු අධිවාසෙති නප්පජ්ජහති න විනොදෙති න බ්‍යන්තිකරොති න අනභාවං ගමෙති. සයානොපි, භික්ඛවෙ, භික්ඛු ජාගරො එවංභූතො අනාතාපි අනොත්තාපි සතතං සමිතං කුසිතො භීතචිරියොති වුච්චති.

“වරතො වෙපි, භික්ඛවෙ, භික්ඛුනො උප්පජ්ජති කාමචිතක්කො වා බ්‍යාපාදචිතක්කො වා විහිංසාචිතක්කො වා. තඤ්ඤෙ, භික්ඛවෙ, භික්ඛු නාධිවාසෙති පජ්ජහති විනොදෙති බ්‍යන්තිකරොති අනභාවං ගමෙති. වරමපි, භික්ඛවෙ, භික්ඛු එවංභූතො ආතාපි ඔත්තාපි [ඔත්තප්පි (සබ්බත්ථ)] සතතං සමිතං ආරද්ධචිරියො පහිතත්තොති වුච්චති.

“ධීතස්ස වෙපි, භික්ඛවෙ, භික්ඛුනො උප්පජ්ජති කාමචිතක්කො වා බ්‍යාපාදචිතක්කො වා විහිංසාචිතක්කො වා. තඤ්ඤෙ, භික්ඛවෙ, භික්ඛු නාධිවාසෙති පජ්ජහති විනොදෙති බ්‍යන්තිකරොති අනභාවං ගමෙති. ධීතොපි, භික්ඛවෙ, භික්ඛු එවංභූතො ආතාපි ඔත්තාපි සතතං සමිතං ආරද්ධචිරියො පහිතත්තොති වුච්චති.

“නිසින්නස්ස වෙපි, භික්ඛවෙ, භික්ඛුනො උප්පජ්ජති කාමචිතක්කො වා බ්‍යාපාදචිතක්කො වා විහිංසාචිතක්කො වා. තඤ්චෙ, භික්ඛවෙ, භික්ඛු නාධිවාසෙති පජ්භති විනොදෙති බ්‍යන්තිකරොති අනභාවං ගමෙති. නිසින්නොපි, භික්ඛවෙ, භික්ඛු එවංභූතො ආතාපී ඔත්තාපී සත්තං සමිතං ආරද්ධවීරියො පහිත්තොති වුච්චති.

“සයානස්ස වෙපි, භික්ඛවෙ, භික්ඛුනො ජාගරස්ස උප්පජ්ජති කාමචිතක්කො වා බ්‍යාපාදචිතක්කො වා විහිංසාචිතක්කො වා. තඤ්චෙ, භික්ඛවෙ, භික්ඛු නාධිවාසෙති පජ්භති විනොදෙති බ්‍යන්තිකරොති අනභාවං ගමෙති. සයානොපි, භික්ඛවෙ, භික්ඛු ජාගරො එවංභූතො ආතාපී ඔත්තාපී සත්තං සමිතං ආරද්ධවීරියො පහිත්තොති වුච්චති”ති. එතමත්ථං භගවා අවොච. තත්ථෙතං ඉති වුච්චති –

“වරං වා යදි වා තිට්ඨං, නිසින්නො උද වා සයං;
යො චිතක්කං චිතක්කෙති, පාපකං ගෙහනිස්සිතං.

“කුම්මග්ගං පටිපන්නො [කුම්මග්ගපටිපන්නො (අ. නි. 4.11)]
සො, මොහනෙයොසු මුච්ඡිතො;
අභබ්බො තාදිසො භික්ඛු, ඵ්ථිද්ධං සම්බොධිමුත්තමං.

“යො ච වරං වා තිට්ඨං වා [යො වරං වා යදි වා තිට්ඨං (සයා.), යො වරං වාථ තිට්ඨං වා (සී. ක.)], නිසින්නො උද වා සයං;
චිතක්කං සමයිත්වාන, චිතක්කුපසමෙ රතො;
භබ්බො සො තාදිසො භික්ඛු, ඵ්ථිද්ධං සම්බොධිමුත්තම”න්ති.

අයම්පි අත්ථො වුත්තො භගවතා, ඉති මෙ සුත්තන්ති. එකාදසමං.

12. සම්පන්නසීලසුත්තං

111. වුත්තඤ්ඤෙතං භගවතා, වුත්තමරහතාති මෙ සුත්තං –

“සම්පන්නසීලා, භික්ඛවෙ, විහරථ [භොථ (සයා.)]
සම්පන්නපාතිමොක්ඛා; පාතිමොක්ඛසංවරසංවුතා විහරථ
ආචාරගොචරසම්පන්නා අණුමත්තෙසු වජ්ජෙසු භයදස්සාවිතො; සමාදාය
සික්ඛථ සික්ඛාපදෙසු.

“සම්පන්නසීලානං වො, භික්ඛවෙ, විහරතං [භවතං (සයා.)]
සම්පන්නපාතිමොක්ඛානං පාතිමොක්ඛසංවරසංවුතානං විහරතං
ආචාරගොචරසම්පන්නානං අණුමත්තෙසු වජ්ජෙසු භයදස්සාවීතං සමාදාය
සික්ඛතං සික්ඛාපදෙසු කිමස්ස උත්තරි කරණියං [කිමස්ස භික්ඛවෙ උත්තරි
කරණියං (සබ්බත්ථ)]?

“වරතො වෙපි, හික්ඛවෙ, හික්ඛුනො [අභිජ්ඣා බ්‍යාපාදො විගතො (අ. නි. 4.12) අට්ඨකථාය සමෙති] භිජ්ඣා විගතා [අභිජ්ඣා බ්‍යාපාදො විගතො (අ. නි. 4.12) අට්ඨකථාය සමෙති] හොති, බ්‍යාපාදො විගතො හොති [ථිනමිද්ධං උද්ධච්චකුක්කුච්චං විචිකිච්ඡා (අ. නි. 4.12)], ථිනමිද්ධං විගතං හොති, උද්ධච්චකුක්කුච්චං විගතං හොති, විචිකිච්ඡා [ථිනමිද්ධං උද්ධච්චකුක්කුච්චං විචිකිච්ඡා (අ. නි. 4.12)] පහිනා හොති, ආරද්ධං හොති වීරියං අසල්ලීනං, උපට්ඨිතා සති අසම්මුට්ඨා [අප්පමුට්ඨා (සා.)], පස්සද්ධො කායො අසාරද්ධො, සමාහිතං චිත්තං එකග්ගං. වරමිපි, හික්ඛවෙ, හික්ඛු එවංභූතො ආතාපි ඔත්තාපි සත්තං සමිතං ආරද්ධවීරියො පහිතත්තොති වුච්චති.

“ධීතස්ස වෙපි, හික්ඛවෙ, හික්ඛුනො අභිජ්ඣා විගතා හොති බ්‍යාපාදො...පෙ.... ථිනමිද්ධං... උද්ධච්චකුක්කුච්චං... විචිකිච්ඡා පහිනා හොති, ආරද්ධං හොති වීරියං අසල්ලීනං, උපට්ඨිතා සති අසම්මුට්ඨා, පස්සද්ධො කායො අසාරද්ධො, සමාහිතං චිත්තං එකග්ගං. ධීතොපි, හික්ඛවෙ, හික්ඛු එවංභූතො ආතාපි ඔත්තාපි සත්තං සමිතං ආරද්ධවීරියො පහිතත්තොති වුච්චති.

“නිසින්තස්ස වෙපි, හික්ඛවෙ, හික්ඛුනො අභිජ්ඣා විගතා හොති, බ්‍යාපාදො...පෙ.... ථිනමිද්ධං... උද්ධච්චකුක්කුච්චං... විචිකිච්ඡා පහිනා හොති, ආරද්ධං හොති වීරියං අසල්ලීනං, උපට්ඨිතා සති අසම්මුට්ඨා, පස්සද්ධො කායො අසාරද්ධො, සමාහිතං චිත්තං එකග්ගං. නිසින්තොපි, හික්ඛවෙ, හික්ඛු එවංභූතො ආතාපි ඔත්තාපි සත්තං සමිතං ආරද්ධවීරියො පහිතත්තොති වුච්චති.

“සයානස්ස වෙපි, හික්ඛවෙ, හික්ඛුනො ජාගරස්ස අභිජ්ඣා විගතා හොති බ්‍යාපාදො...පෙ.... ථිනමිද්ධං... උද්ධච්චකුක්කුච්චං... විචිකිච්ඡා පහිනා හොති, ආරද්ධං හොති වීරියං අසල්ලීනං, උපට්ඨිතා සති අසම්මුට්ඨා, පස්සද්ධො කායො අසාරද්ධො, සමාහිතං චිත්තං එකග්ගං. සයානොපි, හික්ඛවෙ, හික්ඛු ජාගරො එවංභූතො ආතාපි ඔත්තාපි සත්තං සමිතං ආරද්ධවීරියො පහිතත්තොති වුච්චති”ති. එතමත්ථං භගවා අවොච. තත්ථෙතං ඉති වුච්චති –

“යතං වරෙ යතං තිට්ඨෙ, යතං අච්ඡෙ යතං සයෙ;
යතං සමිඤ්ජයෙ [සමිඤ්ජයෙ (සි. සා.)] හික්ඛු, යතමෙනං
පසාරයෙ.

“උද්ධං තීරියං අපාචීනං, යාවතා ජගතො ගති;
සමවෙක්ඛිතා ච ධම්මානං, ඛන්ධානං උදයබ්බයං.

“එවං විහාරිමාතාපි, සන්තවුත්තිමනුද්ධනං;
වෙතොසමථසාමිචිං, සික්ඛමානං සදා සතං;

සතතං පහිතත්තොති, ආහු භික්ඛුං තථාච්ච”න්ති.

අයම්පි අත්ථො චුත්තො භගවතා, ඉති මෙ සුතන්ති. ද්වාදසමං.

13. ලොකසුත්තං

112. චුත්තඤ්ඤෙතං භගවතා, චුත්තමරහතාති මෙ සුතං –

“ලොකො, භික්ඛවෙ, තථාගතෙන අභිසම්බුද්ධො: ලොකස්මා තථාගතො විසංයුත්තො. ලොකසමුදයො, භික්ඛවෙ, තථාගතෙන අභිසම්බුද්ධො : ලොකසමුදයො තථාගතස්ස පභිනො. ලොකනිරොධො, භික්ඛවෙ, තථාගතෙන අභිසම්බුද්ධො: ලොකනිරොධො තථාගතස්ස සච්ඡිකතො. ලොකනිරොධගාමිනී පටිපදා, භික්ඛවෙ, තථාගතෙන අභිසම්බුද්ධො: ලොකනිරොධගාමිනී පටිපදා තථාගතස්ස භාවිතා.

“යං, භික්ඛවෙ, සදෙවකස්ස ලොකස්ස සමාරකස්ස සබ්බමකස්ස සස්සමණුක්ඛාන්මණියා පජාය සදෙවමනුස්සාය දිට්ඨං සුතං මුතං විඤ්ඤාතං පත්තං පරියෙසිතං අනුච්චරිතං මනසා යස්මා තං තථාගතෙන අභිසම්බුද්ධං, තස්මා තථාගතොති වුච්චති.

“යඤ්ච, භික්ඛවෙ, රත්තිං තථාගතො අනුත්තරං සම්මාසම්බොධිං අභිසම්බුද්ධාති, යඤ්ච රත්තිං අනුපාදිසෙසාය නිබ්බානධාතුයා පරිනිබ්බායති, යං එතස්මිං අන්තරෙ භාසති ලපති නිද්දිසති, සබ්බං තං තථෙව භොති නො අඤ්ඤා, තස්මා තථාගතොති වුච්චති.

“යථාචාදී, භික්ඛවෙ, තථාගතො තථාකාරී, යථාකාරී තථාචාදී, ඉති යථාචාදී තථාකාරී යථාකාරී තථාචාදී, තස්මා තථාගතොති වුච්චති.

“සදෙවකෙ, භික්ඛවෙ, ලොකෙ සමාරකෙ සබ්බමකෙ සස්සමණුක්ඛාන්මණියා පජාය සදෙවමනුස්සාය තථාගතො අභිභූ අනභිභූතො අඤ්ඤදත්ථුදසො වසවත්තී, තස්මා තථාගතොති වුච්චති”ති. එතමත්ථං භගවා අවොච. තත්ථෙතං ඉති වුච්චති –

“සබ්බලොකං [සබ්බං ලොකං (අ. නි. 4.23)] අභිඤ්ඤාය, සබ්බලොකෙ යථාතථං;
සබ්බලොකවිසංයුත්තො, සබ්බලොකෙ අනුපයො [අනුසයො (සී.), අනුපයො (සා.)].

“ස වෙ [සබ්බෙ (සබ්බත්ථ) අ. නි. 4.23 පස්සිතබ්බං] සබ්බාභිභූ ධීරො, සබ්බගත්ථස්සමොචනො;
චුට්ඨාස්ස පරමා සන්ති, නිබ්බානං අකුතොභයං.

“එස ඛිණාසවො බුද්ධො, අනිසො ඡිත්තසංසයො;
සබ්බකම්මක්ඛයං පත්තො, විමුත්තො උපධිසඬ්ඛයෙ.

“එස සො භගවා බුද්ධො, එස සීහො අනුත්තරො;
සදෙවකස්ස ලොකස්ස, බ්‍රහ්මචක්කං පචත්තයි.

“ඉති දෙවා මනුස්සා ච, යෙ බුද්ධං සරණං ගතා;
සඬ්ගම්ම තං නමස්සන්ති, මහන්තං චීතසාරදං.

“දන්තො දමයනං සෙට්ඨො, සන්තො සමයනං ඉසි;
මුත්තො මොචයනං අග්ගො, තිණ්ණො තාරයනං චරො.

“ඉති භෙනං නමස්සන්ති, මහන්තං චීතසාරදං;
සදෙවකස්මිං ලොකස්මිං, නත්ථි තෙ පටිපුග්ගලො” ති.

අයම්පි අත්ථො වුත්තො භගවතා, ඉති මෙ සුතන්ති. තෙරසමං.

චතුක්කනිපාතො නිට්ඨිතො.

තස්සුද්දානං —

බ්‍රාහ්මණසුලභා **[බ්‍රාහ්මණචත්තාරි (සබ්බත්ථ)]** ජානං, සමණසීලා
තණ්හා බ්‍රහ්මා;
බහුකාරා කුහපුරිසා **[කුහනා (සා.))**, චර සම්පන්න ලොකෙන
තෙරසාති.

සුත්තසඬ්ගහො —

සත්තවිසෙකනිපාතං, දුක්කං බාවිසසුත්තසඬ්ගහිතං;
සමපඤ්ඤාසමථතිකං, තෙරස චතුක්කඤ්ච ඉති යමිදං.

ද්විදසුත්තරසුත්තසතෙ, සඬ්ගායිත්වා සමාදහිංසු පුරා;
අරහන්තො විරට්ඨිතියා, තමාහු නාමෙන ඉතිවුත්තන්ති.

ඉතිවුත්තකපාළි නිට්ඨිතා.



සබ්බදාතං ධම්ම දාතං ජිනාති,
සබ්බරසං ධම්ම රසං ජිනාති;
සබ්බරතීං ධම්ම රතීං ජිනාති
තණ්හාක්ඛයෝ සබ්බදුක්ඛං ජිනාති

(ධම්මපදය තණ්හා වග්ගො)

ධම්මාරාමො ධම්මරතො - ධම්මං ධුත්ථිච්ඡන්දයං;
ධම්මං ධුත්ථස්සරං නික්ඛු - සද්ධම්මා හ පරිනායති.

(ධම්මපදය නික්ඛු වග්ගො)

ධම්මො පතොසො සුගතාප්පසන්ථො,
තරණීච සංසාර මහණ්ණවස්ස;
බ්‍රහ්මාසුරාදීනි අමස්සනීයෙතා,
රසො රසානං පරමො තිලොක්කො.

මහාගඳො මච්චුපරා පහානො,
සබ්බිනිනාසාය විසෙසමන්තො;
සබ්බන්ති දානෙත ච කප්පරුක්ඛො,
චින්නාමනී හද්දසටොච ධම්මො.

ධම්මං විනා තන්ති ජිනාච මානා,
තමෙව තාණං සරණං පනිට්ඨා;
තස්මා හි තො කිච්චමඤ්ඤප්පනාය,
සුඤ්ඤාච ධාරෙච වරාච ධම්මෙ.

(භස්වාහිනී)

චිරං නිට්ඨතු ලොකස්මිං - සම්මා සම්බුද්ධ සාසානං!

ධර්ම උත්තම පිණිසයි.....